




T8c



John Carter Brown.







AMERICAЕ
PARS SEXTA.
SIVE

HISTORIÆ AB HIERONYMO BÉZONO
Mediolanēse scriptæ, sectio tertia, res nō
minus nobiles & admiratione plenas con-
tinens, quā præcedentes duæ. In hac
enim reperies, quā ratione Hispani opulē-
tissimas illas Peruviani regni provincias oc-
cuparint, capto Rege Atabaliba: deinde orta
inter ipsos Hispanos in eo regno civilia bella.

*Additur est brevis de Fortunatis insulis Cōmenta-
riolus in duo capita distinctus.*

*Item ad ditiones ad singula Capita Histo-
riam illustrantes.*


Accessit Pervani regni chōrographica Tabula.


AD
INVICTIS RVDOLPH. II. ROM. IM. AVG.

Omnia elegantibus figuris in æs incisus expressa
à Theodoro de Bry Leod. cive autem Frācosurteſe

A. M. D. XCVI.
Cum privilegio s. c. Ma. tis.







TERTII LIBRI SUM- MA ET ARGUMENTVM.



Ispani, subactis, aut certe tentatis, Indicæ continentis oris aliquot, Castella Aurea, Noua Hispania, Nicaragua, Iucatana, alijsque quæ Septentrionem spectant; nunc quoque versas in austros prouincias affectantes, Peruanum inprimis regnum ditissimum, Pizarro & Almagro ducibus, occupant, & legitimo rege præter fas interemto, in prouinciæ formam redigunt. Mox inter eos, vbi hostis defuit, fœda de principatu coorta dissidia, bella ciuilia accendunt, ne sublati quidem partium ducibus extincta.


Interea graui cum tyrannide seruitus gliscit aduersus Indos, cui tollendæ & simul componendis prouinciæ motibus, mittitur à Cæsare vnus & alter. Mota in vtrumque contumaciter arma; sed in vltimum, Proregem videlicet, præcipuè, ab omnibus ferè colonis sæuitia Edictorum offensis, Gonzallo Pizarro duce, publicum bellum suscipitur. Prorex prælio victus interficitur. Cæsar


quando vi aperta non processerat, astu rem aggrediendam ratus, vulpem mittit in Indiam, Petrum Galscam. Is, precio & præmiorum spe plectis in se hostium ducibus ac coplis, Pizarum viribus exutum & facile victum morte adficit; atque ægrè compositis Peruanis rebus in Hispaniam reuertitur.

His exactis, Benzo in describendam Peruanorum religionem, mores & instituta excurrit; docetque quam Hispani non tantum de se, sed de omnibus quoque Christianis, opinionem apud eas gentes conciuerint; Nimirum non esse homines ex hominum stirpe genitos, sed immanes quasdam beluas ex barbari elementi spuma concretas ad humani generis perniciem. Vsque adeo barbariem inter Barbaros ipsos exercuimus. Postremo librum suo ex India in patriam reditu claudit.

NOVAE








Cusco
et opulenta
in occidenta
bitabat m
ba quo te
illua
per Jheo



bs nobilissima.
ma Peruanum regni
arte sita, in qua ha
us ille Rex stabali
ore Hispani regnum
rmis sibi
icarunt.
rum de Bry Leod.





NOVAE NOVI ORBIS HISTORIAE.

LIBER TERTIVS.

Fr. Pizarrus, Did. Almagrus, & Fern. Luques, in ita societate, expeditionem in Peruanas regiones suscipiunt. Indi Pizarrum & Almagrum malè accipiunt. Illi tandem multos post labores in speratas opes incidunt.

CAPVT I.

IAM (1) Franciscus Pizarrus, Didacus Almagrus, Fernandus Luques sacerdos, Panamæ, certis partis que opibus fruebantur, quum pro certo accipiunt omnem illam oram Meridiem versus auro, argento, eranis, & smaragdis abundare. Itaque tres istæ simul societatem ineunt, quumque inter eos re communi consilio deliberata, sententia stetisset, nouas terras ire vestigatum, fide inuicem accepta & data promittunt pro se quisque fidelem ad id operam collaturos: partasque opes, terras & gentes subactas, ex æquo inter se fraterne diuisuros.

HIS vbi conditionibus res inter eos transacta est, naues, arma, commeatus, omnia classi ornandæ necessaria comparant. Mox ducentis & viginti contractis militibus atque in naues impositis, Pizarrus & Almagrus anno M. D. XXVI. paucis alius post alium dieb. Panama soluunt: sacerdote ibi relicto, vt quæ ad expeditionem necesse essent, curaret. Pizarrus ea ora tercentum millium spatio per nauigata, tandem litus tenens in terram egreditur. Ibi obuiam Indi progressi ad litus, terræ aditu Hispanos prohibent, multisque interemtis, Pizarrum ipsum cum aliis aliquot, saucium prælio excedere cogunt. Ipse tam inauspicato principio deterritus, Panamam reuertitur, iam suscepti consilij poenitens. Diuersa in parte Almagrus flumine aduerso subiens, quod ipse S. Iohannis nuncupauit, benigne ab indigenis exceptus est, & ab iis tria amplius aureorum ducatorum millia dono data retulit. Inde ad mare secundo amne defluens, & oræ aliquantum præteruectus, in eundem forte incurrit locum vbi socium eius male acceptum fuisse diximus. Ergo Almagrum quoque ibi egressum Indi ferociter adorti, alterum eius oculum lapide grauiter feriunt, quem paulo post amisit: maximamque militum eius partem fœde trucidant. Itaque multis amissis Panamam quoque & ipse regredi cogitur.

POST QUAM eo peruenit, Pizarrum ibi nactus, ei significat terram ab se dete-

Motus

*Mira in
Barbaris
iudicij sa-
gacitas, qui
ignotos tā
bene noscet.*

etiam ditissimam auri esse. itaque sibi videri de integro instaurandam classem, & denuo ad eam subigendam eundum. Quare percuratis vulneribus, cum ducen- tis militibus, & multis Indicis mancipiis, duabus nauibus, & lintribus aliquot patriis quibus Indi singulis arboribus cauatis nauigant, portu soluunt: quumq; maximis laboribus per altum eandem illam, quam prius oram tenerent: non tamen eodem quo primum loco, in litus egrediuntur. Indigenę, quum gentem illam barbatam haud satis probam esse iudicarent, strenue in Hispanos impres- sionem faciunt, multisque eorum cæsis, ceteros ad naues fundunt fugantque. Hispani appulsu litoris prohibiti in Gorgonem secedunt, perexiguam & deser- tam insulam, quæ sex tantum mill. freto à continenti discreta est.

IBI quum ea prouincia potiri cuperent, propter ingens auri oblatum speci- men, nec ad id perficiendum satis militum haberent, Almagrum ad supplemen- tum arcessendum ire placuit. Ipse eius rei causa Panamam regressus, quamquam paulo tardius ibi moratus, cum octoginta quinque Hispanis reuersus est, & Pi- zarrum cum omnibus suis prope exanimatum fame reperit. Mox tamen vino, pane biscocto aliisque cibariis quę Panama subuecta erant, refectis corporibus, inde soluentes, viginti millia pass. longius appulsi, ingenti diuitiarum spe in litus defiliunt. Sed vix egressis Indi lanceis saxisque armati superueniunt, & in Hispa- nos animose gradum inferentes, interemtis aliquot, ceteros è finibus suis ar- cent. Hispani rem haud satis obuiam & paratam experti, in insulam desertam concedunt, quam quod galli gallinacei effigie promontorium haberet, insulam Galli nuncuparunt.

*Hispani mi-
lites vota
sua execra-
tur.*

PIZARRVS ira & dolore in eam gentem incensus, ob tot interfectos ab ea milites, vlcisci suorum cædem cupiens, socium Panamam remittit, eique nego- tium dat vt quam maxime multos milites contrahat & adducat. Parantem abi- re Almagrum plerique Hispani sequi volebant, suę cupidini infensi, terramque ipsam & speratas eius diuitias execrantes: sed quum illis duces ipsi potestatem abeundi, imo etiam scribendi ad suos, dare abnuerent, ne forte aduersam de ea ora spargerent famam, & nouum subsidium impedirent, remansere. Sed ne ita quidem fama cohiberi potuit, quominus Hispanorum clades & misérias vulga- ret: scripsere nonnulli Hispani clanculum ad amicos de morte suorum, de labo- ribus intolerandis, ærumnisq; in quas incidissent: quam misero statu res essent, postremo de asperitate ipsius regionis: plurimum de Almagro & Pizarro que- rentes, quod plerique ipsorum morbis impliciti, quum Panamam ad curanda corpora regredi vellent, liberum commeatum ab iis impetrare non potuissent.

FORTE paulo ante quam Almagrus Panamam appelleret, ei prouincię Pe- trus Flumineus (vulgo *de los Rios*) impositus fuerat. Is tali de Hispanis nuncio accepto, subito domesticum quendam suum ad insulam Galli expedite ire iu- bet, ac Pizarro edicere, graui constituta pœna, ne quemquam Hispanum inui- tum ibi detineret. Pizarrus ex eo Gubernatoris mandato ingentem cepit dolo- rem: quum maxima pars Hispanorum qui cum eo erant, insula excederet. Cete- ris qui

ris qui remanserunt, (quatuordecim erant, omnes fere sodales nautici) plurimas gratias agit, ac spe ingenti splendidisq; promissis onustos rogat, ut patienter durare aliquot dies vellent, donec Almagrus cum nouo subsidio rediret. Ergo dies aliquot in insula tolerant, ostreis, cancris & piscibus vescentes, donec tandem ab Almagro naus commeatus subuehens venit: sed sine militum supplemento, propter improsp̄eram famam quæ de ea ora Panamæ increbuerat.

Dura milita, nisi & inter omnia aurifames durissima est.

IN ea insula Pizarrus aliquamdiu moratus, & cum eo pauci illi, in summa rerum omnium angustia, sine vlla auxilij spe, postquam diu multumque inter se consultassent, quid facto esset opus, tandem communi consilio oram eam præterlegendam esse statuunt, siquæ forte ipsis diues & prospera regio occurreret. Quingentum millium spatium emensi, quum Chiræ Peruani regni prouinciæ litus tenerent: ibi exscensu in terram facto, pauca indigenarum pecora & Indos adolescentes aliquot excipiunt, qui linguam Hispanicam discerent.

INDE Tumbesiam regressi, de magnis videlicet eius populi opibus ab Indis edocti, quum ad tentandum terræ aditum non satis animi Hispano cuiquam esset, propter ingentem Indorum multitudinem, qui per omne spatium litoris effusi conspiciebantur: Petrus quidam, Creta insula ortus, periculum vltro ipse facere statuit. Itaque machæra oblonga, ex iis quæ ambabus manibus tractantur, armatus, in litus egreditur, Non parum admirationis incussit indigenis barbati hominis tunc primum à se visi species: ille intrepide per medios progressus, ab eius oræ Præfecto comiter & honorifice excipitur. Mox ab eo in turr̄m præsidariam introductus, in qua templum Soli dicatum inerat, postquam id tantis opibus, quantas vix animo caperet, excultum ornatumq; conspexit, in admirationem adeo defixus stupefactusque hæsit, ut ea per somnium intueri se duntaxat crederet. Ad portam animalia quædam specie leonum & duos tigres, sed innoxios, reperit. Quumq; abeuntem aliquot aureis emblematis & monilibus Præfectus donare vellet, Cretensis, velut talia aspernaretur, abnuuit, dissimulans se ea quærentem in eas terras venisse. Regressus ad nauim, quæ & quanta viderit, refert.

Auarus calide vitia sua dissimulans.

FRANC. Pizarrus is est, quem Hoieda Vraba decedens, legatum suis militibus præfecerat. *supr. lib. 1. cap. 19.* Tum vero, quum fortunam sibi ipse laboribus, aut, ut maximam pars Hispanorum militum, qui tum in India erant, rapinis, fecisset, Panama in re ampla & lauta erat. Fernandus Luques, scholæ cantorum primicerius (ut vocant) diues, ibi etiam manebat. Is postea exhaustis in quasitu Peruani regni pecuniis, & eo inuento ab sociis exclusus, Pazzo vulgo vocatus est, id est, stultus, quod fortuna bene uti, & certis iam opibus frui nesciuisset. *Gom. Hist. gen. lib. 4. cap. 1.*

Pizarrus,

Pizarrus, missu sociorum, in Hispaniam ad impetrandam repertæ provincie subigendæ potestatem, navigat. Sibi soli impetrat. Almagrum ab se alienat. Mox reconciliati, tertium socium extrudunt.

CAPVT II.



INCREDIBILI gaudio Pizarrus perfructus, quod in tam diuitem oram incurrisset, extemplo signo abeundi pronuntiato, in Panamam vela dat. Ibi sociis Chiræ felicitatem, & (1) Tumbesiæ oræ diuitias, aperit. Illi quum superfundenti sese lætitiæ, quantam vix animo caperent, temperare non possent: ambo, Almagrus videlicet, & Fernandus Luquez, Franciscum Pizarrum mittere in Hispaniam statuunt, qui a Cæsare Tumbesiæ subigendæ potestatem peteret. Verum à pecunia imparati, consumptis videlicet in earum terrarum quæsitæ fortunæ omnibus, mille quingentos ducatos aureos ab amicis mutuos sumunt, & ad sumptus illi erogant. Pizarrus in Hispaniam appellit, Senatum Indicum adit: & oræ à se nuper repertæ indicem & relationem exhibet: simul sumptus à se in ea factos & labores exhaustos referens, atque ingentes diuitias regiæ Castellæ coronæ pollicitus, Tumbesiæ potiundæ facultatem, regimenque sibi tantum postulat, nulla sociorum mentione addita. Quæcumque petierat, obtinet. itaque diplomate in eam rem à senatu scripto, à Cæsare confirmato, instructus contractis aliquot militibus è portu San-lucari de Barrameda cum quatuor fratribus, Ferdinando, Gonzallo, Ioanne Pizarro, & Martino de Alcantara, vela in altum facit.

*Pizarrus
societatem
fraudat.*

*Dissidiorū
Pizarri &
Almagri
initia.*

QVVM breui secundo vento vsus ad Nomen-dei, atque inde Panamam peruenisset, magnifice à sociis exceptus est: sed mox vt illi rescire sibi tantum Pizarrum in Hispania negotiatum, suis priuatim rebus, non communiter societati, prospexisse, æquis oculis eum deinceps intueri non potuere: Almagrus præsertim, qui tot sumptus à se, & maiores quam à Pizarro factos reputans, & exhaustas facultates, & tres totos annos in ea expeditione consumptos, & amissum oculum: & super hæc etiam vt pecunia ab semet mutuo accepta, Pizarro ad impensam præbita esset: vt is ad vniuersæ societatis vtilitatem, non suam vnus, procurandam in Hispaniam missus fuisset, memori animo reuoluens, impatientissime id factum & implacabiliter ferebat. Pizarrus mitigare vltro eius spiritus conabatur, Se nihil videlicet à Cæsare impetrare potuisse causatus, præter Tumbesiæ subigendæ potestatem: bono tamen interea Almagrus animo esset, quippe fidem suam ipsi obstringere, daturum se operam, vt & ipse aliud aliquod imperium in eadem prouincia obtineret; Adhæc quum esset inter eos societas, posse ipsum, tanquam summum Gubernatorem, de rebus omnibus pro arbitrio & pari secum iure statuere. Sed parua eius verbis apud Almagrum fides: imo etiam iste ob hæc nugarum ludibria multo aduersus eum indignatior, palam dicere, Pizarrum falsum & perfidum esse.

DENIQVE quum aliquot dies in his simultatibus & iurgiis consumpsissent, Pizarrus

Pizarrus tandem necessitate magis quam voluntate adductus: quum se videlicet sumtibus exhaustum, & pecuniis ac com meatu vacuum (quibus contra abundare Almagrum, nec quicquam erogaturum ob discordias intelligebat) quum se, inquam, nisi cum Almagro in concordiam rediret, & ab eo nummis iuuaretur, prouinciam suam tardius initurum cogitaret: doctorem Gamam rogat, vt inter ipsos concordiam reconciliet. Quid multa? istius interuentu in gratiam inuicem redeunt: iubet doctor Almagrum Francisco Pizarro arma, equos, & quicquid com meatuum prouisum haberet, & pecuniæ insuper certam summā, tradere. Pizarrum vero vicissim quoscumque honores & dignitatum ornamenta à Cæsare acceperat, ea cum Almagro participare. Ita conditionibus & pactis redintegratis, tertio socio Fernando Luque excluso, pacem & concordiam denuo inter se ineunt: ac fanciendis arctius promissis consecratam Hostiam (2) summentes, iureiurando firmant se integra fide mutuam amicitiam ad mortem usque inuiolatam conseruatuos.

Pizarrus & Almagrus iureiurando amicitiam confirmant, sed quod mox violant.

His ita transactis, Franciscus Pizarrus cum centum quinquaginta militibus & equis multis, Panama moliens, Almagrum cum quanto posset maximo subsidio quam ocysime subsequi iubet. Inde Colomchiam appellit prouinciæ Guancauilichix portum, vnde in Punam insulam transgressus à Præfecto peramice exceptus est. Verum vt ille fœda nefandaque Christianorum facinora expertus est, per singulas domos aurum & argentum quærentium, fœminas ad stuprum rapientium, ceteraque perpetrantium, quæ à militibus fieri amant: cum valida Indorum manu Hispanos ex tota insula expellere nititur. Sed quum impressionem ab hostibus ex aduerso factam ferre non posset, cum multa suorum iactura, siluas fuga petiit. Pizarrus crudelissime victoria usus, cum multis Hispanis in Tumbesiæ continentis oram l. mill. interuallo ab insula distantem traiecit.

Hispani præclaris factis Punensium animos ab se alienant.

SIMVLAC continentem attigit, indigenæ auditis, quæ Hispani in Puna perpetrarant, in arcem aliquantum à mari distantem confugiunt. Pizarrus prouinciæ Governatorem per nuncios arcessit, eius amicitiam multum se appetere testatus: is vero non tantum ire abnuat, sed etiam hostiliter omnibus viribus insultans ei quanta maxima damna potuit intulit. Itaq; Pizarrus noctu flumen transgressus cum parte copiarum, præeuntibus peritis itinerum ducibus, spinas, saltus & asperrima quæque locorum penetrans, hostes incautos & somno solutos opprimit. Mox ingenti eorum cæde facta, Tumbesiam reuertitur, urbemq; captam totam diripit, & omnibus ornamentis delubrum Solis spoliat.

1 *Tumbez, seu Tumbesia Peruanæ regni oræ maritimæ prouincia, non procul ab æquinoctiali linea, Meridiem versus, & Indorum vrbs eiusdem nominis, mox Hispanorum colonia, xli. leucis à Puna insula distans: vnde Pizarrus Peruanarum opum primum specimen præcepit.*

2 *Id ab illis, secundo rupta concordia, & denuo reconciliata, factum scribit Gomara: atque horribili iureiurando sancitum ab Almagro nouum illud fœdus, nempe:*

B

Vter

Vter prius fœdus rupisset, tum ut Deus illius corpus animamq; ad inferos detruderet. Sed ambitio auaritiaq; omnia sacra iuxta ac profana proculcant.

3 *Puna insula ex aduerso Tumbesiæ provinciæ sita, duarum leucarum freto à Continenti discreta, XLVIII. mill. pass. in circuitu amplectitur. Hodie San-Iacobi insula ab Hispanis vocatur.*

Attabaliba Peruanus Rex, finibus suis Hispanos excedere iubet, Pontificem Rom. non agnoscit. Velut neglecti Euangelij reus, vi ab Hispanis capitur.

CAPUT III.



ER eos dies Attabaliba, (1) Peruanæ provinciæ rex Cassiamalcæ erat. Is audito peregrinam gentem barbatam in suos fines ingressam cum terribilibus quibusdam ac prodigiosis animalib. omnia loca percurrere, & cædibus ac latrociniis infesta facere: legatum ad Franciscum Pizarrum mittit, minitans nisi subditos suos tranquilla pace frui sineret, patriamque repeteret, breui infortunium inuenturum. Ad hæc Pizarrus respondit, se non eo venisse cuiusquam offendendi animo, sed ut opeatque opera eos iuuaret, qui suam amicitiam expeterent: id sibi diserte ab Imperatore principe suo mandatum: neq; se posse sine magno dedecore ad eum reuerti, nisi prius Regiam ipsius personam vidisset, eique res ad felicitatem tum corporis tum animi pertinentes exponeret. Sub hæc Pizarrus Cassiamalcam versus contendit: & per Chiræ provinciæ iter faciens, à Regulis ultro de iungenda secum amicitia interpellatur, qui ob occupatas ab Attabaliba suas terras cum eo capitales inimicitias gerebant. Ac quia eo forte loco nauigabile flumen erat, quanto subire naues poterant, condendæ ibi coloniæ sedem eligit, cui San-michaelis nomen fecit: & quo quisq; suum diligentius asseruaret, manubias & prædam omnem inter socios partitur.

*Pizarrus
suo dolum
animum
specie amicitie
& pietatis regit.*

*Attabal.
Hispanos
non dum
expertus
cōtemnit.*

INTER hæc Attabaliba Christianos aduentare atq; ulterius tendere audiens: sed eos paucos, defatigatos & molles vsque adeo ut non nisi ingentibus Pachis (sic illi equos nominant) iter ingredi possent, de barbatis illis ridere ipse, & remisissis ad eos legatis denunciare si sua illis vita cara esset, ne longius progredi auderent. At Pizarrus, Enimvero sibi necesse respōdet, Maiestatem ipsius coram cum debito honore visere: simul exercitum procedere iubet: quumque Cassiamalcam peruenisset, præmittit legatos & magistros equitum, qui regis animum statumq; explorarent, eique indicarent, venisse Hispanum ducem adeundi eius cognoscendiq; auidum. Ille sub aduentum Hispanorum duo ferme mill. interius secesserat. Legati, ut in conspectum regij agminis venire, agitare equos & glomerato gressu solo insultantes huc atq; illuc circumflectere incipiunt. Indi vero ad noui huius monstri conspectum obstupescere. At ipse rex nihil eo spectaculo moueri, non mirari: interea tamen irasci, quod parum reuerentiæ atque honoris sibi exhibitum à barbatis illis crederet.

FERDI-

FERDINANDVS Pizarrus per interpretem se imperatoris fratrem esse significat, qui Papæ ac Cæsaris, amicitiam eius vltro appetentium missu è Castella, venerit. Itaque veniendi ad se & coram colloquendi ei potestatem faceret. Quippe habere ad Regem ipsum summis de rebus mandata, eaque coram expromere velle: quibus editis mox in patriam reuersurum. Attabaliba ad hæc, Ea se cuncta facturum inquit, dum ante omnia suis finibus excederent.

Ea lata conditione, reuersus ad suos Ferdināus, magnificum regis paratum & stupendam opulentiam prædicat: ceterū eum in suo regno aduenis sedes concedere nolle. Quæ eum diem sequuta est nox, quam longa fuit, tota ab Hispanis ducibus instruendis ordinibus & animandis militibus consumpta est: Victoriā videlicet esse in manibus & cum stolidis ignauisq; rem fore, quos vel solo equorum hinnitu ac fremitu perterritos, pecorum ritu, ad satietatem trucidant. Inde Pizarrus, instructis ordinibus & dispositis circa palatiū & in ipsis portarū limitib. aliquot maiorib. tormētis, suos hostile quidquā cœptare, nisi signo edito, vetat.

SIMVLATQ. illuxit, ecce Rex amplius xxv. millibus Indorum stipatus, velut in solempni triumpho, hominum humeris portabatur, circumpendentibus vndiq; aureis monilibus, versicolorib. auium pennis præfulgens, interula sine manicis vestitus, & pudenda bombycina fascia velatus. Sinistrum regiæ frontis latus purpureus è lana tenuissima floccus honestabat, supercilia eius & genas inumbrans: pedes, breuissimo obstragulo calceoli ornabāt. Tali cultu & paratu triūphali ciuitatē & palatium iniit, ibi barbatorū aduenarum legationē per otīū auditurus.

INTER hæc viam sibi ad regem faciens frater Vincentius de Valle-viridi ordinis Dominicani monachus, altera manu Crucem, altera Breuiarium gestans, ratus fortasse Attabalibam repente in magnum aliquem theologum euasisse: per interpretem ei significat, se Sacræ maiestatis Cæsareæ mandatu eius excellentiam adiisse, idque cum autoritate Romani Pontificis, cælestis Seruatoris vicarij, qui Cæsari terras ante incognitas, & nunc primū inuentas dederit, vt eo doctos pioſque homines mittat, qui sanctissimum eius nomen publice apud eas gentes prædicent, easq; à fœdis ac diabolicis erroribus liberent. Inter hæc verba monachus Regi, Legem Dei exhibet, & ab eo omnia ex nihilo creata prædicat. Inde ab Adamo & Eva exorsus ordine exsequitur, vt Christus è cœlo descenderit, vt assumpta humana carne in vtero virginis, in cruce mortem obierit: atque inde resurgens à mortuis, ad plenam generis humani redemptionem, in cœlos ascenderit. Mox ad resurrectionem mortuorum & vitam æternam delapsus, vtramq; affirmat: & à Christo Petrum primum eius vicarium, Ecclesiæ gubernandæ impositum testatus, simul authoritatem Pontificum ipsius successorum adstruens exponensque, postremo Cæsaris & regis Hispaniarum, totius orbis Monarchæ, opes ac potentiam exaggerat. Itaque pro officio facturum Regem si illius amicitiam accipiat, si vectigalem clientemque eius se ferat: denique si abdicatis falsis diis, diuinæ Legis & Christianæ religionis fidem & obsequium induat. Id nisi sponte fecerit, pro certo habeat se eo vi atque armis coactum iri.

Indorum
diuitia His-
panorum
auaritiā
& seuitiā
irritant.

Regius At-
tabaliba
apparatus.

Euangelij
Barbaris
annūciā-
di noua &
monacho
dignara-
tio.

c Sic ille
Breuiariū
suum voca-
bat.

*Pontifex de
alieno libe-
ralis.*

HIS auditis Rex, se haud grauate summi orbis Monarchæ amicitiam accepturum ait: sed se & liberum & regem ei quem numquam viderit tributa pendere, id vero sibi parum æquum & honestū videri, (2) Pontificem autem insigniter fatuum & impudentem esse, eo facile prodi, quod aliena tam liberaliter largiatur. De Religione vero, se suam abiecturum plane negavit: ac si ipsi in Christum crederent, qui in cruce mortuus esset, se in Solem credere qui numquam moreretur. Inde à monacho percontatur, vnde sciret Christianorum Deum ex nihilo creasse omnia, & in cruce mortuum esse. Monachus ab eo quem haberet libro ea doceri responderet. Simul librum Attabalibæ porrigit: ille acceptum inspectumque aspernatus & irridens, Hic liber, inquit, nil mihi dicit: mox ad terram afflixit. Monachus illico librum recolligere, & quantum niti poterat clamitans, Hispanos ad cædem accendere: (3) Agite Christiani (aiebat) agite, & tam foedi facinoris pœnas experite: Euangelia ludibrio habita & proiecta sunt. Trucidate istos canes, qui legem Dei ita contumaciter aspernantur.

*Crudelis
cōcionator.*

*Hispanorū
Zelus pro
Euangelio
scilicet.*

*Hispanorū
equitum fa-
cilis de In-
diuictoria.*

HÆC & talia quum magna voce dixisset, Franciscus Pizarrus explicatis vexillis, signum pugnæ, vti proposuerat, edit. Inde fulminantia tormenta primum Indis terrorem inferunt: mox iam insueto strepitu attonitis superueniunt equi, æneis tintinnabulis & crotalis late tinnitum cientibus colla & crura circumdati: postremo circumstrepentibus vndiq; tympanis admisto clangore tubarum extra se raptos barbaros & ancipiti circumuentos malo, Hispani inuadunt. Indi quos non tantum insolitus machinarum fragor perculerat, sed equi quoque, ferocissimum animal, & tam acutis ensibus foeda illata vulnera turbauerant, ab-rumpunt ordines, & quæ cuiq; patebat ad fugam via velut lymphati erumpunt. Tum vero Hispani equites ferociter in hostem velut profligatum incurrunt, & fugientes proculcant: qui quum ob nimiam multitudinem alij super alios cum-mlarentur, ruine similem stragem dedere. Hic horribili cede Hispani lanceis & gladiis in cadentes barbaros debacchari.

PIZARRVS peditum agmen ducens, recta ad Attabalibem tendere, quem Indi multi circumstipabant: quumque pugne immemores corpora tantum ante ipsum regem obicerent, Hispani cedendo gradum promouebant, donec ad Attabalibam viam sibi per hostium stragem facerent. Vt vero tandem ad eum peruenere, tum quisq; capti regis opimum decus expetens, Indos lecticarios cedere. Et iam clade ferentium è sublimi illa sella delabebatur, quum Franciscus Pizarrus amiculo illum corripuens ad terram detraxit. Ad eum modum proiectus è sella ac prouolutus Attabaliba, nullo resistente, capitur, & Pizarri fidei ac potestati sese permittens, custodie traditur. Ea res bello finem imposuit, sine vilius Hispani cede ac vulnere, præterquam Pizarri, cuius manus, quum Regem capere vellet, à milite Indum appetente, ferro icta est. Ferdinandus Pizarrus cum equitatu totum eum diem fugientibus instans, omnes vias Indorum cædibus repleuit, quum nulli neque ætati neque sexui victorum crudelitas parceret.

PER omne prælij tempus ipse quoque monachus milites clamore incendere non

non destitit, monens ut Indos punctim magis quam cæsim ferirent, ne videlicet ^{Monachus} ensium laminas perfringeret. Hispani quum sanguinolentam eam victoriam de ^{ex concio-} infelici illa gente retulissent, totam noctem quæ eum diem exceperat, tripudiis & ^{natore la-} festo luxu ouantes translegere.

I PERU proprie provincia exigua & inops est, quam Franciscus Pizarrus Panama soluens, impetrato à Petro Aria Gubernatore commeatu, primam aperuit, quinquaginta leucis Panama distantem: à qua postea improprie totum illud ingens Attabalibæ regnum & vniuersa provincia, quæ per omnem eius oræ longitudinem, mille & ducentarum leucarum amplius spatium, reperta sunt, PERU ab Hispanis dicta sunt. Aug. Zarate. Hist. Peru lib. I. cap. I.

2 Alexandri VI. Pontificis exstat bulla, quæ has terras Ferdinando & Isabella eorumque successoribus donat. Eius verba quæ huc pertinent, hæc sunt: Ut tanti negotij provinciam Apostolica gratia largitate donati, liberius & audacius assumatis: motu proprio, non ad vestram vel alterius pro vobis super hoc nobis oblata petitionis instantiam, sed de nostra mera liberalitate & ex certa scientia ac de Apostolica potestatis plenitudine omnes insulas & terras firmas inuentas & inueniendas, detectas & detegendas versus Occidentem & Meridiem (fabricando & construendo unam lineam à polo Arctico, scilicet Septentrione, ad polum Artarcticum, scilicet Meridiem: quæ linea distet à qualibet insularum, quæ vulgariter nuncupantur de los Açores & Cabo-verde, centum leucis versus Occidentem & Meridiem) Auctoritate omnipotentis Dei nobis in beato Petro concessa, ac vicariatus Jesu Christi qua fungimur in terris, cum omnibus illarum dominiis, ciuitatibus, castris, locis & villis, iuribusque & iurisdictionibus ac pertinentiis vniuersis, vobis heredibusque & successoribus vestris (Castellæ & Legionis regibus) in perpetuum tenore presentium donamus, concedimus & assignamus: vosque & heredes ac successores præfatos, illarum Dominos cum plena, libera & omnimoda potestate, auctoritate & iurisdictione, facimus, constituimus & deputamus, &c. Quo iure hæc dare potuit Papa, in quæ nullum ius umquam habuit? Nisi forte, quia Christus cali ac terre hæres est, cuius bonus iste Pater vicarius est, scilicet.

3 Eo facto facile prodidit hic Pseudopropheta quo spiritu ageretur. Quippe non sic Christus: qui arundinem quassatam non confringit, & linum fumigans non exstinguit, Matth. 12. 20. Itaque talem mox frugem Episcopus messuit, qualem monachus seuerat: nimirum à Barbaris in Puna insula fuisse postea elisus.

Attabaliba libertatem ab Hispanis ingenti precio paciscitur. Hispanorum de sua nece consilia subolfacit, & de se commotas suspiciones purgat. Hispani eius spoliis distescunt.

CAPVT IIII.

*Attabaliba
de Hispano-
rum sciti-
tia securus,
avaritiam
eorum ex-
plere niti-
tur, sed fru-
stra.*



OSTERA die Pizarro Attabalibam inuifit, consolatur, & vetat metuere ne interficeretur. Rex iniquissimam suam fortunam incusans, iniectas sibi catenas conqueri: dein gnarus quid Hispani concupiscerent, Pizarro spondere, se si libertas ipsi promitteretur, tantum aureorum & argenteorum vasorum daturum, quantum implendo cœnaculo in quo erat, sufficeret, ad id altitudinis quo sublime elata manu pertingi posset: ea tamen lege ne vasa frangerentur quoad pactam summam tradidisset. Promittit Pizarro libertatem, & conditionem accipit.

*Hispani At-
tabalibæ cri-
mina &
ne frustra
sunt.*

ATTABALIBA libertatis cupidus, & Pizarri promissis innixus Prefectos quosdam suos per omnes regni prouincias, Cuscon maxime, dimittit (ea vrbs sexcenta millia Cassiamalca distat) disertis additis mandatis, vt quam ocyssime fieri posset, redemptionis suæ pretium properarent. Itaque breui ex omnibus Regni partibus affluunt Indi aurum & argentum vehentes: sed quum iam menstruum spatium exiisset, & vixdum dimidia pretij pars aut paulo amplior esset contracta, propter immanem pecuniæ impetratæ summam: Hispani fremere incipiunt, Attabalibam nempe specie contrahendæ pecuniæ, ingentem conflare exercitū, & in sua omnium capita conducere. Itaq; maior pars Franciscum Pizarro hortantur, vt de eo capitale supplicium sumat: fecissetque iam tum haud dubie, ni nobiles aliquot viri illum de ea sententia demouissent.

*Attabaliba
aduersas de
se suspicio-
nes rebus i-
psis reuin-
cit, sed fru-
stra.*

ATTABALIBA exitij sui consilia coqui subolfaciens, multum de Pizarro conqueri ac dicere, Nihil causæ esse quamobrem pristinum in se animum exueret: neque vsquam in suo Regno vlla hominum conuenticula aut cœtus fieri, nisi ad curandum & conuehendum corporis sui pretium. quod quidem quia longinquis è regionibus comportaretur, ad tam breuem quam vellet diem præsto esse non posse. Quod si verbis suis parum fidei inesse suspicaretur, aliquos ipse è suis Cuscon mitteret, vnde maxima pars pecuniæ imperatæ ventura esset. Itaque Pizarro eo Sottum trib. mil. & duos præterea Hispanos mittit. Illi quum in ipso itinere obuios subinde Indos aureis & argenteis vasis onustos haberent, rem ita esse vti Rex dixerat, facillime comperiunt: quum tamen Cusci opulentissimæ vrbs diuitias ipsi capeffere oculis concupiscerent, regredi è via noluerunt.

*Hispani
Attabalibæ
adhuc vi-
uentis, vi-
dentisq; spo-
lia inter se
diuidunt.*

FERDINANDVS Pizarro, fratris iussu cum equitibus aliquot diuersa loca peruagatus, in multos & ipse Indos incurrit, qui aurum Cassiamalcæ conueherent. Inde in interiora progressus in Pacamam peruenit, vnde quoque ingens auri & argenti summa deportabatur. Summa pretij pro redemptione Attabalibæ persoluti, cum eo quod præda contractum erat, duos auri milliones, id est, vices centies aureorum castellanorum millia superauit. Ea pecunia in vnum collata

collata, postquam quinta Regio fisco seposita est: (1) ut singuli quod suum erat seruarent, inter omnes pro meritis & dignitate cuiusque diuisa est.

Quum inter hæc forte aduenisset Didacus Almagrus, ei quoque, ne quem tumultum moueret, debitam pecunię partem, eiusque militibus, nonnullis quingentos, quibusdam etiam mille ducatos Pizarus dedit. Secundum hæc Ferdin. Pizarum & vectigal quintæ ad regem Hispaniæ mittit, eumque de rebus à se gestis edocet: cum Ferdinando multi Hispani, triginta & quadraginta millium ducatorum precium referentes, in patriam reuersi sunt.

1 Ex ea prada Regi in quinta vectigal quadringenta aureorum castellanorum millia obuenerunt. Hispano equiti cuique octo mille & nongenti castellani, seu pesi aurei, ut vocant: & trecenta sexaginta argenti pondo. Pediti mille, quadringenti & quinquaginta aurei pesi: & centum octoginta pondo argenti. Nulli unquam milites adeo diuites, nec tam breui, nec tam paruo labore ac periculo euaserunt. Sed plerique facilitate tantas opes quasiuerant, eadem amisere: ganeis alij, alij alea. Intentis quidem interim adeo rerum precijs, in tanta auri argentiq; vilitate, ut caliga è panno triginta castellanis aestimarentur: ocrea tantūdem: penula nigra centum: scapus chartæ, decem: amphora vini, viginti: equus tribus, quatuor, immo etiam quinq; millibus ducatorum veniret: quo pretio etiam postea aliquandiu steteret. Ita ex eo questu plus sumtus quam lucri, & in summis diuitiis summa inopia. Gom. Hist. gen. lib. 4. cap. 11. 7.

Attabaliba morte adficitur à Pizarro. Quisquid eius legatus praelio ab Hispanis vincitur. Franciscus Pizarus Cuscon, Peruani regni caput, captam diripit.

CAPUT V.

His ita, uti diximus, confectis, Franciscus Pizarus, Didacus Almagrus, ceterique duces communi consilio deliberant quid de Attabaliba statui par esset. Nonnulli necandum esse: alij soluendum censebant: erant etiam qui in Hispaniam mittendum ad Cæsarem dicerent. Tandem quum omnes sententiam rogati dixissent, vicit ea pars quæ necandum censebat.

TRADITUM est à nonnullis, Indi cuiusdam Philippilli (1) indicio proditum ac necatum Attabalibam, quum videlicet ille Francisco Pizarro occulta Attabalibæ consilia enunciasset, clanculum Indos ad Hispanorum cædem sollicitantis. Verum ipse audiui ac comperi Pizarum ex quo Attabalibā captum in potestate habuerit, iam tum statuisse eum è medio tollere, quo facilius eas prouincias subigeret: quippe sublato capite, membra haud difficulter in perpetuam seruitutem concessura. Atque id verum esse, perspicue ex eo apparet, quod Pizarus, nisi Attabalibæ necem suffragio suo comprobasset, poterat eum honorifice in Hispaniam ad Cæsarem mittere: quod ut faceret, multis precibus ab eo Attabaliba contendit. Ergo non sine omine ac Dei nutu contigit, ut omnes qui de necando Attabaliba consenserunt, postmodum infelicem vitæ exitum inuenirent. (2)

At tum Attabaliba, accepto mortis suæ nuncio, lugubriter in suspiria & lacrymas

Attabaliba
ab Hispanis
necatur, ut
facilius e-
ius subditos
sub iugum
mittant.

*Attabaliba
verbis Pi-
zarrū su-
stra flectere
conatur
quem auro
nequie-
rat.*

crymas effusus, Barbatorum aduenarum sceleratam perfidiam incusare exorsus est. Mox quum Pizarrus sententiam in eum latam ipsi edidisset, totus in preces abiectas versus, eo prorsus ritu, quo Solem præcipuum suorum numinum Indi adorant, tali ad eum oratione usus est: *PLVRIMVM* te miror, inquit, Imperator, quod quum fidem tuam iureiurando obstrinxeris, te, si pecuniæ promissæ summam darem, non tantum mihi, exemptis vinculis, libertatem redditurum, sed etiam cessurum finibus meis: mihi tamen, postquam pactum pretium accepisti, libertatis loco extremum & infame supplicium indices. Si Philippillus me apud te criminatus est, de subditis clanculum ad vestram cædem sollicitatis, ficto crimine ab eo circumuentus sum: neque id mihi vñquam in mentem venit. Itaq; vitæ usuram mihi vt concedas te rogo, quando aduersum te nihil morte dignū nec admisi nec cogitavi. Ac si mihi parua apud te fides est, mitte me in Hispaniam ad Cæsarem, cui ingens auri argentique pondus muneris loco deferam. Quod si vitam mihi eripis, pro certo habeto, subditos meos non prius quieturos quam alio creato rege, vestra omnium Barbatorum internecione necem meam expiauerint. si vero vita conceditur, Regnum quietum ac tranquillum continebo: neque erit quisquam qui commouere se audeat. Vt finem orationi Attabaliba imposuit, manantibus vbertim lacrymis, Pizarrus excipiens, iam reuocari posse sententiam negauit. Itaque cum Numidis, quos talibus ministeriis assuetos habebat, ad supplicium tradit. illi laqueū ceruicibus innexum cuneo ligneo intorquent (id Hispani vulgo Garottum vocant) & fauces regi elidunt. (3)

*Attabaliba
vitru auro
anteponit.*

Hvnc vitæ finem Rex Attabaliba habuit: vir mediocri statura, prudens, animosus, & imperij cupidus. Quo tempore primum Pizarrus eius regnum ingressus est, cum Guascare fratre natu maiore, qui in Regnum paternum successerat, bellum gerebat: eumque mox captum necari iussit. Vxores multas habuit, quarum præcipua & legitima, soror erat, Pagha nomine: & ex iis aliquos liberos sustulit. Ceterum omnium rerum nostratum quas Hispani ei ostentarunt, nullam libentius inspexit quam vitrum, dixitque Pizarro, se plurimū mirari quod quum in Castella rei tam pulcræ copiam haberent, peruestigandis metallis adeo vilibus auro & argento, peregrinas terras & maria obeundo, semetipsos fatigarent.

Eius parens Guaiuacaua dictus est, popularibus dum viueret adeo carus & venerabilis, vt eum etiam hodie lugeant, ac vulgo persuasum habeant illum ad vitam propediem reuocatum, regni gubernacula suscepturum. Iacet in Quittensis vrbs finibus, maiorum suorum tumulis illatis, cum immensa auri & argenti elaborati copiam, hominum, foeminarum, animaliumque omnis generis ac piscium effigie. Hispani sedulo sepulcrum eius à compluribus Indis etiam tormentis vehementissimis, quæsiuere: sed frustra. Neque illi vnquam eum locum indicio suo prodiderunt, etiamsi omnes ad vñum interficiantur.

INTERFECTO rege, Franciscus Pizarrus Cassiamalca mouens, Cuscon regni Peruani caput, occupare properat. Obuiam fit ei cum exercitu Quisquiz Attabalibæ

tabalibæ legatus, & præcipuus ducum, qui cum magna multitudine in aciem progressus Barbatos persequi & Regis sui necem vlcisci magno animo statuerat. Eum tumultuarijs aliquot prælijs expertus Pizarrus, tandem cum ingenti Barbarorum strage in fugam versum, Almagro cum parte copiarum persequendum & reliquias belli exstinguendas, relinquit. Ipse quinque tantum Hispanorum iactura facta, vltius progressus, quum iam Cusco in conspectu esset, & multi passim ignes apparerent: ratus fugisse ciues & ignem subiecisse vrbi, equites ad rem explorandam præmittit. Illi ignes esse e speculis accensosprehendunt, qui Barbatæ gentis aduentum Præfecto significarent: procedunt tamen animi alacres, & iam ferme in collem vrbi propinquum euaserant, quum repente sese ostendentes Barbari subeuntes Hispanos propellunt & saxis obruunt.

*Quisquis
Attabal.
principis
sui necem
vlcisci stu-
det.*

INTER hæc superueniens Pizarrus, fugientes suos colligit, & cum omni equitatu in Barbarorum cuneos effusis habenis inuectus, vertit pugnae fortunam, & feriendo accedendo obuios Indos in fugam auertit. Illi furioso equorum impetu & acri gladiatorum acie perterriti, arma etiam passim abiecere quo expeditius fugerent. Interueniente nocte Pizarrus insidias metuens, eo ipso loco in quo eum nox prehenderat suos confidere iubet & castris locum capere. Itaque Indis fugiendi spatium datum est, quorum plerique cum pecoribus, vestimentis, & sale, deuos montes petiuere. Postera die Pizarrus Cuscon ingressus præsidium obruncat, ceteros capit, urbem diripit, & ditissimum Solis templum spoliat. Itaque magis prædæ e Cusco quam ex Attabaliba Cassiamalcae contractum est. Sed ne ita quidem expleta hiantem militum auaritia, omnes insatiabili auri cupidine ardentes, captiuos omni genere cruciatus torquere, vt defossas pecunias & sepultos thesauros proderent: vt vere quidem hic exclamare nobis liceat, O quot Neronēs, quot Domitiani, quot Commodi, quot Bassiani, quot immites Dionysij, eas terras peragrarere; Ibi reperti sunt Hispani qui trucidatos ad ludicrum oblectamentum Indos vorandos canibus obicerent. (4)

*Hispano-
rum mili-
tum cru-
delis auaritia.*

DIREPTA Cusco, & diuisa inter Hispanos prouincia, Marchio in maritimam oram regressus, Didacum Almagrum ibi repertum nuper victæ prouinciæ Gubernatorem designat, & eò cum imperio mittit. Ipse ciuitatem Regum nouam coloniam ad fluminis Limæ ripam conderè incipit: inde Trigillum proficiscitur, vt captiuos Indos inter Hispanos colonos diuideret, quorum opera in subigenda prouincia vsus erat.

*Lima seu
Regum-ci-
uitas, ce-
lonia.*

I PHILIPPILLVS hic, vnus erat ex ijs adolescentibus Indis, quos Hispani principio in Tumbesia ora exceperant, vt Hispanicam linguam discerent: de quibus huius lib. cap. 1. Hic quum vnus ex Attabalibæ concubinis amore deperiret, pactusque ducturum eam in coniugem, si forte moreretur Attabalibæ: explenda

de cupidinis avidus, Regi insidias struit, & conciri ac sollicitari ab eo clanculum populares aduersus Hispanos Pizarro desert. Gomar. Hist. gen. libro 4. cap. 118. Attamen, si Benzoni credimus, totus hic mimus ab Hispanis fictus & compositus videtur, ut Attabaliba necis inuidiam ab se in alium deriuarent.

2 Franciscus Pizarrus & eius fratres Didaco Almagro gulam laqueo frangicurarunt. Didaci Almagri filius Didacus Fr. Pizarrum domi suae interfici iussit: quem mox Vacca de Castro capitali supplicio adfecit. Ioannes Pizarrus ab Indis in Cusco urbem actatus est, Vincentius de Valle-viridi monachus ille, qui primus Hispanos ad eadem Indorum accenderat, in Puna insula fustibus elusus à Barbaris. Ferdin. Pizarrus in Hispania in vinculis consenuit. Gonzallus Pizarrus ultimus fratrum Pizarrorum, quum aduersus Regem Hisp. bellum in Peru mouisset, captus à Petro Gasca & ultimæ poenæ affectus est. Ita iniusta Attabaliba cades omnium prope eius autorum tristi exitu tandem pensata & expiata est.

3 Prodigia nonnulla mortem eius, & quæ inde sequuta sunt mala, portendere. Nam xx. diebus antequam hæc acciderent, ingens cometes, Cuscon versus, maximam noctis partem effulsit. Terrificum id sidus repente conspiciatus Attabaliba sub vesperam, eo die forte solito latior, verso ad Hispanos sermone. Breui, inquit, in his regionibus magnus aliquis Princeps occidet. Ita nimirum imprudens mortem sibi imminentem prædixit. Ceterum (ut Hispani scriptores tradunt) Pizarrus eum prodicionis damnatum, nisi baptisaretur, viuum comburi iussit. Quum ad supplicium duceretur, Christianum fieri cupere se dixit. Itaque Pizarri iussu baptizatus: mox remissa poenæ acerbitate, alligatus ad palum, medio Casiamalca foro strangulatus est. Adeo non puduit istum subulcum cum India regetam fædo more agere.

4 Tanta huius sauitiæ, cuius non pauca exempla exstant, adeo nonnunquam canes ipsos puduit, ut crudelitatis alienæ ministerio fungi non sustinerent. Memorabile unum referam. Didaco Salazari, (cuius inter San-ioannis insula primos occupatores celebre adhuc nomen est) canis erat molossus, acer & Barbaris inprimis infestus, Bezerrillum vocabant. Nocte quæ diem, quo Cacicum Mabodomacam prælio Hispani vicerunt, sequuta est, Salazar canem aduersus Indicam anum quæ inter captiuos erat, emittere constituit. Id ut commodius faceret, epistolam tradit vetula perferendam ad Gubernatorem, qui duobus inde forte miliaribus aberat: sed eo consilio ut simulatq; à suorum conspectu ablata esset, canem in eam solueret. Ea quum lata abiret, sperans se huius epistolæ beneficio libertatem consequuturam, vixq; inde lapidis iactu abesset: Salazer canem emittit: is vetulam facile assequitur. Misera anus, ubi molossus furibundum ad se recta tendere videt, humi residens, his eum idiomatis sui verbis mulcere incipit: Domine canis, domine canis, ego fero istas litteras ad Gubernatorem: obsignatam epistolam ei ostendens: & addens, Ne sauias in me, domine canis. Hic canis, velut supplices illas & abiectas preces sensisset, protinus mitigato impetu

impetu substitit, & sublato altero crure, ut canes ad parietem solent, eam perminxit. Eares Hispanis, qui ferociam & sauitiam animalis nouerant, miraculo fuit: puduitque ipsos foeminam interficere cui canis pepercisset. Ouid. Hist. Ind. lib. 16. cap. 11.

Almagrus Peruani regni Mareschallus designatur. Chilensem prouinciam petit. Mangus Attabaliba frater rebellat. Cuscon urbem capit. Pizarrus undique in eum auxilia contrahit.

CAPVT VI.

PER EOS forte dies Almagrus litteras à Cæsare accipit, quibus se ab eo Mareschallum Peruani regni designatum intelligit: & ultra fines prouinciæ à Pizarro deuictæ trecenta millia pass. suo imperio attribui. Hoc tam læto nuncio auctus, quum Cuscon urbem extra terminos prouinciæ Pizarri, & sui imperij esse sibi persuaderet, repete priuato consilio Indica mancipia & agros de integro partiti pro sua libidine instituit.

*Almagrus
Mareschal-
lus.*

Id ubi cognitum Pizarro, extemplo Ioannem fratrem suum eo cum Hispanis aliquot & imperio mittit, qui Almagri conatibus obuiam iret: ne videlicet absque suo permissu quidquam ab eo in prouincia nouaretur. Ioannes re inchoata, nec dum perfecta, reuertitur. Itaque Pizarrus ipse per dispositos equos Cuscon petit, Almagrum conuenit. ille primo Cæsareis literis fretus, Pizarro obsequi negat: ad extremum tamen, ubi viribus se imparem cognoscit, se ad omnia paratum quæ ille vellet, esse simulat.

CETERVM Indi quum terras suas desolari quotidie, haud satis æquo animo ferrent, & noua subinde auxilia Hispanis summitti, priusquam amplius crescerent, libertatis recuperandæ cupidine, Christianorum vires dispergere statuunt. Itaque disseminant, Chilen prouinciam Cusco mille pass. millia distantem, versus (1) Magellanicum fretum, auri & argenti ditissimam esse aliisque rebus omnibus abundare quæ ad tuendam vitam sufficerent. Hanc tam speciosam occasionem extrudendi Almagri oblatam amplexus Pizarrus, non prius stimulare hominem destitit quam illum ad eam expeditionem suscipiendam impulit. Conuenit inter eos ut si felicem eam ac commodam prouinciam iudicasset Almagrus, eius administrationem proprie sibi à Cæsare peteret: sin minus, reuersus prouinciæ iam paratæ & communibus armis partæ æquam portionem acciperet, ex pactis & conditionibus quæ inter eos Panamæ conuenissent. Ita nouis de integro sacramentis mutuum amicitiam fanciunt & inuiolatam ad extremum conseruaturos confirmant.

*Indorum
strategema.*

*Almagrus
in Chilen
prouinci-
am steri-
lem, per spe-
ciem hono-
ris ablega-
tur.*

INDE Almagrus destinata exsequi pergit, & equis, armis, rebusque alijs ad expeditionem necessarijs comparatis, cum quingentis militibus multisque Indicis seruitijs mouit: ac quamquam immensis laboribus & intolerabili prope tempestate vexatus per montes perpetuis obsitos niuibz iter faciens, vbi maxima pars Indorum, & aliquot Hispani equique frigore obrigare: procedere tamen quo intenderat perseuerauit, ac vix tandem in Chilen prouinciam peruenit.

HABD multo post Almagri discessum, Ferdinandus Pizarrus Limam appellit à Cæsare diplomata & priuilegia afferens: Vnum videlicet fratri suo, quo is Marchionis titulo augebatur: alterum Didaco Almagro, eodem exemplo quo literæ quas iam ille à Cæsare de honore sibi delato acceperat. Atq; hic fons fuit, vnde mox atrocita inter eos orta bella tandiu durauere, quoad altero in vinculis strangulato, altero domi suæ interfecto vtriusque exitio finirentur. Sed hæc, quum ad intestina bella ventum erit, suo loco dicentur: neq; de his alia fere trademus quam quæ vulgo nota & omnibus manifesta sunt. Quum enim hisce de rebus multa à multis audierim, alios aliter ea narrare atque in multis discrepare inter se comperi, studijs videlicet partium aut fauore cuiusque in suum ducem propenso præoccupatis animis. Addo etiam amplius, in illis terris veri perpaucis curam esse.

*Peruani,
auce Man-
go, aduer-
sus Hispanos
rebel-
lant.*

INTER has rerum vices Mangus Inga Attabalibę frater, cuius capiti Franciscus Pizarrus diadema regium imposuerat, quum tumultum & nouas res moliretur, à Ferdinando Pizarro oppressus est. Is regulum ferreis compedibus onustum Cuscensis arcis custodia includit. Sed breui ab eius fratre Ioanne vinculis leuatus est, quum præter magnum auri pondus ei datum, etiam se fidum atque amicum fore promitteret. Mox tamen vt emissus est, Hispanos animaduertens dispersis agminibus, cadibus incendijsque lacrocinijs verius quam iussi more belli, omnem prouinciam peruagari: clanculum contractis militiæ ducibus & rebus omnibus ad bellum necessarijs comparatis rebellionē ceptat. Ac repentino impetu aliquot loca circumuolitans multos Hispanos aurfodinis intentos opprimit, & cum Indis quoq; ipsis, quorum illi opera in auro effudiendo utebantur, interficit. Mox vnum è legatis suis, cum Indorum non spernenda manu ad occupandam Cuscon mittit. Ille necopinanti ciuitati superueniens, arcem quoq; eodem impetu capit, & Ioannem Pizarrum cum aliquot Hispanis interimit. Eam quum breui recuperassent Hispani, paulo post Mangus Inga centum amplius millibus Indorum circumfessam denuo expugnat, incendit, & maximam Hispanorum partem trucidat.

MARCHIO auditarebellionem Mangi, nec tantam armatorum multitudinem quanta erat, ab eo excitam ratus, Didacum Pizarrum in eum cum septua-

ptuaginta quinque Hispanis mittit : sed istorum cladis ne nuncius quidem superfuit. Nec dispari euentu cum Barbaris pugnavit Morgouius trib. mil. qui Guamanga profectus ut opem Gusco ferret, ab Indis cum multis Hispanis oppressus est. Itaque Marchio Gonzallum Tapiam cum octoginta equitum Turma eò properare iubet : sed & iste cum maxima suorum parte non procul Guamanga occubuit : Gaeta quoque alius trib. mil. & quinquaginta simul Hispani, parem exitum habuere.

INTEREA Marchio anxius animi, quum multo elapso tempore neque à fratribus, neque ab alijs ducibus & legatis suis nuncium ullum acciperet & nonnulli mali suspectans: præter superiores duces Franciscum Codoium cum quadraginta equitibus eò dimissum, quæ compererit renunciare iubet. Ille in angusto saltu deprehensus, quum undique irruentibus barbaris foedam suorum cadem ante oculos cerneret, vitæ magis quam decoris memor, quum forte prævalenti equo veheretur, eum in fugam vertit, & in ipso itinere de rerum omnium euentu à quibusdam Hispanis certior fit. Ut Limam regressus est, Marchioni clades suorum, obsidiones urbium & excidia renunciat: insuper etiam addens, aduentare ingentem hostium exercitum & recta Limam tendere.

MARCHIO extemplo Petrum Lermam cum quinquaginta equitum turma & multis Indis amicis obuiam ire hosti iubet: ac postridie ipse quoque urbe egressus, hostibus pugnandi copiam facit. Acerrime utrinque & æquo prope Marte res geritur: tandem Indi, quum impetum Christianorum ferre non possent, terga vertunt & collem non procul Lima editum ac munitum occupant. Multi eo prælio Indorum cecidere: ex Hispanis duo tantum: multo tamen plures faucij, & Petro Lermæ dentes lapidis ictu excussi sunt.

*Hispanorum
ab Indis
acceptæ
clades.*

INTEREA Marchio, tanta rerum angustia constrictus, quadringentis Hispanis amissis, & ducentis amplius equis: quum neque à fratribus nuncium ullum acciperet, & Almagrum in Chilensi provincia mortuum esse crederet, & in tanta militum penuria tot repente hostibus circumvallaretur: primum Alphonsum Aluaradum, qui Chiachiapoios subigebat, quamocyssime accessit, & cum suo exercitu accurrere in subsidium iubet. Simul literas & nuncios diuersa in loca dimisit, Trugillium, Panamam, in Nicaraguam, in Nouam Hispaniam ad Ferdinandum Cortesium & alias Hispanorum colonias: atque ex omnibus auxilia exciuit. Primus omnium ducum Hispanorum Alphonsus Aluaradus Limam peruenit: quem mox Marchio legatum suum & totius exercitus summum imperatorem designat.

*Pizarro
auxilia
undique
cor-
rogat.*

Is cum trecentis Hispanis, maximam partem equitibus, obuiam ire hosti properat, non prius conquieturus quam deletis funditus Indorum copiis Cuscon obsidione soluisset. Primum igitur deiectis Indis è montibus Limæ

non indoluit

Peruani
reges suos
olim Ingas
vocabant.

propinquis quos infederant, longius progressus Tizioiam præcipuum Mangi Inge legatum quinquaginta amplius millia Indorum in acie habentem, prælio fufum terga vertere coegit. Ipse quum in Sausam urbem ad faucios curandos concessisset, ibi Gomezium Tordioam & ducentos Hispanos sibi à Marchione missos in subsidium reperit. Mox inde degressus Tizioiam denuo obuium habet. is nouis supplementis instaurato & aucto exercitu, solutos recenti victoria Barbatos oppressurum se sperauerat. Vbi in conspectu fuere acies, neutris certamen detrectantibus, strenue pugnatur: donec ingenti edita strage, Indi in fugam versi sunt.

I MAGELLANICVM fretum, quod à Ferdinando Magellane Lusitano repertum est, anno M. D. XX. quum ad Austrum ultra Æquinoctialem plagam tres & quinquaginta gradus confecisset. Ex ea classe, una nauis, Victoris nomine insignis, anno M. D. XXII. totum circumuecto orbe, Hispalim redijt. Itaque eius nauclerus, Joannes Sebastianus de Cano, scutum suum insigni orbis effigie, & his circum inscriptis verbis, nobilitauit, PRIMVS CIRCVMDEDISTI ME.

Almagrus è Chilensi prouincia redit. Mangus fuga montes petit. Almagrus Cusci ingressu à Ferd. Pizarro prohibitus clam urbem intrat. Per speciem colloquij structas à Fran. Pizarro insidias declinat. Mox prælio victus à Ferd. Pizarro capitur, & in custodiam necatur.

CAPVT VII.



VM hi motus agitantur, diuersa parte Almagrus Chilensem regionem inopem & sterilem, non vt fama erat, diuitem nactus, ex ea prouincia excefferat. Iamque appropinquabat Cusco, quum Mangus Inga, audito eius aduentu, metuens ne ipsius simul & Marchionis copiis circumfusus atque inclusus vndique exitum non haberet, abiectarecuperandi sui status spe, cum viginti amplius Indorum millibus, soluta Cusci obsidione, montes quosdam Guamangæ imminentes infedit. Sed quum locus incultus & asper tantæ multitudini alendæ non sufficeret, paulatim dilapsi fere omnes in diuersa abiere. Ipse Mangus tribus tantum aut quatuor millibus Indorum comitantibus amicitiam Hispanorum in totum aspernatus, inter illos montes confedit.

Mangus
eorum ver-
bis sibi os
sublini non

QVVM aliquanto post præses Gasca, regno huic componendo quæsitus, postquam Gonzallum Pizarrum capitali supplicio affecerat (vt inferius dicetur)

ectur) missis ad Mangum Indis eum ad se arcesseret, iuberetque sub imperio suo sine ullo metu concedere (quippe se eo venisse ut poenis noxios & premiis bonos afficeret: se componendis provincie motibus & restituendae omnium libertati missum esse:) quum, inquam, Gasce missu, Indici legati hec Mango exposuissent: Tum ille, Ecquid putatis, inquit, vos mihi facturum hunc Apum (sic illi principes vocant) postquam me ipsius fidei ac potestati permisero; Hic Indi, Idem de te statuet, inquiunt, quod Franciscus Pizarus de tuo fratre. Petet abs te plenam auri & argenti domum: mox te strangulandum carnifici tradet. Ita irrita legatione Indi domum reuersi sunt.

Quum, ut diximus, Mangus Inga deuios montes fuga petiisset, Didacus Almagrus breui Cuscon perueniens, ciuitatem velut suae provinciae, Gubernatoris iure, ingredi voluit. Sed Ferdinandus Pizarus introire parantem repulit causatus, Sibi non licere eum in urbem accipere absque Marchionis fratris sui permisso, cuius nomine atque auspiciis ei provinciae ipse praeset. Ceterum si tanquam priuatus intrare vellet, eum vero multo libentissime cum militibus suis excepturum, tantisper dum de fratris voluntate certior esset factus. Hic Almagrus dicere, Ut domum suam iniret, nihil sibi esse opus facultatem a quoquam petere. Tandem multis ultro citroque inter altercantes commutatis verbis postquam Almagrus Pizarum perstare in incepto nec se admittere velle comperit: noctu amicorum quorundam ciuium ope urbem intrat, & Ferdinandum ac Gonzallum Pizaros incautos opprimens, vtrumque separata custodia attineri iubet. Ac Ferdinandus quidem, ut totius mali causa, ab eo mori iussus esset, ni amicorum interuentu & accuratis precibus protectus veniam obtinuisset. Luce orta Almagrus ex Regij diplomatis praescripto, ap-
 probantibus ciuibus, publice praconis voce Gubernator pronuntiatus est.

finit, quorum mores nouerat.

*Belorum ciuium inter Almagrum & Pizarum tentamen-
ta.*

Almagri in hostem clementia, ipsi postea exitiosa.

Inter haec nuncius adfertur Almagro, Alphonsum Aluaradum, Francisci Pizarri legatum, cum valido Hispanorum exercitu castra habere ad Abancaiam flumen. Ergo metuens ne ille copias aduersum se duceret, Hispanos ad eum aliquot mittit, qui denunciarent, ut aut Cuscon in fidem & imperium suum concederet, aut exiret e provinciae suae finibus. Sed ubi legati non reuertebantur, nempe ab Aluarado retenti, copias instruit, & fidissimis suorum tum ciuitatis tum captiuorum custodiam committens, Cusco cum non spernenda manu mouet. Quum sub noctem ad Abancaiam peruenisset, nuntiatumque esset eius pontem magno Hispanorum praesidio obtineri: transmissis raptim vadis, de improviso Aluaradi castra ingreditur, eumque sine cuiusquam caede cum multis Hispanis capit.

Almagrus eius victoriae successu inflatus, Cuscon reuertitur, & iureiurando affirmat se non prius quieturum quam omnes Pizarristas ex Peruano

Peruano regno eiecisset. Aluaradum in eandem custodiam qua Gonzallus Pizarrus attinebatur, condit: illi præmiorum ingentium spe corruptis custodibus, nocte quadam ambo vinculis elapsi, in urbem Regum perueniunt, & Marchioni hæc omnia exponunt. Ille quingentorum militum manu facta, recta in Almagrum ducere constituerat: ni Ioannes Gusmannus, Didacus Mercatus procurator eius, & monachi aliquot ordinis D. Mariæ Mercedis, eius destinatis obuiam issent. Illi enim ex apparatu Marchionis in Almagrum ingens aliquod malum oriturum præfagientes, reducere eos in mutuam gratiam conati sunt. Itaque tota controuersia decifio istis concordia sequestribus committitur. Illi ita pronunciant, Placere vt vtrique arma ponerent: Almagrus Ferdinandum Pizarrum e custodia emitteret: ambo in Hispaniam ad Cæsarem scriberent, qui de integro eorum prouincias atque imperia definiret: postremo ambo Malam locum colloquio destinatum conuenirent ad faciendam concordiam, decem tantum equitibus stipati.

*Pizarrus
specie reco-
ciliationis
Almagrum
in fidijs ca-
psat.*

His conditionibus latis, Marchio Lima Malam contendit, & Gonzallo fratri suo negotium dat vt cum omni exercitu sequatur: ceterum in transitu, qua Almagrus iter faciurus erat, aliquot tormentularios in infidijs condant, qui hominem incautum interimant. Eius conspirationis monachos quoque conscios fuisse fama est: cuius tamen non is successus fuit quem expectauerant. Simul enim vt Almagrus Malam peruenit, cum Marchione congressurus, Pizarri miles quidam propius succedens ei in aurem dicit, Si cara illi sua vita esset, statim nulla interposita mora abiret. Ille extemplo in equum ascendens cum comitibus abiit: quumque in sessum à tormentularijs locum forte animaduertisset, diuerso itinere Cuscon trepide repetit. Multum interea de Pizarristis & monachis conquerens, dicensque, Inde à Pilati temporibus non iniustiore ymquam editam fuisse sententiam faudemque quamquam isti moliti essent.

MARCHIO res patefactas & infensum Almagri discessum cogitans, ac veritus ne de fratre Ferdinando, quem adhuc in potestate habebat, grauius aliquid consuleret: Didacum Aluaradum Cuscon ad placandum eum mittit, rogatq; vt quacumque ratione pacem concordiamq; inter eos conciliet: iureiurando affirmans se infidiarum quas frater parasset plane ignarum esse, eaque omnia haud volenti sibi accidisse. Aluaradus vera ea esse persuasus, ad Almagrum properat: ei quæ audiuerat aperit: rogans vt vel in communis inter ipsos amicitie gratiam pateretur sibi persuaderi, vt pacem quam bellum mallet. Quippe non esse conscium Marchionem structi aduersus eum doli: denique illum fidem suam iureiurando obstrinxisse, imperij sui finibus contentum nihil aduersus Almagrum moturum, donec à Cæsare noua constitutio afferretur.

*Almagrus
incolumem*

ALMAGRVS, etsi à nonnullis amicorum moneretur ne Marchionis promissis

missis fidem adderet: precibus tamen Aluaradi permotus condiciones acci-
pit, & conciliata de integro amicitia Ferdinandum Pizarrum liberat. Marchio
vbi fratrem solutum habuit, eo stimulante, fidem datam & toties tam san-
ctis iuramentis confirmatam abrumpens, breui Almagrum dolo aggreditur,
missis Chincam quie i significarent: Recentissime à Cæsare allatas esse literas,
quibus iuberet vt ipse in prouinciam à se repertam & domitam actutum
concederet. Ad hæc Almagrus respondet, Se quidem, si mandati Cæsaris in-
spiciendi sibi copia fieret, protinus obsequuturum: sin minus, certum esse si-
bi Prouincia sua non decedere. Marchio rescribit, nisi protinus sponte Cu-
sco excederet, se illum inde vi eiekturum: idque non fœdera inter ipsos pacta
violantē, sed nouo illo Cæsaris mandato fretum, quæ sua essent pro suo iure
repetentem facturum. Almagrus perstare in proposito, & negare se prius de-
cessurum quam visis Cæsaris literis.

*emittit ho-
stem quem
ignominia
irritauit.*

*Pizarrus
belli Alma-
gro infe-
rendi occa-
siones ri-
matur.*

Hoc accepto responso, Marchio, valida Hispanorum manu contracta &
multis Indis, Lima mouet: palam ferens se ad expellendos Chinca inimicos,
prouinciæ suæ haud ambigue oppido, contendere. Almagrus vt hostem ad-
esse cognouit, viribus haud satis fidens, in Gaitaram montem editum & fa-
xosum concessit: sed inde quoque vrgentibus inimicis deiektus, Cuscon ra-
ptim aufugit, atque ibi suis ex trepidatione collectis, ab Indis galeas & alia
munimenta corporis ex auro & argento fabricanda curat: omnes Hispanos
qui aduersarijs paulum modo studere viderentur, custodiæ tradit: primores
etiam nonnullos maxime suspectos strangulari iubet.

MARCHIO itineris labore fatigatus, Ferdinando fratre suo summo Iuris
Prætore designato, alteri fratri Gozallo legato suo & Præfecto militiæ cura
belli permessa, vtrumque copiis omnibus in Almagrum Cuscon tendere iu-
bet: ipse ad urbem-Regum reuertitur. Almagrus hostium aduentu cognito,
obuiam egressus, duobus milib. pass. procul ciuitate, munito loco castra po-
suit: distributisque vt potuit copiis, Hordonio trib. mil. primam aciem du-
cendam tradit: eà expeditis velitibus, cetero peditatu & Indorum quorun-
dam sociorum auxilijs constabat. Ille militari via ducens, inter montem &
ciuitatem ad ripam exigui lacus constitit. Equitibus Franciscum Chlauensem
& Ioannem Tellum præficit: Alphonsum Peresium alia Hispanorum turma
& multis Indis angustos calles ad montem spectantes insidere iubet: vnde si
opus esset, in hostium latera incurreret.

*Prælium
inter Al-
magristas
& Pizar-
ristas.*

FERDINANDVS Pizarrus è monte in planum degressus, postquam ho-
stes quietos animaduertit, Mercadillium trib. mil. cum magna parte equita-
tus & Indorum subsidio numquid insidiarum aut latentis doli subesset, ex-
ploratum mittit. Ille quum in Alphonsi Peresij cohortem incurrisset, Indos
socios in aduersarios Indos irruere iubet. Ita contractis pugnæ initiis, Pizar-
rus tormentularios in equitatum hostium emittit: illi pilularum grandine

D

multos

multos deiiciunt. Franciscus Chlauenſis quum ſuos male haberi cerneret, aliquot machinas diſplodi iubet. Icti globis nonnulli hoſtium ceciderant: ceteri perculſi terga vertebant: ni ſuperuenientes Pizarri fratres caſtigaffent terri-
Almagrus
à Ferd. Pi-
zarro ca-
pite da-
mnatur.
 & confirmatis ſuorum animis prælium inſtauraſſent. Acrior inde coorta pugna ſumma vi vtrimque res geritur: tandem funduntur Almagri milites: Pizarrus crudeliſſime victoria uſus eſt. Almagrus ægre pugnae intereſſe non potuit: ſed è collis vertice prælij euentum contemplatus, ubi ſuos fuſos conſpexit, fugam & ipſe capeſſit. Ferdinandus Pizarrus fugientium tergis inhærens Almagrum aſſequitur, captumque in cuſtodiam tradit. Inde quæſtione de eo habita, reum peragit & capite damnat: arguens, quod è Chilenti prouincia reuerſus vi Cuſcon irrupiſſet, quod ſe & fratrem nullius flagitij compertos in vincula conieciffet: quod prouinciæ agros pro libidine, nullo imperio aut mandato Cæſaris fretus, iterum diuiſiſſet: adhæc multis Hiſpanis necis cauſa fuiſſet: poſtremo ruptis induciis & iureiurando aduerſus regium magiſtratum pugnaſſet.

Pizarrus
in Alma-
grum inex-
orabilis, cui
vitam de-
bebat.
 ALMAGRVS poſtquam capitalem in ſe latam ſententiam indiſta morte cognouit, ingenti animi dolore iſtus, ad Cæſarem prouocat. Pizarrus prouocationem admittere noluit. Itaque Almagrus totus in preces verſus, illum per Dei gratiam ac miſericordiam orare vt ſententiam reuocare vellet: Se iam prouectę ætatis, debilem, podagrę etiam doloribus infeſtari: ni ſoluere ſe vellet, at cuſtodia clauſo paucos illos qui ſuper eſſent vitæ dies ad meditantem peccatorum pænitentiam concederet. Adhæc meminiffet ſua maxime opera Marchionem cariſſimum eius fratrem in tantum honoris & diuitiarum faſtigiū euectū eſſe. Ipſum quoq; Ferdinandum aliquando apud ſe fuiſſe in cuſtodia: in quē etſi pro ſuo iure animaduertere potuiſſet, vim tamē ab eo abſtinuiſſe.

Almagro
gula la-
queo fran-
gitur.
 SVPPlicAVERE præterea pro eo apud Ferdinandum multi nobiles, in primis Didacus Aluaradus, qui quum eos in priſtinam concordiam redigeret vitæ ſuæ ſponſione, Ni datam fidem ſeruarēt, pro quouis eorum paciſci ſe paratum affirmauerat. Ipſe quidem tum, ac ceteri, manantibus effuſe lacrymis, & verbis eiufcemodi quę ferociſſimi leonis animū frangere, & cor adamante durius emollire poterant, Pizarrum flectere conati, fruſtra operam conſumere: neque iſte, obſtinatus & clauſus ne quo affectu perumperetur, peruinci vllis precibus potuit vt miſerationis ſignum vllum ederet. Ergo Didacus animo aduerſum ſuprema firmato, confeſſione defungitur & teſtamentum facit. Pizarrus laqueo ei gulam frangi in carcere: mox exanimis ceruices amputari medio vrbis foro iubet. (1) Hunc vitæ finem habuit Didacus Almagrus.

MVLtis ea ſequitia diſplicuit: maxime omnium Didaco Aluarado. is ergo paulo poſt in Hiſpaniam tranſgreſſus eſt, vt meditas in Franciſcum & eius fratres querelas ad regem deferret. Sed quum in id vnum ſtrenuē incumbere, breui Vallæoleti moritur, veneno, vt fertur, ſublatus. Ceterum Almagrus

grus obscuræ & vltimæ fortis homo, quando & eius adhuc ignoratur pater, litteras nesciit: ceteroquin diligens, honoris auidus, si quem præmio donaret id ab omnibus volebat intelligi: sæuitia aduersum Indos insignis: Didacum filium ex Indica concubina Panamæ susceptum eiusdem secum nominis reliquit.

*Almagri
natales.*

I HÆC in vrbe Cusco, anno M.D.XXXVIII. acciderunt. Eius autem mortem non tantum letam Pizarro Marchioni, sed eius quoque sponte ac iussu perpetrata, sequentia prodiderunt: quum plerique etiam paci consultum ferrent diremta amulatione inter Almagrum & Pizarri fratres, quorum alteri se fratres imperantis, alter consortem imperij, cogitaret. Itaque prudenter a Pizarro factum ex Machiaveli placitis, qui Reipublica noua statum condi & componi non posse asserit, si plures pari imperio rerum arbitri existant. Quippe commune duobus aut pluribus imperium quum raro concors sit: vnius hominis ingenio atque autoritate omnia constitui multo esse satius.

Pizarri, Almagro sublato, varias expeditiones suscipiunt. Ferd. Pizarrus in Hispaniam transgressus custodia clauditur. Franc. Pizarrus ab Almagri factione interficitur. Did. Almagrus filius imperium prouinciæ occupat.

CAPVT VIII.

PIZARRVS, sumpto de Almagro supplicio, prædam inter milites diuidit & res Cuscensis ciuitatis componit. Inde ad Marchionem fratrem regressus, de nouis terris vestigandis cum eo deliberat. Id vbi visum, Petrum Valdiuiam ducentis cum militibus in Chilensem prouinciam mittunt: Gonzallum Pizarum in Coliaum ditissimam auri regionem: qua subacta mox in (1) Cassie (vulgo Canellæ) oram transijt: vnde postea pauper & accisis rebus reuersus est: Petrum Vergaram in Bracamorios: sed is in inopem & bellicosam gentem incidit, quæ propterea ad hanc diem inuicta & indomita mansit. Duces præterea & tribunos mil. plures Trugillium, Chiachiapoiam & ad alios populos diuersis cum agminibus mittunt. Ita Hispani variis expeditionibus alia atque alia appetendo loca, innumeris hominum cædibus atque infinitis sæuitiæ exemplis editis, maximam partem eius regni, vt ceteras occidentalis Indiæ prouincias, in solitudinem & vastitatem redegerunt.

*Hispani
transiit
Pizarrus
pauiscentis.*

MARCHIO expeditis ad dictas prouincias subigendas legatis ac ducibus, fratrem suum Ferdinandum in Hispaniam cum Almagri causa & (vt dicunt) processu, ac quintæ Regiæ vectigali, mittere constituit. Ferdinandus quamquam dissuadentibus amicis ne iret (quippe ipsum nullis argumētis mortem Almagri Cæsari probare aut excusare posse: adhæc Aluaradum ad Curiam grauissimas querelas cum de ipso tum de fratribus eius deferentem præoccupasse animos) soluit tamen, ingenti suimetipsum fiducia, venditans se prosum-

*Almagri
fanguis. I
Ferdin. P.
Zarrum in
Hispaniam
vsque ad
pauiscentis
petendos
persequitur.*

mis in Regiam maiestatem collatis officiis, compositis videlicet prouinciæ motibus & seditiosis pœna coercitis, ingentia prœmia meritum. Verum quum in Hispaniam appulisset cum magna auri vi, non multo post quam in Regiam venerat, Cæsaris mandatu correptus in arcem Medi-næ-campi (vulgo Motam vocant) inclusus est, neque quid de eo factum sit deinde auditum est.

Er. Pizarrus
rū nimis
hostium
contentus
perdit.

POST EA QUAM Ferdinandus Pizarrus Lima soluēs in Hispaniam vela fecerat, multi in ea ciuitate & aliis prouinciæ locis vtriusque Almagri cum parentis tum filij, amici supererant: sed ij sparsi, egentes, nulla neque re neque spe, omnibus videlicet fortunis à Pizarri factione euerſi & spoliati. Inter eos princeps vnus maxime eminebat Ioannes Rada. Is primo clanculum cum Didaco Almagri filio de vlciſcenda patris eius morte consilia agitare: mox vt eius primum instinctu conflata & orta coniuratio est, occulte arma conferunt; amicos & confœderatos aggregant, mittuntque ad remotos vt quam diligentissime possint Limam omnes conuolent. Non defuere qui Marchioni immatura adhuc coniurationis consilia proderent: sed ille quum significatum esset Almagristas perniciem ipsi moliri: ista haud sane magnificiens, ratusque hæc renunciantes odio potius in eos quam vero moueri, fere respondebat, Sinerent illos suis miseriis conflictari: satis iis infelicem suam sortem oneri esse, vt vexari grauius nihil opus esset. Quinetiam quum denuo de cauendis insidiis merneretur, quippe haud dubie cædem ipsi ab inimicis parari: etsi aliquantulum commotus est, id tamen sibi credibile non esse dixit.

AT T A M E N ne plane lentus in suo periculo esse videretur, Ioannem Velasque Prætorem vr̄bis accersi iubet. Is quod forte ægrotaret, pro se doctorem Picadam collegam suum & ludicem ordinarium (ex eorum ordine quos Hispani *Alcaldes* nominant) mittit. Hunc Marchio interrogat, num sui occidendi occulta consilia à Didaco Almagro iniri alicunde subolfecisset. Ille nullo se ea indicio comperisse aut sensisse affirmat: ceterum nihil ipsi timendum videri, dum rectum integrumque magistratus sceptrum haberet in manibus. His verbis acquiescit Marchio.

D V M exsequendæ cædis occasionem exspectant coniurati, admonentur, nisi facinus maturarent, omnia mox emanatura. Itaque Ioannes Rada, & vndecim coniurationis participes armati transuerso vr̄bis foro decurrentes & vociferantes, VIVAT REX ET MORIATUR TYRANNVS: domum Marchionis irrumpunt. Is tumultu exaudito, & quid esset suspectans, claudi atrij fores, firmari aditus, iubet: ipse ad muniendum corpus vertitur.

Er. Pizarrus
ab Almagristis
interfici-
tur.

I N T E R E A dum armatur Marchio, Franciscus Chiauentis, Præfectus prætorio, fores palatij recludit: ratus autoritate sua coniuratos cohibiturum: sed vt via patuit, Almagristæ violenter irrumpunt, & ipsum Præfectum gladio in caput alte impacto interimunt. Doctor Velasquez sceptrum prætorium mordicus tenens, ne intercideret, per fenestram in hortum præcipiti saltu semetipſe

metipſe deiecit. Martinus de Alcantara Marchionis frater natus maior, cum aliquot domesticis, ratus ſe aduerſus tot manus parem futurum, cōclauis oſtium tutabatur. Inde tandem armatus foras proſilit Marchio, qui quum vnum ex omnibus ſuis fratrem ſuperſeſſe cerneret: Euge, mi frater, inquit, pugnemus ſtrenue aduerſus proditores iſtos: per Deum iuro nos duos ſolos iſtis omnibus cædendis pares eſſe. Sed Martinus multis vulneribus confoſſus breui cecidit: ipſe tamen ſolus egregie ſe defendebat, donec irruentibus vndique inimicis, vnus cuſpidem in medio eius gutture ita fixit, vt exanimis in terram procideret. Hic Pizarro vitæ finis fuit. Trugillio Hiſpaniæ vrbe ortus erat, robuſto & vegeto corpore, ſtrenuus manu, ingentis animi: verum falſus, crudelis ac negligens & literarum ignarus. Gonzallo Pizarro patre genitum ferunt, qui in Nauarræ regno ordines duxerat: & alij quidem legitimum eius filium, alij ſpurium tradunt: expoſitumq; in cunis ad templi portam, nec repertum qui tollere aut alere vellet (2) mox à patre agnitum, vt adoleuit, paſcendis ſui- Fr. Pizarri
natalium
nobilitas. bus ruſ ablegatum: quum gregis pars aberraret, pauitantiem nec auſum reuerti domum, fugiſſe Hiſpalim, atque inde in Indiam cum Alphonſo Hoieda Vrabenſis prouinciæ Præfecto tranſiſſe.

VVLNERE lethali ictuſ Marchio animam agebat: Almagriſtæ nihil cunctati foras ſe proiicere, & per urbem volitantes vociferari, VIVAT REX ET DIDACVS ALMAGRVS. Ad eas voces multi amici Marchionis tumultu excitati concurrunt: inde vulnera & cædes partium: ſed quum Almagriſtæ multitudi- Did. Almagriſtæ
grus filius
Peruanæ
prouinciæ
regimen
inuat. ne & animis longe ſuperiores eſſent, facile aduerſarios fundunt: Marchionis domum aliorumque diuitum ciuium amicorum eius diripiunt, quorum alij capti, alij metu dilapſi fuga aut latebris diſcrimen vitauere. Didacus Almagruſ Gubernatorem ſe ferens, omnes iurare in ſua verba coëgit, quoad Cæſar Peruanis rebus proſpiceret. Mox ſceptrum inſigne Iuridicæ poteſtatis familiariffimis ſuis tradit: trecentos milites legit: arma & equos quibus non fidebat adimit: & ſummum Præfectum militiæ Ioannem Radam designat.

Hiſ confectis, Cuſcon properat: ibiq; à nonnullis aduerſæ factionis ciuibus diſſimulanter excipitur. Inter hæc iurgium forte inter Garziam Aluaradum & Chriſtophorum Sotellum nobiles Hiſpanos oritur: Aluaraduſ Sotellum mucrone tranſfigit: quumque Didacū ipſum per inſidias interficere deſtinaret: Didacus, patefacto dolo, in Garcia caput, quā ipſi ſtruebat, pernitiē vertit.

I Poſt mortem Almagri, nunciuſ ad Fr. Pizarrum allatuſ eſt de inuenta regione Canella feraci in Quitenſi prouincia, Orientem verſus. Itaque ad eam occupandam Gonzallum Pizarrum fratrem mittere ſtatuit. Porro arbor hæc, Canella ferax in prouincia Zumaco, ſub Aequinoctiali linea ſita, reperta, ampla eſt, foliis lauri, minutis baccis racematim coherentibus. quiculyce, ſuberino aut querno ſimili, continentur, ampliore tamen & magis cauo, colore nigricante. Ac tametiſi multa paſſim huius generis arbores ſilueſtres extent, diligenter tamen & magna

curaeas in suis pradiis indigena colunt. Itaque ex cultis longe nobilior Canella quam ex aliis nascitur: eamque illi in precio habent, quia è circumuicinis regionibus, merces alias & vitæ tuendæ necessaria omnia, huius aromatis ope redimunt. *August. Zarat. Hist. Peru. lib. 4. cap. 1. & 2. Petrus Cieca parte prima Chron. Peruani, cap. 40.*

2 Eum etiam expositum & Suis vberibus alitum aliquot dies scribit Gomara. Porro, quamquam in tanta trepidatione omnium, mors eius tamen multo miserabilis fuit: nec erat quisquam adeo rerum humanarum immemor, quem non commoueret illa facies: Marchionem & tot opum paulo ante dominum: qui tot à se repertas provincias occupasset & diuississet: non testamenti condendi, non venia peccatorum à Deo rogandæ, ocio dato: in sua colonia, inter suos populares ac milites, per insidias ciuiles, quas multi prodidere, nemo prohibuit: media luce duodecim hominum coniuratione interfectum: quum in tanto eius discrimine nemo colonorum, quos fere omnes clientes & beneficiis suis obstrictos habebat, ad opem ferendam accurreret. Mox etiam festinato & vix plebeio funere raptim contextum, ne amputaretur caput ludibrio futurum: direpta à coniuratis domo repente ad tantam inopiam reductum esse ut funeri sumtus deesset. Hæc Lima in Peru accidere, anno M. D. XLI. die XXVI. Iunij.

3 Christophorus Sotellus & Garzias Aluaradus Cuscon urbem, Did. Almagri nomine, presidio & pari iure obtinebant. Quum in iurgio Sotellum Garzias interfecisset, eiusque magno desiderio angi Didacum animaduerteteret: ultionem ab eo metuens, occupare facinus, & Didacum ipsum tollere statuit. Id quum perpetrare palam non auderet, occulta molitur. Didacum ad conuiuium inuitat, inter epulas incautum obtruncaturus: ni cæna iam condicta Didacus monitus, parat as sibi ab Garzia insidias, agritudine simulata, valetudinem excusasset. Simul tribunos cum militibus aliquot, Sotelli amicos, in penetrabile cubiculum condit. Garzias parato conuiuium, ipse cum amicis ad arcessendum domo Didacum profiscitur, & quamquam ab uno & altero in via de insidiis à Didaco structis monitus, perrexit tamen ire: donec Didaci ades ingressus venire ad conuiuium rogat. Ille primo excusans, tandem agre assentiri, & è cubili se alleuans præeuntem Garziam sequi. Interea fores clauduntur, & ab erumpentibus ex omnibus cubiculi partibus coniuratis, Garzias confoditur. *Aug. Zarat. Hist. Peru. lib. 4. cap. 14.*

Vacca de Castro à Cesare componendis Peruana provincia motibus mittitur. Is Did. Almagrum pralio victum captumque capitali supplicio afficit.

CAPVT IX.

Vacca ad
tauros in-
domitos
coercendos
à Cesare
mittitur.



Mox sequuntur alij rerum successus. Postquam enim Cæsar funestas Hispanorum discordias, Almagri mortem, Pizarri & aliorum cædes, audiuit: Licentiatum Vaccam de Castro in Indiam mittens, quæstionem

nem

nem acrem exercere & vindicare in noxios iubet, ac prouiciam quam pacatissime fieri posset, extinctis dissidiis componere.

HIS cum mandatis Vacca ex Hispania soluens, Panamam peruenit: vnde in Peruanum regnum vela faciens, propter aduersos ventos portum Bonauenturae petere coactus est: vbi in terram egressus, summis cum laboribus omnem Venalcazaris prouinciam terrestri itinere emensus, vix tandem Quilton urbem attigit. Ibi exploratis Didaci actis & consiliis, auditoque eum Gomezij Tordoia imperium spreuisse, cui vt Cuscon urbem Vaccæ nomine occuparet mandatum erat: Trugillium petiit, eiusque ciuitatis tutela More legato suo commissa, cum ducentis militibus, quos variis e locis raptim contraxerat, Limam contendit. Ibi regiis literis mandatisque coram editis, ab omnibus ciuibus Gubernator Peruanæ prouinciæ agnoscitur.

INDE, decem millibus ducatorum mutuis sumtis ad stipendia & sumtus belli milites contrahit, arma & equos comparat, & cum quingentis Hispanis Guamangum properans, ex eo loco ad Didacum Almagrum scribit, qui iam Cusco cum exercitu mouerat: vt positis armis se fidei eius ac potestati permitteret. Si vltro obsequeretur, pollicetur non tantum quæcunque ante peccasset ei condonaturum: sed & liberaliter daturum, vnde honorifice in prouincia viuere & ordinis sui dignitatem fastigiumque tueri posset. Ad hæc Didacus respondet, Si ab eo patris sui præfecturam obtineret, & diploma Cæsareum, quo veniam præteritorum consequeretur, his se contentum fore: Sin minus, se eius verbis parum fidei habere: quando quo tempore de fœdere & pace palam secum ageret, clam milites suos astu ad defectionem sollicitaret.

VACCA Didaci animo cognito, Guamanga, quod is locus asperior esset, mouens progressusque, edito in planicie tumulo, quem indigenæ Chiuppâ vocant, in conspectu hostium, confedit. Hic Didaco rei bene gerendæ præclara occasio se offerebat, si ea prudenter vti nouisset. Nam Vaccæ milites quum agmen in cliuum montis erigerent, si defessos & solutis ordinibus subeuntes adortus esset, parua manu fundere poterat. Postera die ambo duces copias in aciem educunt, suosque pro se quisque hortantur: victoriæ præmia ingentia ostentantes: victos contra, vitam, decus, fortunas, imperium, amissuros. Didacus suis tormentis loco plano constitutis, quibus Petrus Cretensis præerat, recta in hostilem aciem fulminabat: magnamque cladem hosti intulisset, ni id tempestiue animaduertens Franciscus Caruaial, Vaccæ Castrij primarius signifer, aciem paulum ex eo loco in vicinum obliquans, vbi à tormentorum ictibus tuta esset, exercitum seruasset. Didacus ab utroque machinarum latere equitatum, pedites in medio constituens: ipse in dextro cornu stetit, vbi multos Indos lanceis, lapidibus, iaculis & variis missiliū generibus armatos locauerat.

VACCÆ de Castro acies hoc modo stabat, ipse inter primores cum triginta equitibus ceteram aciem antecedens: postea tamen suorum rogatu, in po-

Vacca Didacus Almagrum verbis mulcere studet.

Almagrus occasione vti nescit.

in postremum agmen sese recepit. Equitum alē duē ab vtroque cornu locate: dextrum Alphonso Aluarado, læuum Petro Alvarez Olguino, cum Regio vexillo tuendum datum: pedites in medium accepti. Indi qui in Didaci auxilijs erant, primi ante ceteram aciem progressi, pugnam laceffentes, ab hostibus strenue pelluntur. Tum Didacus ferociter in hostem inuehitur: iamque acri vndique coorto certamine, Castrij pedites tormentis aduersariorum positi: & Didaci milites multis hostium cæsis, duo rapta signa referentes, omnia tumultu & dissonis clamoribus repleuerant: quum iam propinqua nox & dubia victoria omnes ad pugnam acius incenderet. Ergo vtrisque ad extorquendam hosti victoriam ingenti animo connitentibus multum ibi sanguinis fufum est. Ad extremum Vaccæ victoria fuit, sed ea non incruenta. A parte Cæsaris, trecenti amplius Hispani cecidere, & ducum ipsorum pars maxima: Almagristarum centum ferme & quinquaginta: nonnulli Guamanguam & alia loca, prout quemque fuga tulerat, diuersi petiere: sed Vaccæ iussu capti, Licentiato Gamæ traduntur.

*Almagrus
ab amico
cum fortu-
na fidem
exuente
proditur.*

*Almagrus
capite ple-
ctitur.*

Is cognitis omnium causis, in noxios, sed maxime in duces ipsos & seditionis capita, animaduertit: quosdam diuersis equis distrahi, alios è patibulo suspendi iussit: milites aliquot exilio damnauit. Didacus ipse à prælio, sequentibus tantum quatuor militibus, Cuscon fuga petierat, eas sibi latebras tutas fore ratus: sed Rodericus Salazar vrbis Prætor, quem ipse multis beneficijs donisque honestauerat, clade eius audita, quorundam aliorum ciuium consensu eum correptum Vaccæ tradidit. Is Didacum capite plecti iubet: eius morte prouinciæ pax reddita. Mox Vacca Indos captiuos inter milites, qui fidelem ac strenuam operam ei bello nauauerant, velut prædam diuidit: ceteros ad nouas terras subigendas dimittit. Inde Indis de integro calamitates gliscere, quos Hispani, vacui bellis, aurifodinis exercendis, aliisque intolerandis laboribus vexabant.

Blascus Nunnez, Prorex, SC. de Indorum libertate rigidius urgens Hispanorum odia in se concitat. Gonz. Pizarro duce publice aduersus Proregem bellum ab ijs suscipitur. Prorex Procuratorem regium interficit.

CAPVT X.

*SC. de In-
dis in liber-
tatem re-
stituendis.*



DV M apud Peruenfes hi rerum motus agitantur, Indicus Senatus, Cæsaris iussu, (1) Ediētum de Indis in libertatem restituendis de integro confirmat: & Peruanæ prouinciæ prorex designatur (2) Blascus Nunnez Vela, ingentis spiritus atque animi vir. Hic Cæsareo diplomate instructus, cum quatuor adfessoribus, licenciato Didaco Cepeta, Petro Ortizio, Ioanne Alpharez & Doctore Lisone, ab Hispania soluit.

QVVM

QUUM sub finem Ianuarij mensis, anno M. D. XLIIII. ad Nomen-dei appulisset, ibique Hispanos à Peruana prouincia transgressos reperisset, cum magna auri & argenti vi discessum in Hispaniam parantes: cognoscere ex illis voluit quibus artibus aurum illud quæssissent. (3) Quippe istos Indica mancipia quæ ipsis in parte prædæ obtigissent vendidisse acceperat, contra leges nuper in Hispania latas. Itaque Regiis magistratibus vt aurum illud retineant, quo ad verum querendo cognosceret, imperat. Ea res multis ciuibus noua atque insolens visa est: præsertim quum in ea vrbe id ab eo tentaretur, quæ extra ipsius prouinciæ fineis esset. Ipse tamen nihilo secius, nisi adfessorum & aliorum Hispanorum, quorum opes in ea colonia multum pollebant, interuentu ac precibus mitigatus esset, pecunias eas omnes haud dubie in fiscum redacturus erat: ac sic quoque egre admodum omnia dominis restitui iussit.

EXIN terrestri itinere Panamam petit vsque adeo Adfessorum pertectus ^{Proregis in Adfessorum res suos false dictum.} propter crebras ipsorum inter se altercationes, vt subinde diceret, Ab Cæsare & Senatu Indico se quatuor Adfessoribus ineptissimis instructum, quorum vnus adolescens esset, alter stolidus, tertius stipes, postremus inscitia insignis. Quippe Cepeta adolescens erat, Ioannes Aluerez stolidus, Petrus Ortiz, imperitus literarum, & Latinæ linguæ plane ignarus, & quartus stipes & ineptus homo. E Panama in Peruanum regnum vela faciens, decimo tertio quam soluerat die Tumbesiæ oram tenuit: neque vlla naus tam breui cursu spatium illud vmquam percurrerat.

AB eo loco restituendæ Indis libertatis initium faciens, vetat ne Hispanis quidquam commeatus aut mercium dent, nisi persoluto pretio, vetat ne Hispani ipsis ad baiulanda onera & vecturam sarcinarum inuitis abuterentur. ^{Indorum seruitus soluitur.} Nam qui ante eum ei regno præfuerant Gubernatores, edicto iusserant, vt omnibus Hispanis qui pedibus iter facerent, eorum locorum Cacici tres Indos baiulandis eorum sarcinis attribuerent: equitibus vero quinque: insuper singulis pullum gallinaceum, cuniculum, & patrij vini (quod illi *Azua* appellant) lagenam vnā, sine vllō pretio præberent. Hæc omnia Prorex sustulit.

QUUM forte Tumbesiæ in sacerdotem & Gonzalli Pizarri clientem quendam domesticum incidisset, qui prælio aduersus Didacum Almagrum gesto interfuerant, vtrumque in patibulum egit: in vrbe San-michaelis Didacum Palominum Indis vassallis priuauit, quod eos durius & inclementius haberet. Grauiissime se in eos animaduersurum minabatur qui ipsius imperiis atque edictis audientes non essent.

INDE Trugillium transgressus Edictum de Indorum libertate promulgat: quumq; ab eo ciues prouocare vellent, prouocationē non admisit, causatus se à Cæsare expressum disertumque mandatum habere Edicti stricte adeo & exacte seruandi, vt appellationem ab eo nullam aut exceptionem admitteret. Omnes obstinatham & inflexibilem Proregis duritiam experti, & ipsum & le-

E. ges, &

ges, & earum latores diris execrabantur. Qui seruos regio signo iniustos habebant, vulgo sortem suam miserantes dicebant, nullam sibi aliam superesse opem, nullam præterea rationem qua vxores, liberos & domum sustentarent. Qui eas prouincias subegerant, conceptum animis dolorem perferre non poterant, palam conquerentes: Postquam pro imperio & gloria Cæsaris corporibus & fortunis consumptis, ei opulentissimum & pulcherrimum Regnum suis manibus quesierint, egregia scilicet sibi precia laborum persolui.

SED eum acerrime omnium perstrinxit monachus ordinis D. Mariæ (Petro nomen erat) quum in has voces erumperet: Indigna præmia suam maiestatem iis reddere, qui tam fidelem & strenuam operam ei nauarant: & eas leges, explendæ auaritiæ latas rapinam potius quam sanctitatem & iustitiam redolere. Neque alio spectare omnia Ediçta quæ ex Hispania venirent, nisi vt augerentur Regij redditus. Itaque his verbis offensus Prorex noctu carnificem summisit qui monacho gulam frangeret.

Monachus
intempesti-
ua liberta-
tis penas
mercebat.

IAM superbix Proregis & durarum eius legum fama vbique sparsa erat, quum Hispani malle se mortem oppetere, quam eiuscemodi morem gerere legibus, palam ferentes, omnibus locis tumultum & seditionem agitant. Miserat forte Prorex Cuscon ad Vaccam de Castro legatum quendam suum. Is rogatu ciuium admittere eum in urbem noluit: ac breui cum multi Hispanis, quo propius rerum statum inspiceret, in ciuitatem-Regum contendit. Appropinquantem vrbi cum magno comitatu ciues admonent ne ingrediat, quippe vereri se ne aliquid secus quam vellet ipsi accideret, ob exclusum Proregis Legatum. Præterea quod tanto agmine stipatus veniret, suspicionem de se aliquam moturum. Itaque Cuscon potius reuerteretur, & ciuitatem Regis nomine obtineret. Sed Vacca regredi haud satis auctoritati suæ decorum existimans, maximam comitatus partem dimittit quominus suspectus esset, & coeptum iter peragit. Breui Limam ingressus, commotum ciuitatis statum & res perturbatas offendit.

NONNULLI ciuium Proregem monuerant, vt quamprimum posset, Trugillio venire properaret priusquã Vacca de Castro Limam ingrederetur: is ergo festinanter oppido egressus Limam magnis itineribus contendit. In itinere, eo loco cui Fossæ nomen est, inscripta parieti hæc verba reperit: *Quisquis fortunas meas ereptum veniet, mature videat quid agat. nam id quidem capitis sui periculo fecerit.* Præterea ei significatum est, decreuisse Limenses ciues eum Peruenfi prouincia eiicere, nisi Ediçtorum effectum suspenderet, quoad à Cæsare rebus aliter prospectum esset.

HIS simul de rebus plurimum indignatus Prorex Fossa mouet: quumque iam Limæ appropinquaret, Guilielmus Suarez Regius procurator (Factorem vulgo vocant) obuiam ei egressus iusiurandum ab eo nomine senatus exigit: Priuilegia videlicet, beneficia, & iura ipsis à Cæsare concessa sarta & tecta conseruatu-

seruaturum, prouocationemque à nouis legibus admissurum. Prorex iussurandum ita concepit, Se quæ ad obsequium & honorem Cæsaris pertinerent, ea omnia facturum. Ita ciuitatem ingreditur: maximæ parti ciuium parum gratus eius aduentus fuit: sed multo acrius odia omnium in se accendit quum Edictum de liberandis Indis promulgasset: quumque à familiaribus rogaretur ne faceret, quippe seditionem aduersus eum concituros Hispanos, contumaciter respondit, Se voluntatem suam & Cæsaris mandata prorsus exequi velle. Mox etiam Vaccam de Castro in Custodiam tradit, Edicta sua Cusci admittere noluisse eum arguens, & assumpta Gubernatoris autoritate Indos inter Hispanos diuississe: proptremo, non facta à Rege potestate, armis aduersus Almagrum certasse.

Prorex dicitur de summo iure nihil remittere vult, odia omnium, mox rebellionem, excitat.

PROREX tum ceteris factis, tum maxime Vaccæ vinculis, cuius in se beneuolentiam studiumque multo quam antea maius Limenses experiebantur, tantam omnium ciuium inuidiam, tantum odium in se concieuit, ut plerique Hispani Gonzallum Pizarrum crebris literis sollicitarent, ut Cuscon quam celerrime veniret. Incidisse res magni momenti de quibus cum eo ibi agere vellent. Is tum forte erat apud Ciarchas fodinis suis prorsus intentus, nec de his rebus quidquam cogitans: tum vero frequentibus nunciis & literis excitatus, Cuscon venit. Ibi coniurationis principes sæuitiam Edictorum exponunt, quæ Prorex attulerat: quam etiam ipse intolerabili contumacia oneraret, omnem ab iis prouocationem respuens. Itaque Gonzallum orare omnes ut propugnandæ vitæ ac fortunæ suorum summum se Ducem & Procuratorem partibus ostenderet. Polliceri ac iurare singuli se strenuam fidemque operam nauando fidem illi datam ad vltimum præstituros. Abnuere primo Pizarro, & id à se expectari petique non debere dicere: quippe Edictis repugnare, quid aliud esse quam repugnare ipsi Cæsari, qui eorum obsequium effectumque; tam exacte vrgeret? Verum qui eas terras subegerant coloni, inceptum suum ab omni rebellionis suspitione purgantes, & causam probantes, flexere tandem ut imperium illud à se suscipi pateretur.

Gonz. Pizarro dicitur partium.

HIS suffragiis Gonzallus Pizarro Gubernator & Procurator generalis Peruanarum prouinciarum designatus, vexilla depromit & breui quadringentos amplius milites contrahit. Hæc ita Cusci gesta esse posteaquam Pro regi allatum est, Hieronymum Loaisam Limensem episcopum Cuscon ad Gonzallum mittit, oratum ut suscepta aduersus Regem suum belli consilia omitteret: ac Limam ad reconciliandam secum concordiam veniret. Id quidem eum pro certo habere posse, nullam ipsi incommodam Legem ab se allatam esse: imo venisse ut eum ingentibus præmiis & meritis afficeret. Verum Episcopus à Pizarro neque auditus neque admissus, irrita legatione rediit.

PROREX, cognito Pizarri animo, metuens ne ille prius ad Limam cum exercitu esset quam ipso bello necessaria parasset: quinquaginta tormentu-

larios ad præsidium sui corporis comparat: quantum militum potest contrahit: è varijs locis noua subsidia arcessit: Quintæ vectigal retinet, quod Vacca de Castro confecerat vt primo quoque tempore in Hispaniam mittereretur: ac præterea pecuniæ summam in sumtus belli & stipendia militum mutuo sumit. Itaque breui ad eum Petrus de Puellis Guanuco, Gonzallus Diaz è Pura cum multis Hispanis è Quitensi prouincia profectis confluunt: sed isti paucis post diebus quam Limam venerant cum omnibus fere militibus alijsq; trib. mil. ad Pizarum transfugiunt. Nec multo post aliquot nobiles qui apud Factorem seu Procuratorem regium in hospitio erant, cum duobus eius nepotibus à Prorege ad Pizarum transiuere. Id vbi Proregi nunciatum, exemplo Alphonsi de Monte maiore cum quinquaginta equitibus ad capiendos transfugas mittit. Ille fugientes assequutus, proditur à suis & ab iis quos persequabatur, capitur: inde omnes vno agmine ad Gonzallum Pizarum concurrunt.

Prorex
Procur. re-
gium in-
terficiens,
sibi met ex-
itium ad-
fert.

INTEREA Prorex, quem non minus defectiones suorum quam hostium apparatus angebant, Factori in primis succensebat, ei vtique vehementer infensus, quem totius mali causam esse suspicabatur. Tandem hominem noctu arcessit: vixq; ille domum eius ingressus erat, quum iræ impotens, Ecquæ tandem sunt istæ quas moliris prodiciones, Factor? in malam tuam rem huc ad me venisti, quem tu technis tuis perueris. Ad hæc Factor: Ego tam bonus Regis seruus sum ac dominatio vestra. Prorex: Mentiris per gulam, inquit, simulque pugionem stringens gemino ictu eum confodit: deinde ingestis vulneribus confectum à domesticis, proici in præceps è cœnaculi pergula iubet: corpus eius à Proregis mancipiis licentia tenebrarum, quum nemo prohiberet, pedibus tractum & multis ludibrijs vexatum est. vt illuxit, honorifico funere effertur.

LICENTIATVS Caruaial, vbi fratrem à Prorege interfectum cognouit, iurauit se non prius quieturum quam mortem ipsius vltus esset. Ea quidem Factoris cædes plerisque ciuium tantum terroris iniecit, vt ne eadem à Prorege in se exempla ederentur vulgo pauitantes, Gonzalli Pizarri aduentum ardentibus votis optarent, qui ipsis perpetuam eam formidinem demeret.

I QVIBVS de causis id factum sit, ex Hispanis scriptoribus paulo altius repetam. Per ea ferme tempora transgressi ex India Occid. in Hispaniam aliquot Ecclesiastici homines: & bono, vt sibi videbantur, zelo impuls, Regi & Iudici consilij proceribus renunciarunt, quam profligata licentia Hispani aduersus Indos sauerent, Quippe non tantum eorum fortunas ferre atque agere, ipsos ad onera ferenda, velut iumenta, adigere: immodicis tributis grauare, & verberare: sed etiam, velut mancipia ad metalla damnata, in aurifodinas & piscatus unionum demergere. Itaque quemadmodum in insulis San-dominici, Cuba, San-Ioannis de portu diuite & Jamaica, omne prope indigenarum genus miserijs & laboribus interisset: ita in

Noua

Nova Hispania & in Peru breui omnes Indos à stirpe absumtum iri, nisi mature obuiamiretur. Porro eius mali maximam culpam sustinere Gubernatores ipsos, eorum legatos, & Maiestatis ipsius Procuratores, Episcopos, Cænobia, ceterasque eiusmodi Speciosas personas, quæ fauore & opibus subnixæ, nullam ex legibus actionem aut pœnam metuerent. Hæc & similia, tum alij, tum maxime inter ceteros Dominicanus quidam, Bartholomæus de Casis, sedulo inquisita, ad Cæsarem retulerant. His ille acceptis Indico senatui negotium dat, ut adiunctis Iurisperitis & religiosis aliis viris, ysmalis remedium adhibeat. Illi, rebus sat cognitis & deliberatis, Edictum XL. capitum seu legum condunt, quarum summa hæc erat: PLACE-RE Indos liberos ac sui iuris esse: ac proinde nemini fas in posterum Indum ullum aut ad fodinas aut ad piscandos uniones adigere: imo ne ad præbendam quidem geruli operam, nisi forte ysi locis ubi alia vectura ratio non suppeteret, ac ne tum quidem, nisi persoluta laboris mercede. Præterea Indis qui vectigales Hispanis essent, pro census habitu & modo tributa indici. Omnes Indos subditos patronorum aut seniorum suorum morte vacuos: omnes fundos, agros, Indos vasallos, qui Episcopis, Monasterijs, Ptochodochijs seu Hospitijs publicis per totam Indiam assignati essent, sub regia corona dominium ac ditionem redigi: adeo ut ne ipsi quidem Gubernatores, eorumue legati, & Regij procuratores vasallum ullum Indum at seruum retinerent. Porro omnes Indos, qui extra natalis soli sineis quoquomodo abducti essent, eo remigrare ac reduci, & Christ. religionem doceri. Hactenus de legibus, & causis earum. Nunc cur Prorex cum Adessoribus in Peruanam prouinciam missus sit, paucis expediam. Quum Peru, totius Indię ditissima prouincia, è Regia curia, cuius sedes Panama erat, supremum ius peteret, quod duo tantum Iuridici Adessores redderent, nec maxima anni parte commode utrinque nauigari posset: inde accidebat ut longa causarum dilatio & tardus litium exitus esset, Itaq; quum Peruanarum rerum maximi momenti status id exigere videretur, Præfixædem Proregis titulo, 4. Adessorib. comitatum eò mitti, nouamq; ibi Curiam statui placuit. Ceterum hæc leges Madricij latæ & promulgatæ sunt, anno M. D. XLII. easq; manus sua subscriptione Cæsar Barcinone confirmauit. Ex Hispanis scriptoribus.

2 Primus Prorex in Peru missus est Blasus Nunnez Vela Abulensis, tum regionum Castella satellitum Præfectus. Magno vir animo, rectus, & qui aduersum blandientes incorruptus, summos cum infimis æquo iure regeret: in primis Regia mandata exacto cum rigore nec sraulate exsequi studiosus. Experimentum sui dederat in Malacæ & Cuencia præfecturis. Attamen & ira impotentem fuisse, & suspicionibus properum, & credulum nimis, & precipitem in pœnas, res ipsa & exitus postea docuit.

3 In aliena prouincia intempestiue imperium exercere visus est: quum (ex eo capite Legum, quo iuebantur Indi natali solo reddi, quocumque modo inde abducti essent) Peruanos Indos per Panamensem prouinciam conqueri, atq; inde nauibus in Peru auahi iussit. Aug. Zarat. Hist. Peru. lib. 5. cap. 2.

Prorex Trugillium migrare constituit. Tumultu Lima orto, capitur & custodia traditur. Gonz. Pizarrus partium imperium & bellum in Proregem suscipit. Machicaus Panamam diripit. Inoiosa ei sufficitur, Verdugus Nomine dei potitus, mox inde à Pizarristis eijcitur.

CAPVT XI.



*Prorex
nemine
persequen-
te, fugam
spectat.*

PROREX VI perfecto demum facinore magnitudinem eius intellexit, omniumque in se accensa odia, hostis debellandi spe amissa, cum Regio senatu Trugillium migrare constituit. Instaurare eo loco vires cogitabat: itaque quamuis repugnantibus Assessoribus, duas naues instrui iubet, & Alphonsum Richelimum Regium Præfectum ærarij, Alphonsum rationarium Quæstorem, aliosque præterea nobiles euocari iubens: negotium datiis vt in diem craftinum præsto sint. Quippe Trugillium nauigare sibi esse in animo: & Velam Nunnez quidem fratrem suum terra cum militibus mittere: se vero cum cōiugibus ac fortunis omnibus tum Adsefforum, tum colonorum, maritimo itinere abituros. Nulli eorum satis animi ad contradicendum fuit: ergo magis non ausi repugnare quam consilium probantes abeunt, & omnia Adsefforibus enunciant.

*Lima ex
trepidatio-
ne Prore-
gis tumultus
oritur.*

Illi quum inter se ea de re deliberaissent, Lima non excedere statuunt: simulq; edicunt ciuibus, ne coniuges neu quid rerum suarum exportari & in naues imponi sinerent. Ipsi quoque Proregi fortiter obnunciantes, commonefaciunt si Lima discederet, hostibus aucturum animos: manentem contrà frenos eorum audaciæ iniecturum. Præterea sibi à Cæsare diserte mandatum vt in ea ciuitate, non alibi, sedem figerent: neque alio migrare, saluo eius imperio, sibi esse liberum. Prorex tamen omni obnunciatione & obtestatione neglecta, pertinaciter in proposito perstans discessum parabat, quum in ciuitate ingens repente tumultus oritur. Rapta arma: Vela Nunez stans in foro cum aliis Proregis ducibus, mox desertus à militibus, metu hostium in cœnobium San-dominici confugit: alij domum Proregis irrumpunt, & fores occludunt: circumfusi ædibus ciues quadrantis horæ spatio Proregem obsident: quem milites clamoribus magis quam armis propugnabant: quum innoxiiis lancearum hastilibus, cuspidibusq; retro versis, subeuntem propellerent hostem, & fistulas ferreas sine globis in vanum disploderent.

TANDEM Antonius Robles scala in murum euadens, domum irrumpit: portam recludi iubet: Dominicani quidam monachi Proregem adeunt & vt sese dedat admonent. Ille tandem eorum precibus expugnatus, Laurentij Aldenæ aliorumque aliquot trib. mil. fidei sese permittit: & ad licentiatum Cepedam deduci se iubet. Vtin conspectu fuit, ingenti dolore anxius, quod obuius

obuius quidam, ipsum, dum deducitur, infesto tormenti ictu appetierat, Cepeda ita affatur, Domine Cepeda, inquit, rogo te, nequis me interficiat, vt mei curam habeas. Cepeda cohortatus ne pauesceret, eum domum suam deducit. Mox etiam Adfessores consolantur hominem, & se eius calamitate grauissime affici affirmant: se vt caperetur neque operam neque consilium dedisse, sed quando ita accidisset vt in ipsorum potestate esset, pro bono atque ipsius vtilitate facturos vt eum in Hispaniam ad Cæsarem mitterent.

In eo statu res adhuc erant, quum ciuitatem noui de integro motus inuadunt. Nonnulli Proregem soluendum, alij contra interficiendum censebant, aut certe e ciuitate pellendum. Tandem diu multumque inter se altercati ciues in eam sententiam omnes descendunt: Remittendum esse in Hispaniam ad Cæsarem, vti paulo ante diximus. Quippe eius discessum multa sequutura commoda: Pizarum videlicet arma positurum: pacatam fore prouinciam: atque ea Cæsari satisfactura. Ergo questione de Prorege habita eique culpa totius motus assignata, cum fratre in nauim imponunt, centum amplius millia ducatorum domum referentem, quæ partim muneribus, partim stipendiis, partim rerum venditarum pretiis, contraxerat. Eumque cum omnibus fortunis licentiato Aluarez in Hispaniam deducendum tradunt. Is ad Tumbesiæ oram appulsus, Proregem liberauit: quo facto ei mox exitum attulit.

*Prorex in
Hispaniam
remissus liberatur.*

Eodem fere tempore Gonzallus Pizarus Cusco mouens (paulo ante interfectis Philippo Gottierez aliisque aliquot nobilibus, quod ad Regem multa aduersus ipsum scripsissent) duobus à Lima mil. pass. castra locat. Quumque ibi accepisset, Proregem solum Tumbesiæ exercitum contrahere: priusquam urbem ingrederetur, quo in se animo Assessores & nonnulli ciues essent cognoscere voluit. quippe non paucos inclinatis in Proregem studiis esse audiuerat. Ergo à senatu, omnium colonorum nomine qui eas oras subegerant, ciuitatis imperium postulat, quantum id Regij obsequij respectus & totius prouinciæ communis vtilitas postularet. Maxima ciuium pars deferendum ei imperium censebat, metuentes ne vi irrumpens urbem ipsam diriperet: alij, Cepeda maxime, valida militum manu contracta fretus, omni ope propulsandum contendebat: sed vbi cognouit maximam militum partem transiisse in castra Pizarri: tum etiam à nonnullis, quod vim quam leniores vias experiri mallet, correptus: quum illi sine vtriusque partis grauissimo damno prælij aleam tentari posse negarent, speciosiora suadentibus accessit. Hæc enim simulata tantum erant: neque alio animo ab iis iactabantur, nisi vt Regis os fallaci obsequij specie sublinerent. Omnium ergo consensu Gonzallus Limam ingressus Gubernator, addita exceptione, dicitur: Nempe calege vt quoties Cæsar de rebus aliter statuisset, ipse eo se munere

*Gonz. Pizarus
Gubernator
Peru. designatur.*

nere vltro abdicaret: interea illud fideliter pro boni & Christiani viri officio, sub Dei & regis auspiciis & imperio, gereret.

*Bacicaum
Hispani
scriptores
vocant.*

GONZALVS iam Gubernatorem agens res ciuitatis componit, Senatū abolet, insidias ab eo metuens: quadraginta millia ducatorum à Regio fisco mutua sumit ad stipendia militum: Machicaum trib. mil. Panamam mittit: Doctorem Teiadam in Hispaniam delegat, qui Cæsarem de prouinciæ statu, & quæ nouas leges sequuta essent incommoda, certiolem faceret.

*Machicaus
Panamam
diripit.*

MACHICAUS penuria maiorum nauium, duobus phaselis vela fecit cum L. tormentularijs: & oram præterlegens duas naueis ad Trugillium, & vnam in Tumbesiæ oracepit: Proregi terrorem intulit: Ioannem Lanez in fugam vertit: aliquot milites in portu-vetere contraxit: & prope Tabogam naue vna potitus, eius magistrum, quod demissis propere velis in deditiōem von venisset, ex antenna suspendit. Mox in Panamam appulsus, quum Ioannes Gusmānus qui militū pro Blasco Prorege delectū habebat, eum ingressu vrbis prohiberet, intercessit eius prouinciæ Gubernator. Nam quum audisset Machicaum non alia de causa eò appulisse quā vt doctorem Teiadā, legatū & procuratorem à cōmuni Peruenfis prouinciæ ad ipsum Cæsare missum comitaretur: Gusmannū cohibuit. quippe æquum non esse inquiens legatis morā & impedimentum offerre, & nulla de causa humanis cædibus materiem occasionemq; præbere. Itaque Machicao patet aditus: ipse cum maxima suorum parte in terram egressus, naues aliquot quæ in portu stabant occupat: milites qui Ioannem Gusmannum deseruerant omnes sibi adiungit, cum multis volonibus erronibusque qui Nomen-dei eò confluerant: Bartholomæum Peresum trib. mil. eiusque signiferum interficit: ac multo plures interemisset, quod initis de ipso occidendo consiliis ad exercitum eius tradendum Proregi conspirassent, nisi sibi consulissent fuga: tormenta vrbi propugnandæ comparata capit: negotiatorum tabernas vestiendis militibus exhaurit, se alias pro mercibus pretium persoluturum pollicitus. Exactis per hæc scelera aliasque multa aliquot mensibus, octo nauibus & quadringentis amplius militibus auctus, Panama in Peru renauigat.

*Inoiosa
Machicao
sufficitur.*

PORRO metuens Gubernator Pizarrus ne Prorex è Panama bello vires facillime repararet, quod is locus nauibus quæ ex Hispania ad Nomen-dei appellunt opportunus & commodus esset, eum portum sibi occupandum statuit. Sed quum audisset Panamenses ciues & mercatores de Machicai latrociniiis & rapinis plurimum queri, abdicato ei munere Petrum Inoiosam in eius locum sufficit. Non defuere qui intercederent & Machicao munus illud continuari vellent: sed hæc sententia obtinuit. Inoiosa, Proprætoris seu summi classis præfecti titulo auctus, cum centum quinquaginta tormentularijs è Calliao Limæ portu soluit: inde oram præterlegens Velam Nunez in portu Bonauenturæ cum xx. millibus ducatorum corripit. Is in eo portu duos myoparones

oparones instruebat, traicere in Panamam cogitans ibique Proregi fratri suo ^{Proregis} milites conscribere. Eum captum Inoiosa Limam ad Gubernatorem mittit: ^{frater ca-} qui mox eum tumultus cientem & colonias ad Proregis partes fouendas sol- ^{pate plebs-} lificantem capite plecti iussit. ^{tur.}

I N O I O S A præterea Gonzalli Pizarri filium, quem captum Vela Nunez secum ducebat, recuperat: & cum ea præda è portu Bonauenturæ soluens tribus nauibus & duobus myoparonibus, Panamæ oram tenuit. Ibi tum forte Ioan. Lanez milites Proregi contrahebat. is vt naues conspexit, extemplo pulsari tympana iubet, & in forum cum militum agmine progressus, quantum niti voce poterat ciues inclamat: Proдите foras Proditores, & Regiam prouinciam à tyrannis defendite. Hæc verba multorum indignationem odiumque in eum commouerunt.

P O S T E R A die Petrus Casaus summus eius prouinciæ Prætor (Iustitiarium maiorem vocant) Ioannis Lanez rogatu, milites Nominis-dei colonia excit: simulque ad Inoiosam mittit qui causam aduentus eius quærent. Ille se ad Ferdin. Machicai nomina luenda & dissoluenda venisse, respondet: eo facto, mox in Perusium regressurum. Attamen vbi ille Panamæ arma in se sumi & vim parari intellexit: nec pati vlllo modo velle Ioā. Lanez vt urbē intraret: milites in terrā exponit, & inter prominentes litoris scopulos collocat: myoparones cum aliquot tormentis oram radere iubet. Altera ex parte Io. Lanez Panama obuiam egressus, cum trecentis amplius Hispanis, castra prope hostem locat. Iamque tormentarius, iussu Lanefij, machinæ vni ignem immissurus erat: quum monachus quidam ordinis D. Mariæ, crucifixi imaginem gestans, cum Petro Cabrera mula circumuectus, P A X, P A X, alta voce proclamat.

P R O G R E S S I ad colloquium vtriusque partis duces, his legibus fœdus in- ^{Inoiosa} cunt: Vt Inoiosa xxv. tantum militibus comitatus urbem intraret: Reliquum ^{strategema.} exercitum & naues ad Tabogam insulam procul vrbe remoueret donec Machicai debita persoluisset: postremo nobiles viros duos, quoscumque Lanez legisset, fidei obsides daret. Inoiosa his acceptis conditionibus, Balthassarem, comitis Gomeræ filium, & Paulum Menesium trib. mil. obsides tradit. Ita fallacibus promissis circumuento Lanefio, pax inter eos componitur. At paulo post, quum persoluendis militum stipendiis pecunia Lanefio deesset, milites eius terni quaternive ex vrbe in Tabogam commeantes & ludicris cantionibus, quominus suspecta res esset sese oblectantes, per omne induciarum tempus, paulatim omnes duci suo elapsi ad Pizarristas transfugere. Ipse tandem ab omnibus destitutus, vno reliquo pedisequo, fugæ comite, Panama decedit, & Carthaginem sese recipit. Inoiosa orbam præsidio urbem cum exercitu intrat, festas inter militum voces clamantiū, V I V A T R E X E T G O N Z A L L V S P I Z A R R V S. Mox ad Nominis-dei coloniam occupandam & cum portum tutandum Petrum Cabreram & generum eius cum duabus cohortibus mittit.

Verdugus
Proregis
partes fo-
uens No-
men-dei
capit.

Non multo post Melchior Verdugus, Pizarri partibus infestus, cum ducentis militibus per emissarium Nicaraguensis lacus secundo amne defluit. Ad Nomen-dei noctu forte quum appulisset, milites exponit. Egreredientium in terram militum tumultu excitati coloni, Gallos esse arbitrati, in filuas confugiunt. Melchior in Cabrerae aedem ignem iniici iubet, illum simul conflaturum cum domo ratus: sed iam ille in Panamam cum genere aufugerat. Ad eum modum Verdugus Nomen-dei potitus, eam praesidio munit.

Verdugus
Nomen-
dei eiici-
tur.

At ciues, quum multas à militibus iniurias quotidie paterentur (illi enim militari licentia merces & quæque obuia rapientes, aliaque infanda edentes facinora, ius etiam prætexebant sceleribus: Id nimirum merito iis accidere qui Tyrannos aduersus Regem defenderent) graues de illatis sibi à Verdugo damnis & iniuriis querelas ad doctorem Riueram, eius prouinciæ Gubernatorem, deferunt. Is Panamæ manebat: ac tum Petri Inoiosa auxilium implorans, cum eo Nomen-dei cum centum & quinquaginta tormentulariis properat. Prius tamen quam vim adhiberet, Verdugum obtestatur, ut præstitis impensis & pensatis damnis quæ colonis intulerat, prouinciam suam extemplo repeteret, Id nisi sponte faceret, vim & arma expectaret. Ad hæc Verdugus, Et eum & colonos grauiora mereri, quando tyrannos in regia prouincia fouerent, respondet. Inoiosa tam contumaci responso offensus, ciuitatem irrumpit, suos vndique inuadere hostem iubet. Verduguenfes tanta tormentulariorum copia perterriti, adhæc, ut qui nihil præcauissent, incompoti inordinatique, omissa defendendi sui cura, terga vertunt: & princeps fugæ ipse Verdugus in myoparonem raptim insiliit: certatimque milites nauigia è portu moliti inde omnes, præter vnum vulnere impeditum, trepida fuga excessere.

*Centenus à Caruaile funditur. Prorex prælii fortunam aduersus Pizar-
rum expertus vincitur & interficitur.*

CAPVT XII.



Hæc Panamæ & Nomen-dei gerebantur: interea Gonzallus Pizarrus ad opprimendum Didacum Centenum, rebellionem aduersum se molientem, Franciscum Caruaialem Præfectum castrorum legatum suum mittit. Is Centenum ad Potosiam assequutus, aggreditur funditque, vsq; adeo captiuis militibus immitis ut omnes suspendi laqueo iuberet. Centenus ipse inter tumultum cum Lodoico Riueram & famulo vno in montes quosdam asperos Indis habitatos elapsus non procul Arequipa, perniciem effugit. Caruaia ea victoria insolescens & varia per loca infesta arma circumferens, omnia sanguine, ferro flammisque miscuit, Ciarchas diripuit: atque ex eo loco Arequipam, dein Cuscon regressus, latrociniis, suspendiis, & corporum dilacerationibus quoscumque Regis partibus fauentes cepit, atrociter vexauit.

EODEM

E o d e m ipso tempore Prorex in Popaiano, prouinciæ Venalcazaris agro erat: à Gonzallo Pizarro instante acriter cedenti diu iactatus, eius manus vix effugerat: tum vero ibi delitescens quum mendaci fama accepisset Pizarrum è Quito Limam concessisse, etsi captiuitate fratris non mediocriter angere-<sup>Prorex vi-
res instau-
rat.</sup> tur, spem tamen recuperandi imperij, vindictæq; à Pizarristis expetendæ, non omnem abiecit. Itaque Sebastiani Venalcazaris ope quadringentos Hispanos contrahit, acieque instructa procedens: vbi Ottabalum peruenit, Gonzallum nec Limam profectū, nec procul abesse cum valido exercitu aduersus ipsum venientem cognoscit. Hoc tam inopinato nuncio perculsus sub vesperam crebris ignibus ad fallendum hostem passim excitatis, inde prima fere vigilia mouit: & per inuios saltus atque aspera tesqua raptim exercitum ducens, ne villo quidem quietis momento ad relaxandum laborem dato, totam eam noctem & magnam sequentis diei partem, ducibus Indis, ingens viæ spati- um emensus est, ac vix tandem fatigatus & prope exanimatus siti, Quito peruenit. Ibi quum Numidica mulier aquæ ampullam vnam ei porrexisset, sitim restinxit: & à ciuibus de exercitu Pizarri diligenter sciscitatus, vbi validum esse comperit, aliquantulum expauit: mox collecto animo, mul- tis consulentibus vt positis armis Gonzalli fidem ac clementiam experire- tur: Vel mori strenue sibi esse melius respondit, quam se tali viro, id est tyran- no, dedere.

Ex i n d e nonnullorum fidei ciuium diffusus, Quito egreditur, & tribus ab vrbe pass. milibus in modica planitie, castris locum deligit. Pizarrus quem dis-<sup>Prorex à
Pizarro v. =
ctus inter-
ficiunt.</sup> persis passim exploratoribus nullæ hostis res fallebant, fuga proregis com- perta & quanto flexu vię copias circumduxisset, milite sequi iusso cedenti in- stare constituit, & postera die patentibus locis cum adeptus, castra castris contulit. Prorex animosius quam prudentius suos in aciem eduxit: neque illi pugnam detrectant. Ac primo congressu tormentularij Pizarri pilis plumbe- is hostium aliquos obtriuierant, hinc trepidantes equitum alæ Proregi cir- cumfunduntur: ille animose pugnam ciens omnes pariter in hostem duce- bat. Sed transuersam Regionum aciem equitum turma duce Cepeda incur- sans, facillime perrupit. Prorex ex equo deiicitur, quumque oppressus pon- dere armorum niti ad resurgendum non posset, ignotus aliquandiu inter su- orum hostiumque stragem fefellit. Mox quum Quitensis ædituus illac forte præteruectus, propius se ad eum applicuisset, tum Prorex: Abstine à me ma- nus, inquit: ego sum Prorex. Sacerdos, Opportune: tu is es quem nos quæri- mus. Ac confestim ad licentiatum Caruaialem accurrens, letum illi hoc nun-^{Sup. ca. 10.} cium perfert. Is Factoris fratris sui cædem vlcisci ardentissime cupiebat, quem Prorex manu sua, vt ante diximus, interemerat. Ergo properabat vt iacen- tem hostem confoderet: ni Petrus de Puellis descendere equo parantem co- hibuisset, Haud satis decorum ipsius authoritati eiusmodi facinus edere,

admonens. Ille igitur, seruo ad cædem eius misso, Proregem obtruncari iubet. Interfecti caput abscissum Quito Caruaialis iussu deferretur, & patibulo, unde capita noxiorum pependissent, affigitur. Neque eo ludibrio contenti nonnulli, barbam etiam contemtim vulserunt. Tandem tamen corpus sublatum, deportatur Quito, & postera die iussu Gubernatoris honorifice conditur.

Eo prælio Pizarristarum quinque cecidere, aliorum paulo plures. Gubernator moderate victoria usus, cum hostibus clementer egit. Venalcazarem quoque, quamquam aduersus se pugnasset, donis prosequutus, in suam provinciam remisit, & aliquot præterea Prætores & duces. Boniliam Præfectum ærarij, & alios Quitoenses ciues captos, Chilen in exilium misit. Sed illi comparata clanculum naui in nouam Hispaniam aufugere. In Guaiacum Manulem Statium Propæfectum misit: ad Portum-veterem, Lupum Aialam: Saufam Alphonsum Mercadillum: Trugillium, Didacum Moram. Ad hunc modum ceterarum ciuitatum imperiis distributis, Petrum de Puellis quoque legatum Quito præficit, & inde progressus in ciuitate-Regum ingenti omnium lætitia exceptus est.

Petrus Gasca componendis Peruana provincia motibus mittitur à Cæsare. Ad Gonzallum Pizarro scribit. Pizarri & rebellium responsum. Multa vrbes à Pizarro deficiunt. Centenus Cusco occupat.

CAPVT XIII.

INTER hos Peruensium motus, nuncius affertur Cæsari Proregem à Limensibus captum, à Gonzallo Pizarro motam contumaciter rebellionem & summa aduersum se arma. Ex quo ingenti dolore affectus est, grauius Adseffores inculpans, quod talia consensu suo approbassent. Mox comperto, præcipuam mali causam à Prorege ortam: illumque quum nollet prouocationem à nouis legibus admittere, seditioni materiem & flammam subdidisse: aliquantum mitigatus, ne provincia maius detrimentum acciperet, superioribus vulneribus sanandis quieti ingenij hominem legere instituit. Nemo ad eam rem licentiatum Petro Gasca aptior visus est, viro quem astutissimæ vulpis quam ferocissimi leonis similiorem facile esse crederes. (1) Hunc Præsidis titulo auctum omnique imperio, authoritate, & quibuscumque voluit petiitque literis ac diplomatis instructum, in Perusium mittit.

*Vbi leonina
pellis non
sufficit,
vulpina as-
sinitur.*

Is licentiatum Cianca & Renterio comitibus adiunctis, anno M.D. XLVI. ex Hispania vela fecit, ac prospero usus vento quinquagesimo quinto quam soluerat die ad Nomen-dei appulit. Inde terrestri itinere Panamam progressus, quam occultissime fieri poterat, quo statu Pizarri res essent, sagaciter odorando &

do & sciscitando peruestigabat. Si quando à Pizarristis forte interrogaretur, quam ad rem ex Hispania missus esset, omnibus comiter ac sæpe capite aperto respondebat, Se ad componendos Peruenſes motus, & abroganda Edicta quæ Prorex attulerat, venisse: ac obliterated venia omnibus quæ deliquerant, summopere se cupere eas prouincias in pristinum statum reducere, vt omnes honeste pacificeque viuerent. Interdum etiam familiarius cum gregariis militibus sermonem socians, bono animo & hilari esse iubebat: se omnia velle recta & molli via consequi: quin etiam diuitiis omnes expleturum pollicitus, non se alio tendere affirmabat quam vt ius earum prouinciarum recuperaret: & ipsi agnito errore sub imperium Cæsaris redirent.

*Gasca in
subodoran-
dis hostium
cōsiliis mi-
ra soller-
tia.*

His & aliis multis eiusmodi splendidis dictis omnium oculos perstringens, simul Inoiosam aggreditur, & ad tradendam sibi cum exercitu classem sollicitat. Dein ad Pizarrum litteras mittit, (2) quarum sententia hæc erat: Si Imperium & arma sponte poneret, veniam ipsi omnium anteaكتورum à Cæsare tribui, & abrogatis legibus nouis omnibus fortunas suas relinquere. Porro nec eorum qui ipsius partes hæctenus sequuti essent, fidei nimium inniteretur. quippe illos, simul ac vocem Regis audissent, veniam & pacem offerentis, omnes ab eo ad vnum defecturos, & perniciem eosdem ipsi allaturos, quibus salutem suam crederet.

*Gasca fal-
lax ad Pi-
zarrum li-
tera.*

His acceptis litteris Pizarrus, aduocato primorum consilio, omnes sententiam libere dicere iubet. Illi, re diu multumque deliberata, tandem congruentibus ferme in vnum omnium sententiis decernunt, Primum omni ope Gascam Peruanæ prouinciæ aditu prohibendum esse: deinde mittendum legatum ad Cæsarem, qui de Proregis morte ei explorata omnia & certa referret: tum Regiæ eius Maiestati supplicaret, vt propitia volensque prouinciæ imperium Gonzallo Pizarro confirmaret. Id si ab eo impetrarent, magnam vim pecuniæ ei se vltro contributuros. His decretis, F. Hieronymum Loaisam & Laurentium Aldanam in Hispaniam delegant, ac Epistolam ad Gascam Præsidem communi omnium nomine scribunt, legatisque eam, sexaginta quatuor Prouincialium, qui eas terras pro virili parte manu ceperant, chirographis subscriptam & obsignatam ad eum perferendam tradunt. Exemplum eius infra scriptum est.

MAGNIFICE domine, te Panamam aduenisse, & nunc quoque de tractu in Peruenſem prouinciam cogitare, accepimus. Equidem si paulo maturius & ante Proregis mortem venisses, id nobis non minus iucundum quam vtile futurum fuisse testamur. Nunc autem post tot intestina bella & Hispanorum cædes non tantum parum tutus in has prouincias aduentus tuus, verum etiam detrimentum aliquod grauius allaturus est. Quare multo satius videtur, & cum publico omnium bono coniunctum vt tu in Hispaniam cum

*Gonzaili
& partium
ad Gascam
magnani-
mum re-
sponsum.*

„legatis nostris redeas, quos ad Cæsarem mittimus, ut ei horum motuum cau-
 „fas successusque & consilij nostri summam exponant: petantque ab eo ut
 „Gonzallo Pizarro huius provinciae imperium proroget ac confirmet, peritis-
 „simo omnium viro ac longo rerum & tractandae provinciae usu assuefacto:
 „qui etiam propter singulares ipsius virtutes ab omnibus merito velut parens
 „patriae habetur & diligitur: qui provinciam pace & iustitia regit: qui Regia ve-
 „ctigalia ac redditus fartos tectosque praestat. Ac nos quidem eam gratiam à
 „Cæsare accepturos confidimus, propter egregia in eum merita & constan-
 „tem in obsequio & fide perseverantiam: quam, etsi ab ipsius Legatis & Præ-
 „fectis bellis civilibus & rapinis adeo voracibus, ut ne vectigalibus quidem re-
 „giis pepercerint, crudeliter vexati, integrā hactenus retinuimus. Facile quoq;
 „nos ei probaturos speramus, quaecumque propugnandi nostri causa sumptis
 „in eos armis gessimus. quidquid enim huius fecimus, quod leges permittunt,
 „iuris nostri tuendi gratia fecimus. Quare veniam aut gratiam criminum nul-
 „lam ab eo petimus: quando deliquisse in eum aliquid nobis conscij non su-
 „mus. Te vero pro eo studio ac zelo, quo hactenus semper in Dei cultum &
 „Regis obsequium affectum esse prae te tulisti, magnopere oratum volumus,
 „ut Hispaniam repetas, & quae his provinciis recreandis commoda necessaria-
 „que esse pro tua prudentia perspicis, ea coram ipse Regiam maiestatem edo-
 „ceas. Quod te quidem ita facturum speramus.

LITERAS quoque dant ad Inoiosam (& hoc idem Pizarro Laurentio Al-
 danæ in mandatis dedit) ut Petrum Gascam L. millibus ducatorum donatum
 in Hispaniam remitteret: aut si potius ita videretur, eum interficeret. Id mox,
 allatis Panamam literis, Laurentius Aldana Praefidi Cascae indicavit, monuit-
 que ut ab occultis hostium insidiis ad ipsius caedem structis caueret. Præterea
 ei pro certo retulit Pizarro numquam sponte passurum ut Peruanam pro-
 vinciam intraret: quamquā alioqui complures bene in Regem animati eum
 multo libentissime visuri essent. Ceterum quum Inoiosa nullo pacto adduci
 posset ut classem Cascae proderet, nempe fidei Pizarro datae nondum imme-
 mor, ad ultimum tamen Cæsareis literis inspectis, quibus antea actorū omni-
 bus qui à Pizarri factione ad Regem descivissent venia dabatur, expugnatus
 eam tandem tradidit: Tanta re tam facile potitus Gasca, sine qua frustra in
 oppugnando Pizarro se fatigasset, ingenti lætitia, eundem Inoiosam ut ante
 classi præficiens: ceteros quoq; classiarios duces suo quemq; gradu atque or-
 dine quem prius obtinebat relinquit. Simul Nomine-dei aliquot tormenta
 & machinas aduehi iubet, quas ex Hispania transtulerat: mox etiam Mexico,
 Guattimala, Nicaragua, Dominica, missis ad præfectos litteris, milites, equos,
 arma, comæatus, contrahit: pecunias in stipendia militum mutuas à Mer-
 catoribus sumit: Laurentium Aldanam ad promulgandas Veniæ generalis li-
 teras & novarum legum abrogationem, tribus nauibus in Perusium mittit.

ILLE

Inoiosa
 classis Pi-
 zarri, Gas-
 cae prædit.

Gasca ho-
 stium du-
 ces præmiis
 & honorū
 specie ine-
 scat.

ILLE Panama soluens, nullo loco prius terram attigit, quam in Calliaum Lime ostium peruenisset. Inde nauim vnam è tribus Trugillium, alteram Arequipam mittens, pluribus simul locis Regia diplomata & classis defectionem euulgat. Quæ ex re factum est vt maxima pars ciuitatum, fama de classe ab Inoiosa Gascæ prodita sparsa, à Gonzallo Pizarro deficeret. Primum Trugillij Didacus Mora, Quiti Rodericus Salazar ab eo desciuere, quorum hic Petrum de Puellis iacentem in lectulo pugione confodit: Franciscus Vlmeus in Guaiquil Emanuelem Statium interemit, iam tribus aliis in Puna insula ciuibus interfectis. Quæ quidem cædes iam refixo explicatoque aduersus rebelles & proscriptos vexillo regio, impune grassabantur.

Amici cum
fortuna fi-
dem mu-
tantes.

QUVM forte tantas inter rerum procellas ad portum-veterem essem, Didacus Mendez Lupum Aialam cepit, Moralem trib. mil. strangulari iussit: sed ab istis hæc vliscendi potius rabie quam studio iustitiæ fiebant. Didacus Centenus à Didaco Aluare Arequipa excitus, è montium latebris, in quas se abderat, prodit, & se Aluari iungit, affluentibus quotidie aliis, cum octoginta Hispanorum globo, quos eiusdem causæ fors aggregauerat, Regis nomine Cuscon occupare properat: eam tum trecentorū militum præsidio Antonius Robles obtinebat, quos paulo post ad Pizarrum ducturus erat. Id vt comperit Centenus noctu urbem intrat: hostes incautos & sopitos opprimit. Multi trucidati, vulnerati plures: dux ipse viuis capitur: ei Centenus ceruices abscindi iubet, & ceterā multitudinem, amisso duce, sub imperium Regis facile redigit.

QUA victoria admodum inflatus, Cusco mouet, & Potosiam aduersus Alphonsum Mendozzam & Io. Silueiram contēdit. Hi duo Pizarri legati erant, eo loco iussa eius cum valida manu expectantes: sed vbi Centenū aduentare intelligunt, ei obuiā vltro egressi copias iunxere. Quibus ille virib. auctus Tiquacacensis lacus claustra occupat & cum exercitu ibi confidit, eo consilio vt Præsidē opperiens, simul obfesso eo trāsitu omnia itinera hosti intercluderet.

I OMNIVM quæ in Peru acciderant nuncium accepit Carolus Cæsar in Germania (vbi tum aduersus Protestantes bellum gerebat) per Didacum Aluarez Proregis Vela cognatum & Franciscum Maldonadum Gonz. Pizarri domesticum. Eorum porro malorum remediū aliquandiu dilatum est, tum quod Cæsar Castella abesset, tum quod morbis nonnumquam implicitus, grauiorib. curis non vacaret. Tandē Petrum Gascam eo mitti placuit, qui tum ex Inquisitionis Hispanica collegio & consilio erat, cautum & cordatum virum & cuius animum ingentib. negotiis parem sollertiamq; expertus fuerat Cæsar, tum eo apparatu, quem paucis ante annis in regno Valentia aduersus Turcarum & Maurorum classem fecerat, quam imminere Hispania allatū erat: tum aliis negotiis, quæ proprie ad Inquisitionis munus & Infidelium conuersionem spectarent. Hunc virum Cæsar, abrogatis durioribus illis edictis, quæ Blasco Vela exitium attulerant, attributo libero imperio, cōponendis Prouinciæ motibus delegit. Neq; ille gnarus plura consilio & astu quā vi perfici, superbi-

superbiorem titulum asciuit, quam praesidis Regia audientia siue Curia Peru: nihil aliud palam praeferebat, quam se missum esse, ut omnibus ignosceret, & quam-mollissima via consequi posset omnia in pristinum statum restitueret: acceptis tamen à Caesare litteris, sigillis & chirographis, quorum autoritate, si opus esset, vires & milites contraheret: sed id clam. August. Zarat. Hist. Peru. libro. 6. capite 6.

2 PETRVS Gasca longa epistola Gonz. Pizarrum monuit ut abdicato Gubernatoris munere, sponte sub fidem atque imperium Caesaris concederet. Eius exemplum exstat apud August. Zarat. Hist. Peru. lib. 6. cap. 7. Eam per Petrum Hernandum Paniaguam misit, simulque Caroli Caesaris litteras ad Gonzallum Pizarrum scriptas, Anno M. D. XLVI. Earum litterarum sententia haec erat:

REX.

“ GONZALLE Pizarre, tum literis tuis, tum aliorum relatu, certiores facti
 “ sumus de exortis in Peruanis prouinciis motibus, ceterisque rebus quae ibi accide-
 “ runt, ex quo Prorex Blasus Nunez, Vela legatus noster, & cum eo Regia cu-
 “ ria Auditores eò missi sunt: quod nimirum illi nouas leges atque Edicta à nobis fa-
 “ cta ad iustum earum regionum regimen, & clementer tractandos earum indige-
 “ nas, rigidius exsequi vellent. Ac certum quidem habemus, nec te, nec eos qui te
 “ sequuntur, eo consilio secessisse ut imperium nostrum exueretis: sed tantum ut rigo-
 “ rem & asperitatem declinaretis, qua dictus Prorex ita uti stricte volebat, ut nullam
 “ ab iis legibus prouocationem admitteret. Itaque, totius veritate accurate perspecta,
 “ simul audito Fran. Maldonado, qui abs te & Prouincialibus colonis missus nobis o-
 “ mnia retulit: licentiatum Gasca, & sancta & generalis Inquisitionis corpore ac con-
 “ silio nostro eò mittere visum est. Què idcirco mandatis ac potestate instruximus, ut
 “ eis terris pace ac quiete reddita, quacumque ad Dei cultum, prouinciarum constitu-
 “ tionem ac decus, & colonorum, clientium nostrorum, & indigenarum, commoda
 “ pertinere ipsi videbuntur, ea omnia curet ac prouideat. Quare vobis mandamus
 “ atque iniungimus, ut quacumque dictus Licentiatum nostro nomine vobis edixe-
 “ rit, ea praestetis, ac perinde dicto audientes ei sitis, ut sic ea à nobis ipsis mandata ef-
 “ sent: tum ut quantocumque poteritis, fauore & ope eum iuuetis, quo facilius com-
 “ missa à nobis perficere & exsequi possit. Quod vos praestituros confidimus. Ac me
 “ quidem scito habere in memoria, & habiturum benefacta & officia in me vestra,
 “ tum quacumque Marchio Franciscus Pizarrus frater tuus imperij mei propa-
 “ gandi causa, praclare & fortiter gessit: atque eorum tum liberis eius tum fratribus
 “ suo tempore premia persolaturum. VENELO, XVI. die Februarij, Anno
 “ M. D. XLVI.

EGOREX.

Mandato sua Maestatis:

Franciscus de Erafo.
Gonz.

Gonz. Pizarrum amicorum præcipui deserunt. Centenus ab eo, prælio vincitur. Chilensem prouinciam, suadente Caruaiale, petere abnuit.

CAPUT XIII.

INTEREA Pizarus è Regum-ciuitate miseram partium ruinam, & paulatim diffugientes cum fortuna amicos, conspiciens, eos præsertim qui suscipiendi huius incepti præcipui ipsi autores & participes fuissent: ac iam à Petro Inoiosa, in quo vno maxime spem ac præsidium rerum suarum collocauerat, classem Gascæ proditam, atque ab omnibus fere sociis populis sumta in se arma: ingenti quidem dolore percuti, non tamen tot aduersis casibus frangi aut animum abiicere. Itaque aduersum mala insistens spei, Ioannem Costam ducentis cum militibus Trugillium aduersus Didacum Moram mittit: sed is quum Didacum Cassiamalcam concessisse & se validiorem esse comperisset, Limam reuertitur. Eum mox Pizarus cum maioribus copiis Cuscon ablegat, vt inde Centenum eiiceret, quem in ea vrbe esse existimabat. Paulo post istius discessum, Laurentius Aldana Limensem portum quatuor nauibus inuectus, ingentem Pizarri exercitui terrorem intulit.

Gonz. Pizarri inuisus in aduersis amicus.

IN ea trepidatione Ioannes Roias & Alphonfus Maldonatus cum multis aliis Pizarrum deseruere. Pizarus ne plures ad hostem transfugerent veritus, Lima Arequipam migrare constituit: sed ne ea quidem res licentiati Caruaialis fugam morari potuit, qui cum omni familia, cognatis & amicis repente à Gonzallo desciiuit. Eius hominis transitio Gubernatoris animum vehementer pupugit, quod is è primoribus exercitus ducibus erat, & inter omnes amicos præcipuo honore cultus à Pizarro. Ergo ipse Lima excedens, per celeres equos ad Ioannem Costam scribit, vt quam celerrime Arequipam veniat. Quum prope Guamanguam esset, Sottus summus Præfectus castrorum, Martinus Vlmeus trib. mil. cum maxima cohortis parte, eum deseruerunt. Inter ea Arequipam ipse, Laurentius Aldana Limam ingreditur, & vexillum Regium attollit.

Pizarri amicorum præcipuorum desertionibus vulneratur.

GVBERNATOR, reuerso Ioanne Costa, dubius animi, eum & reliquos amicos, qui fidem non mutauerant, in consilium adhibet, quid optimum factu esset exquirens: neque enim iam de imperio, sed de salute agi. itaque quando retinendæ prouinciæ nulla spes esset, vitæ saltem consulerent. Quum omnibus noua exilia, nouas quærendas terras placeret, & ad id Chilensis prouincia opportuna videretur: Pizarus militem ire in ordines & disposito agmine ingredi iubet. Quingenti ferme Hispani milites, multis Indis lixis & calonibus admixtis, erant.

AT Pizarus cogitans recto itinere tendentibus necessario transeundum esse, qua Centenus cum mille ac ducentis Hispanis angustias quasdam infe-

G derat,

derat, Franciscum Spinofam cum triginta equitibus viam propter alucum Tiquacacensis lacus sequi iubet, vt hosti velut illac ituri speciem præbens, eum ad impediendum transitum in illam partem auerteret. Ipse vero diuersa via, Caruaiale Præfecto castrorum cum toto exercitu præmisso, per Vscouium asperrimos Guamangæ montes præstringens tendebat. Ibi sacerdos forte repertus, Cæsarei exercitus explorator, ab eo suspendi iussus est. Centenus ab Olea trib. mil. qui ad eum transiuerat, de Pizarri consilio edoctus, ex eo loco mouet & Pucoranum properat. Pizarrus vbi hostem recta ad se tendere comperit, se Guarinæ saltu & hostilibus copiis clausum ac viribus impari: mittit ad Centenum, Se prouincia omni vltro excedentem in Chilen migrare: proinde transitum liberum abeunti concederet. Centenus enim uero negare se daturum, sed petere vt se in ipsius fidem ac potestatem permitteret. At Pizarrus TV NON ES Rex, inquit, vt me tibi dedam: tu nuper vnus è meis clientibus & domesticis eras: verum quum forte aliquid à me flagitanti negassem, tu aduersum me arma sumfisti.

*Prælium
Pizarri cū
Centeno.*

AB hoc responso, Centenus vltius pergens, emissarij Tiquicacensis lacus ponte intercisso, Pucoranum peruenit, ibique xv. millibus pass. à Pizarro castris positus aliquot dies confedit, ratus haud dubie Pizarri milites ad se transitionem facturos. Verum vt ab illis nihil moueri videt, octo milia passuum propius hostem admotis castris: copias Alphonso Mendozzæ & Ioanni Silueræ legatis tradit. Ipse, lateris dolorem causatus, cum Ioanne Solano Cuscensi episcopo in tutum locum secedit. Alphonfus Mendozza & collega, quibus hostem vltro aggredi certum erat, aciem tumultuarie, ac contemtu hostis negligenter ordinant. siquidem iam certam victoriæ spem præceperant animis, multa & vana iactantes & ludicra inter se cientes certamina, quum videlicet se Pizarristis, etiamsi triplo tanto plures essent, facile pares esse dicerent.

CARVAIAL de ordine & loco in quo hostium acies instructa stabat ab exploratoribus edoctus, confestim ad Pizarrum, Illustrissime Gubernator (inquit per Deum iurans) ecquid proditores istos inuadimus? quid cessamus? victoria quidem in manibus est. Simulque dispositis agminibus, cum maxima tormentulariorum parte ceteram aciem strenue antegressus, repentino incursu hostium stationes irrumpit. Ac primo quidem congressu tormentularij ingentem stragem faciunt. Sed Alphonfus Mendozza cum xl. tormentularijs, & omni suorum equitatu in Pizarri alam vehementer inuectus, prope in fugam verterat: ni Caruaial huc illuc ad animandos milites agmina obequitans, quanto in discrimine esset Gubernator, animaduertisset. Simulque is Ioannem Torrem ad opem ferendā nomine ciens: Agedum, inquit, patrono nostro succurramus, qui in magno periculo est, ni mature subueniatur. Ergo accitis promptissimis in eam partem accurrentes, prælium instaurant, nec tantum

tantum labantem sustinere aciem, sed omnibus viribus ad victoriam con-
 fi, pepulere hostem. Tandem Centeniani quum furentium inimicorum im-
 petum tolerare non possent, abruptis ordinibus & defessi funduntur. Simul
 ac suorum fugam Centenus è tuto conspexit, non expectato Episcopo, infi-
 liens in equum aufugit. E Pizarri exercitu circiter octoginta Hispani cecidere:
 Cepeda & Ioannes Costa vulnerati sunt. Ex hostibus quadringenti & quin-
 quaginta desiderati sunt: in iis Ioannes Siluera, & alii tribuni mil.

*Pizarri victo-
 ria de
 Centeno.*

SECUNDVM eam victoriam Pizarrus Caruaialem cum xxx. tormentu-
 lariis versus Arequipam mittit, si forte Centenum fugientem exciperet. Is Cen-
 teno non reperto, urbem intrans aliquot ciues pecuniis spoliatur. Pizarrus Bobadi-
 lium trib. mil. cum totidem militibus, Ciarchas petere iubet, & quidquid e-
 quorum armorumque nactus esset capere: Machicao & sex aliis Hispanis gu-
 lam laqueo frangi curat, quod sub initium pugnae ad Centenum transfugis-
 sent: ceteris ignoscit, quum fidelem ipsi operam praebituros in posterum pro-
 mitterent. His gestis, Guarina mouens Cuscon petit: urbemque intrans cum
 ingenti omnium ciuium metu, licentiatum Martellum & duodecim alios è
 primoribus ciuitatis suspendi iubet: ex auro & argento arma fabricanda cu-
 rat, urbemque excubiis & valida custodia firmat.

TRADUNT nonnulli, Pizarrum à Caruaiale monitum, ne militum quos
 ex Centeni clade collegisset, & aliorum praeterea quorundam fidei crederet,
 quippe prodituros eum ubi se occasio tulisset. Verum potius in Chilensem
 prouinciam concederet, quacumque transiret terram vrens populusque &
 sequentibus hostibus omnia vastitate praeripiens, ne commeatus militi, neu
 pabulum equis suppeteret. Porro ad haec respondisse Pizarrum, Sibi stare ani-
 mo, aut vitam amittere, aut prouinciam seruare. Tum Caruaial, horribiliter
 deierans: Age, inquit, pergamus, quando ita lubet, Illustriss. Gubernator: mihi
 quidem scias tam bonas ceruices esse quam Dominationi tuae. Equidem si
 tam sapientis consilij ratio à Pizarro accepta esset, frustra in eo perse-
 quendo Petrus Gasca caput scaberet, & incassum se ac mili-
 tem fatigaret, nihil ex eo incepto praeter irritum
 laborem in Hispaniam relaturus. Verum-
 tamen Pizarri reseum exitum
 habere necesse erat.

*Proditorum
 numquam
 tanta fides.*

*Pizarrus
 sano consi-
 lio uti ne-
 scit.*

Gasca in Peru traicit, Pizarrum praelio vincit. In eum, in Caruaialem & ceteros noxios animaduertit.

CAPVT XV.



INTER hæc Præses Gasca duodecim onerariis nauibus cum magnis tum modicis Panama soluit, quæ omnes ferme mercibus onustæ erant, cum quingentis militibus quos in omnes naues diuiserat. Ex iis Liburnicam vnam, seu biremim celerem, quæ remigio impelleretur, efficere conatus est: sed frustra, prærapida aquarum celeritate impeditus, quæ iis interdum locis torrentis instar decurrunt. Ergo decursum eum maris aduersum subiens atque ægre inde elutatus, hiberno videlicet tempore: vix tandem in Mantæ portum peruenit.

FORTE tum portum-veterem Franciscus Vlmeus cohortis vnus præsidio obtinebat: is audito Præsidis aduentu, cum Didaco Mendez aliisque ciuibus ad eum excipiendum obuiam egressis, ei ad mare occurrit. Ibi ab illis cognoscit quo in statu res Pizarri essent, & vt ab eo omnes prope ciuitates defecissent: vnde incredibili affectus lætitia, postquam tamen Moralis, Emanuelis Statij trib. mil. aliorumque ciuium patratas cædes accepit, tali oratione eos increpuit: Vos, inquit, dum Regi seruire vos dicitis, per speciem obsequij & hominum cædes patratis & priuatas iniurias vlciscimini. Rex eiuscemodi obsequiis non eget.

*His multi
ob simulta-
tes multos
interfici-
unt, quibus
causam
partium
præcedunt.*

MOX inde digressus, breui Tombesiam appellit: tribunum mil. ad San- michaelis coloniam mittit, qui transfugas à Pizarro deficientes colligeret: Mercadilium trib. mil. à Bracomoriis arcessit. Breui quoque eius accitu Quito Salazar, Popaiano Sebastianus Venalcazar cum multis Hispanis venere. Exin nuncio accepto, Didacum Moram Cassiamalcæ esse cum valida manu, & omnibus ex locis ad partes iuuandas auxilia concurrere, Præses missis ad Nouæ Hispaniæ Presidem literis, remittere se illi cogendi supplementi laborem significauit, quippe eo opus non esse. Eodem exemplo ad nominis-dei, Nicaraguæ, & aliarum regionum Præfectos vnde auxilia exciuerat, scribit. Neque ex iis vllus venit, præter licentiatum Ramirem: is nauim vnam militibus & commeatu onustam ad Gascam adduxit.

INTEREA Gasca Inoiosam per montana cum maxima parte copiarum mittit, vt Hispanos qui Sausæ erant colligeret: ipse maritimo itinere Trugillium profectus de Centeni clade ibi nuncium accipit. Ex quo non mediocri dolore affectus, aliquandiu hæsitauit an vltius procederet. Donec trepidantem confirmarunt sui hortantes ne hac vna clade territus irritum inceptum omitteret: quippe ipsi ad profligandum hostem abunde superesse militum: adhuc hostilis exercitus maximam partem inuitam Pizarro seruire: simulque vt vexillum Regium conspexissent, ingratham militiam deserturos. Quibus ille monitis acquiescens, versusque in consilia belli Alphonsum Aluaradum ad

ad cohortes accipiendas quas Laurentius Aldana contraxerat, Limam delegat: exploratores multos cum Hispanos tum Indos ad itinera & consilia Pizarri speculanda præmittit.

INTENTO in hæc Gasca, Episcopus Cusensis & Alphonsus Mendoza, cum paucis victi exercitus reliquiis Trugillium superueniunt: & diuersa ex parte Didacus Mora Cassimalca: Petrus Inoiosa & alij duces aliis è locis suas eo quisque copias adducunt. Iam Præses circa se non spernendam manum ^{Gasca præparatus} mille & quingentos milites habebat. itaque quod supererat, arma inspicit, vehendis machinis carros instaurat, plures globos & pilas ferreas, hastas, & lanceas, fieri curat. Quibus perfectis, cum toto exercitu mouet: Indi sarcinas & commeatus humeris ferebant, iique longo versu vincti ne aufugerent: sub iniquo onerum pondere laborantes plerique agmen sequi non poterant: alios adeo vehemens sitis fatigatos exurebat, vt linquente spiritu humi corpora prosternerent. Ergo istos, quum alleuare se non possent, Hispani immaniter ^{Hispani} gladiis detruncabant: quorundam etiam, quibus catena collo inserta erat, ^{aduersus Indos} capita amputantes, ne videlicet in iis eximendis longiorem moram tererent, aut si funibus reuincti essent, costas & latera ferro transfigentes: nonnullos quoque cruribus, alios naso, quosdam lacertis, aliquos etiam cruribus amputatis, truncos & laceros abiiciebant: donec tandem Præses Sausam, Indi Guamangum peruenere.

PORRO iter facienti primum obuius fit Valdiuia, ad eius opem è Chilensi prouincia accurrens, ac post eum Centenus: sed quum Andagolianorum prouinciam ingressus esset, alimentorum inopia atq; insalubrium ciborum perniciosi succi (quippe exercitus Maizio duntaxat immature cocto, aut certe raptim tosto, vescebatur) tum etiam continui imbres & humidum terræ, per omnem fere exercitum morbos vulgauere: Donec Abancaia flumine transmissio, allata ab indigenis & finitimis populis cibaria, militem vtrumque refecere.

Eo loco quum interfissos ab hoste pontes omnes Præses cognouisset (iunguntur autem flumina earum regionum eiusmodi pontibus: Prælongas arborum virgas, eadem fere crassitudine qua perticæ salignæ apud nos sunt, simul connexas, moxque instar rudentum intortas, reticulato opere ab vtraque ripa deligant: ex his ita contexti ponticuli, quamuis non equiti, pediti tamen facilem transitum præbent) quum ergo eius formæ pontes abruptos nunciatum esset, eos Præses ab Indis reponi & instaurari iubet. Quibus incredibili celeritate relictis, Apurimā fluuium haud procul Cusco cum exercitu incolumi transmittit: præter paucos milites & equos, qui prærapida vi fluminis ablati & aquis hausti sunt. Inoiosa & Petrus Valdiuia quum in vltiorem ripam euassissent, cum LXX. tormentulariis editum collem, munitum natura & vtrisque opportunum, dum totus exercitus traducitur, occupant. Vix cum locum infederant, quum Ioānes Costa cum quinquaginta tormen-

tulariis ad eum capiendum Cusco egreditur. Sed ubi hostes in vertice conspexit, extemplo in urbem regressus Gubernatori, adesse hostes & à Præsidente transmitti flumen, renunciat. Ille cum nongentis Hispanis & multis Indis Cusco egressus, in conspectu hostium ad Saguifaguanam castra locat.

Gasca de Pizarro victoria. PRÆSES, traiecto fluuio, quum forte locum frigore ac gelu infestum, lignorum & commeatus inopem, insedisset, veritus ne sui ad Pizarrum transirent, cui cæ res abunde suppetebant, mature acie decernere instituit. Itaque bonam noctis partem in expediendis armis consumit: ac luce orta milites ingentium præmiorum spe ac promissis implet, quod sæpe dixerat etiam atque etiam inculcans: Irent fortes ac pugnam strenue capefferent: se qui omnia eorum causa vellet, bene meritos de se milites præmij expertes numquam passurum. Mox signis explicatis recta ire in hostem iubet. At Pizarri clades, à Cepeda cœpit. Quum enim eum ad angustias quasdam colli vicinas, quas hostis petiturus erat, occupandas præmisisset, ille repente ad Præsidentem transfugit, & post eum quinquaginta tormentularij transeunt. Ceteri destituti à fociis & subito pauore perterriti, abiicere arma, & qua quisque potuit, alij in castra Cæsaris, alij alio erumpere. Tum Inoiosa quantum niti poterat clamitans, hortatur suos instare perculsis, illi nullius rei magis quam prædandi memores, ad diripienda impedimenta vertuntur: minus tamen prædæ quam sperauerant ex hostium castris redactum est. Cæsareanorum vnus tantum Hispanis in acie cecidit: hostium quinque.

Pizarri in rebus deploratis magnanimitas. GONZALLVS Pizarrus ab omnibus præterquam à paucis legatis & tribunis mil. destitutus, ad Ioannem Costam conuersus, Nos vero, inquit, tribune, quid faciemus? Costa: quid superest, inquit, Illustriss. Gubernator, nisi vt exemplo Romanorum fortiter moriamur? Tum Pizarrus excipiens: Absit, absit, inquit, vt honore & opibus amissis, animam quoque perditum eam. Secundum hæc dicta forte Villam Vicentium prætereuntem conspiciens, sciscitatusque qui esset, postquam is respondit, se exercitus Cæsaris primum Tribunum esse (Sergentem-maiorem vulgo vocant) tum ipse, Et ego, inquit, male fortunatus Gonzallus Pizarrus sum. Inde ab eo ad Præsidentem deducitur: cultu in primis eo die notabili. Insigni & præualenti vehebatur equo, quem præfulgentes argenteis bullis phaleræ vndique adornabant: ipse munimentum corporis leue indutus, nitentem ex auro purissimo galeam, cristis & signo plurimis clarissimis smaragdis distincto decoram gerebat.

Gasca ad Pizarrum captum oratio. PRÆSES vero eum in conspectū adductum sic alloquutus est: Quam recte fecisse tibi videris, Gonzalle Pizarre, qui occupata Cæsaris prouincia aduersus eum arma sumseris, & vectigalia eius consumseris? Pizarrus. Meos redditus, inquit, consumsi, non Cæsaris: prouinciam vero mihi pro meo iure vt Gubernator possidere visus sum, quam videlicet ego ac fratres mei armis

armis subactam pro virili manu cepimus. Hoc responso audito, & Pizarro è conspectu amoueri iusso, Præses eius iudicium licentiato Ciancæ committit. Is vbi edita in reum crimina causamque cognouit, ei perduellionis ac proditionis noxam iudicat. Præses damnatum ad capitale supplicium postera die abduci iubet. Corpus Cusci humatum, caput Limam delatum est, & in foro, septo cancellis ferreis loco, pilæ lapidæ impositum. Hic Gonzalli Pizarri fuit exitus. Vegeto ac valenti corpore vir fuit: valetudine prospera, animi magni: auarior tamen quam liberalior, literarum plane imperitus, & facili in omnes credulitate.

Post in alios quoque noxios animaduersum. Caruaialem semiquadrantis horæ spatio ad caudam religatum per campum traxit equus: mox è patibulo suspensum in quatuor partes dissecuit carnifex. Quum ad supplicium traheretur, imperatorem suum Gonzallum Pizarrum crebro suspirans flagitabat. Pridie quam moreretur, quum eum Didacus Centenus forte inuisens ita compellasset, Dom. præfecte castrorum, inquit, vbi nunc sunt tui illi milites vngues? ita ei respondit, Mihi, inquit, erepti sunt in ipsa acie tanquam bellatori strenuo: sed tu vt vili & ignauo prostibulo ortus, è prælio fugisti. In eo viro sæuitia auaritiæ par fuit: & exiguo illo temporis spatio quo in Gonzalli Pizarri exercitu Præfecti castrorum munus obiit, amplius trecentos Hispanos occidit. (1) Quum aliquem suspenderet, sæpenumero ridens ei dicebat: Audiui te esse equitem: æquum est igitur eum tibi haberi honorem qui tuæ dignitati & nomini conueniat. En tibi aliquot arbores: ex iis quamcumque libuerit deligito: ea tibi à me fiet gratia vt ei quam optaueris suspendaris. Mox vbi miserum talibus sarcasmis aliisque eiusc. modi ludibriis eluserat, suspendi iubebat: assidue secum ad eius operis ministerium quatuor Numidas circumducens. Longum esset commemorare fœda omnia & crudelia facinora quæ iste passim edidit. Mortuo Caruaiale, Ioannes Costa & Ioannes de Torre alique vndecim Tribuni mil. suspensi sint: multi milites virgis cæsi & in Hispaniam ad triremes damnati, alij in Chilensem oram exfulatum missi, Valdiuiam eius prouinciæ Gubernatorem sequuti sunt.

I OCTOGINTA annorum tumerat Caruaial. Sub Gonsaluo Ferdinando, Imperatore celebri, stipendia fecerat. Bellator primus Rauennati prælio signifer: ceterum sæuitia adeo insignis vt de eo prouerbum vulgatum sit inter Hispanos: Crudelis vt Caruaial. In eo prælio quo victus est ad Guarinam Didacus Centenus à Pizarro, Ferdinandus Bacicaus, inclinatum ad Centenum victoriam cernens, nec transire aperte ausus, clanculum secessit: neque tamen adeo sefellit, quin eius rei certior fieret Caruaial. Ergo, fuso Centeno, Bacicaum corripiens: & Compatrem suum per ludibrium appellans, vt reuera erat, multa que alia in eum falsè iaciens, in patibulum egit. Adeone simplici quidem sæuitia in amico contentus fuit. Aug. Zarat. Hist. Peru libro 7. cap. tertio.

Gascars Peruanas componit. Milites promissis explere frustra conatur. Contrera fratres in eius pecunias inuolant. Ille recuperatis omnibus, in Hispaniam traicit.

CAPVT XVI.



Gasca duces de se benemeritos præmiis afficit, milites negligit.

VB L A T O partium duce Pizarro, Præses Cuscon ingressus, Hispanos omnes qui vasallos & subditos haberent, quosdam donis, plures promissis onustos, domum remisit: de strenua & fideli erga regem opera eorum gratias agens. Dein Gonzalli Pizarri aliorumque qui perduellionis damnati fuerant, ædes solo æquat, & arcis salem inspergit: mox Cusco excedens Purimam petit. Ibi cum Hieronymo Loaia Archiepiscopo Limensi & Petro Lopez scriba suo de assignandis agris diuidendisque inter colonos Indis vasallis, consilio habito: In oïosæ centum millia ducatorum annui redditus attribuit: Valdiuix paulominus: sed hic postea non diu vixit. Veneno sublatum fuisse ferebant. Ceterum Præsidentem in hæc præmia & annuos redditus amplius decies centena & quinquaginta ducatorum millia pluribus erogasse constat.

V E R V M vulgata eius diuisionis fama, multi milites, qui summis periculis ac sudoribus strenuam fidelemque operam Regi præbuerant, ac gaudio alacres haud ambigua spe mercedem laborum expectabant: vbi se solos indonatos & præmiorum expertes prætermitti videre, vehementer conqueri de Præsidente ac fremere aperte ceperunt. Mulcebant iratos benignis verbis ipse & Archiepiscopus quantum poterant: Sibi quidem non esse in præsentia dicentes, quod ultra largirentur: sed breui daturus operam vt omnes dignam meritis gratiam referrent. Sed illi dictis vsque adeo non placabantur, vt etiam vecordes seditiosis ac contumeliosis vocibus eos increpare & ferocissime obloqui auderent.

Militum Hisp. in Gasconiam false dicta.

E A R V M aliquot haud illepida exempla referam. Haud multis ab hinc annis Cordubæ Monacha erat (Magdalenam de Cruce appellabant) non tantum plebis opinione, sed Hispaniæ quoque procerum iudicio pro diua & fatidica vulgo habita. Quin ipse Cæsar expeditionem nullam fere aut inceptum aggrediebatur, vt ad eam velut ad oraculum non mitteret, rogaretque vt fuis pro se precibus rem Deo commendaret. Tandem aliquando fraude patefacta, compertum est sortilegam eam mulierem esse, eique cum diabolo familiarem consuetudinem intercedere. Eiuscemodi Magdalenam de Cruce ipsum Præsidentem esse, ei in os exprobrauit miles, eumque iniri à diabolo: Archiepiscopum videlicet iis ambagibus designans, quod Præses nihil sine eius consilio & sententia ageret.

A L I V S obiecit, astutior em eo vulpem cælo non tegi. Alius furens & exspes ei dixit, Se in quam remotissimas terras abire velle, vnde ne nomen quidem

dem Hispaniæ audiret. In hunc adeo exarsit Præses, ut nisi optimos præcato-
res habuisset, qui à Præsidente ei veniam exorassent, eum illico in patibulum a-
cturus fuerit: tum vero remissa vltima poena in Chilen relegauit. Quidam et-
iam miles ridens Præsidentem sic affatus est: Domine Præsidentem, date mihi, quæ-
so, de gratia birrettum illum quem vos habetis in capite. Tum Præses & ipse
renidens: Ecquid vis illo facere? inquit Miles: Volo comburere, ait, & redigere
in puluerem ad facienda maleficia: quandoquidem vos cum illo tot bonos
viros decepistis. Alij vulgo in eum iaciebant, Venisse eum ut veniam daret ty-
rannis, & fidos Regis seruos occideret. Nonnulli minaciter dicebant, Nisi da-
ret vnde viuerent, semet vltro vndecumque possent rapturos.

Hic tam præterturbatus rerum status eo tandem erupit, ut non pauci
coniuratione facta Inoiosam interficere, Præsidentem vinctum in Hispaniam
mittere, Cæsarem per litteras orare decernerent, ut sanctum atque innocen-
tem aliquem virum eo mitteret, qui agros & ditiones prouinciæ omnibus ut
quique meritis esset, de integro diuideret. Verum quum omnia foras ema-
nassent, captis consilij autoribus & in Hispaniam missis (in iis erat sacerdos
Cantaber, qui se eo bello operam nauantem Cæsari quadraginta millia du-
catorum consumsisse dicebat) ea tum quidem coniuratio in præsens repressa
est. Verum non multo post quam Præses Perusio in Hispaniam vela fecerat,
noua seditionis erupit. Octingenti exciti Hispani quendam Franciscum Ernandem
ducem & caput sibi imponunt: Petrum Inoiosam, Balthasarem Castellanum
equestrem ducem, fratrem eius, & Didacum Palominum obtruncant, & quoscumque
alios tribunos mil. & illustres viros adipisci potuere, qui primo Gonzalli Pizarri
partes sequuti ad Gascam defecerant. Sed is motus statim restinctus est, sub-
lato seditionis capite Ernande, quem noctu sui cum aliis aliquot tribunis
interfecere.

*Seditio mi-
litaris in
Peru.*

CETERVM Præses, nequid incommodi ab iratis pateretur metuens: tum
etiam ne contumelias & probra quis à militibus lacerabatur coram ipse au-
dire ac videre cogeretur: Purima relicta Limam concedit. Ibi Regiam curiam
& iuridicos magistratus constituit: prouinciæ statum composuit, quæque ad
eius regimen pertinerent descripsit. In primis edixit ut sacerdotes ac monachi
in singulos Indorum pagos tributum & Christianam fidem edocentes, falsas &
peruersas opiniones ex eorum animis euellerent. Hispanos omnes, qui sub-
iectos sibi vasallos & clientes haberent, omnium Indorum censum agere ius-
sit, & vniuscuiusque fortunarum recta æquaque æstimatione inita, pro cen-
su tributum modum describere. Ceterum in singulis quæ irent pagis missam
vnam Spiritus sancti (ut vocant) celebrari voluit, quem æstimatores orarent ut
diuina ipsius ope adiuti in censu peragendo sancte atque innocenter sese ge-
rerent.

*Gasca Edi-
dicta in Pe-
ru.*

SED eo demum perfecto, summæ tributum imperatæ Indi reclamauerunt:

H

Sibi

Sibi multo plus indici querentes quam pendere possent: maxima videlicet indigenarum parte vel assiduis bellis extincta, vel enecta laboribus, quibus ab Hispanis inclementius vexati essent. Edixit præterea ut Indici vassalli suis Senioribus seu patronis ex earum tantum rerum genere tributum penderent, quas tellus sua funderet. Quippe antehac Hispani aurum & argentum, quamuis deesset, ab illis flagitantes, ut quærent, tormentis urgebant: ac si qui forte, quum nec possiderent aurum, nec unde parare possent haberent, infiluas se abdiderant, Hispani eos veluti feras indagantes sagaci canum odoratu peruestigabant: multosque ita repertos efferati canes dilacerauere: ipsi vero, damnata vitæ spe, tantas æumnas suspendio finiebant. Vetuit præterea Præses ne in posterum Hispani Indos inuitos ad ferenda onera adigerent: quamquam in nonnullis prouinciis, præsertim in Quitensi, penuria iumentorum eos onerari permisit.

*Hispani saui-
tia exem-
plum.*

PORRO earum omnium rerum curam Archiepiscopo Limensi & quibusdam Dominicanis commisit: qui tum Hispanorum tum Indorum causis inspectis, ubi verum comperissent, pro sua prudentia de rebus statuerent. Ipse vero totus in accumulandis Cæsari pecuniis, Hispanos prouinciales omnes quibus agros & ditiones assignauerat, stipendiarios facit, pensione imposita quam Cæsari soluerent. Licentiatum Gamam in Quitensem prouinciam, Gabrielem de Roias diuersa parte in Potosiam Iudices assiduos cum Dominicanis aliquot monachis mittit, ac nominatim eis negotium dat ut peragrantes omnes eas terras, tum ab Hispanis colonis, tum ab Indis ipsis pecunias quantas maximas possent conquirent. Atque illi ad eam rem minime segnes, non ius aut verum in cognitionibus, sed solam opum magnitudinem, spectabant. Itaque passim specie iuris obiiciendo, Tu in Regem rebellaisti: tu Gonzallo Pizarro operam præbuiisti: tu euentum spectasti ut fortunæ tua consilia applicares: tu optasti ut vinceret & prouinciæ imperium occuparet: his, inquam, & aliis eiusmodi speciosis accusationum coloribus, ambo ingentem pecuniarum vim collegerunt. Inter hæc Gabriel de Roias in itinere subita morte extinguitur: ac plerique ferebant iusto Dei iudicio interceptum: & à Deo tandem exauditas esse diras, & maledictiones vulgo à miseris prouincialibus in acerbissimos illos exactores iactas: moxque istum horribilis cacodæmonis specie quibusdam Dominicanis monachis apparuisse.

*Gasca à Pe-
ru decedit.*

AT Præses, posteaquam quantam maximam potuit vim pecuniarum collegit: quæ decies centenum & quinquagenum millium Castellanorum summam æquabat, Propriæsidem in sui vicem licentiatum Ciancam relinquens, Lima decessit, & myoparonem Ioannis Caietani conscendens breui Panamam appulit: moxque inde statim Nomen-dei cum pecuniarum parte profectus, Quæstorem regium reliquam summam, quam primum posset, mittere ad se iubet.

B I D V O postquam inde decesserat (1) Rodericus Contreras eiusque frater, inconsulti iuuenes, Roderici Contrerae Gubernatoris Nicaraguæ, filij, cum centum octoginta militibus de improviso Panamam irrumpunt.

Isti fratrem Antonium Valdiuiesam illius prouinciæ episcopum interemerant, quod ad Cæsarem multa in ipsorum patrem scripsisset cui ob id abrogatum munus & erepta prouincia fuerat.

Contreras
fratres col-
lectas à
Gascape-
tuniis rã-
piunt.

Tum verò ingressi Panamam quadringenties millies amplius ducatorum auri inuolant: neglecto argento vt grauiore & minoris pretij. Nec ea præda contenti nonnulli milites, qui cum ad triremes à Præside damnati in Hispaniam mitterentur, naue vna rapta in Nicaraguam aufugerant: vindictæ cupidine ardentes, Nomen-dei quoque petere statuunt. Ergo diuiso trifariam excitu, Rodericus cum septuaginta quinque militibus terrestri itinere Nomen-dei contendit: frater eius cum totidem fociis secundo amne Chiagro defluens, eodem iter capeffit: ceteri ad præsidium nauium & partæ prædæ custodiam remanent.

V I X Panama egressi prædones erat, quum ciues manu facta cum centum & quinquaginta amplius mancipiis, abeuntes insequuti, primum eos assequuntur qui per Chiagram flumen delabebantur, eosq; adorti facillime fundunt. Mox alterum quoque adepti agmen, & illud profligant. Rodericus & monachus quidam cum quatuor aliis Hispanis in vicinas siluas se abdunt: nec deinceps quidquam de iis compertum est.

R O D E R I C I frater quum non compareret, diligentissime inter cæsorum cadauera quæsitus: ac reperto forte adolescentis cuiusdam corpore, quum illum ipsum vnus militum eius esse diceret, etsi lutulenta & confusa facie satis quis esset internosci non posset: quisquis tamen ille esset, auulsum corpori caput in medio Panamæ foro ferreis cancellis septo loco pilæ impositum est. Tres & triginta Hispani capti, labore ac vulneribus fessi reuinctis pone tergum ad ligneum cuneum manibus in urbem tracti sunt & in custodiam traditi. Eos ibi prætor quidam rerum capitalium, proprio motu, crudeliter pugionum ictibus confodit. Ceteri qui in nauibus erant, audita suorum clade, scaphis subito fugam capeffunt: sed breui omnibus captis, præcipui quique suspensi, ceteri ad triremes damnati sunt. Interea Præses, audito Contrerarum latrocinio, cum valida manu Nomen-dei aduersum eos egreditur: sed accepto in itinere de eorum clade nuncio, & receptis pecuniis, in urbem regressus, breui inde in Hispaniam traiecit (2.)

I Q V O tempore Petrus Arias Abulensis Nicaraguam prouinciam à se inuentam regebat, filiarum vnâ Roderico Contrera Segobiensi in matrimonium collocauit. Is morte Petri Ariæ prouinciam, Regis concessu, obtinuit, eamque tantisper rexit, quoad noua Curia in Gratia dei vrbe in Gattimala & Nicaraguæ confiniis, constituta est. Nam iuridici eius Adseffores, non tantum imperium Roderico

abrogarunt, sed & eum Indis, quos in ditione tum ipse tum filij eius habebant, eam Legum prescripto priuarunt. Is de iniuria sibi facta, ut putabat, questum ad Regem in Hispaniam nauigat. Sed Rex & Senatus Indici procures, quamquam multa preclare facta, meritaque tum sua tum soceri sui proferentem, repellunt & observationem latarum Legum sancientes, quod ab Adfessoribus iudicatum erat suo iudicio confirmant. Id ubi ad Fernandum & Petrum Contreras eius filios in Indiam allatum est, feroces iuuenes arcere eam contumeliam ferro, & quod iure nequuerant, vi extorquere statuunt. Et forte iam sua sponte & agris animis superueniunt ex Peru milites, Ioannes Bermeus alique contubernales, partim ex iis qui Gascam aduersus Pizarrum sequuti, nulla ab eo strenue nauata & opera premia acceperant: partim ex iis qui fracti Pizarri partibus, quas tutati erant, extra Peruanam prouinciae fines, Praesidis iussu, deportabantur. Illi, diuersis causis Gasca infensi, incendere adolescentes, hortari ut rem strenue capefferent: haud dubie, si ducentis aut trecentis militibus in naueis impositis, Peruanum aliquem portum tenuissent, fore ut quotquot Gasca ob nulla aut maligne reddita premia succenserent, in partes transirent. His ergo & aliis stimulat i illi, milites occulte contrahunt, arma conferunt, & capta accelerant. Porro quum eius prouinciae Episcopum in omnibus fere negotiis patri suo aduersatum fuisse meminissent, ultionem ab eo ordiri statuunt. Ergo die quadam ingressi ex composito milites Episcopi domum, quum tesserarum forte lusu sese oblectaret, hominem obtruncant. Inde nouo sanguine imbuta circumferentes arma, vexillum palam erigunt, & semet Libertatis vindicem exercitum nuncupant: mox raptis undecumque nauib; per Australe pelagus in Panamam vela dant. Aug. Zarat. Hist. Peru, lib. 7. cap. 2.

2 GASCA in Hispaniam reuersus, Valloleto in Germaniam ad Car. Caesarem transiit: ubi rebus a se gestis expositis, Palentiae episcopatu ab eo ornatus est.

Nauigationis à Panama in Peru ratio. Portu-veterensis prouinciae incolarum mores, superstitio pernicax, & nauigandi ratio.

CAPVT XVII.

E Panama
in Peru na-
uigantium
cursus.



PERU QUAM Peruanis rebus & falsis opinionibus quas ea gentes de nobis concepere, finem imponam: quo modo quoque cursu à Panama in hoc regnum nauigetur, exponere hic mihi consilium est. Ergo nauigaturi in Peruanas prouincias, fere inde à mense Ianuario vsque ad finem aprilis soluere consueverunt, quippe haec totius anni maxime idonea ad nauigandum eo tempestas est: ac tum aperta illa maria, aestate videlicet obtinente, & assidue Subsolano & Corospirantibus. Quae naues quacumque alia tempestate vela faciunt, ingenti maris saeuitia & periculis conflantur. Porro onustae naues Panama primum in Tabogam aut alias vicinas insulas aquatum decurrunt (quae Perlarum, id est vnionum, nominantur, ob repertam ibi ab Hispanis vnionum copiam)

copiam) mox in altum prouectę circiter centum & quinquaginta millia pass. versus occasum nauigant, flexo videlicet in eam partem cursu, propter rapidos aquarum æstus, qui torrentis instar perpetuo lapsu in Ortum decurrunt. Inde correcto cursu recta in Perusium tendunt.

Qvo tempore primum Panama eo nauigauī, nauis qua vehebar mense Iunio soluit. itaque quod ea hiberna tempestas illic esset, omnes fere vectores morbis impliciti sunt, quia naues quę ea maria nauigant constratę ac tectę non sunt, vt quę in Septentrionali vehuntur Oceano (id est, eo qui aduersam continentis Indicę partem alluit) itaque in illis sub dio morantes perpetuo verberari imbribus necesse est. Ad hunc modum nauigantes tandem ad Gorgonam insulam appulimus. Nauis-magister (Patronum vulgo vocāt) vbi se in eam deferri videt, Hęc, inquit, terra dæmonum est: quippe nulla toto eo itinere peior nauib. nec statio nec nauigatio occurrit. Tradidere nonnulli assidue in ea insula pluere: sed in eo falluntur. Octo quidem certe continuos anni menses, inter tonitruum fragores, & corusca fulgurum, adeo effusus ibi ruere imbres verum est, vt elementa ipsa inter se certare ac misceri videantur. Quum nos eam insulam attigimus, iam veris initium erat, quod ibi sub finem Maij incipit: itaque quod tempus in Panama hiemis est initium, id in illa altera regione ineuntis æstatis principium est.

Gorgonæ
insula.

Porro vicini continentis orę accolę auro abundant, & cacuminibus arborum mapalia sua, velut nidos, suspendunt. Eam oram, quia palustris & inequitabilis est, Hispani subigere nondum potuerunt. Caspar Andagoia quum ad Baiam, id est sinum San-matthęi esset, cum centum & quinquaginta militibus æstate populabundus eam prouinciam percurrerebat, tabulas sæpe ad protegendum militem aduersum incidentia circumferens. Quippe Indi strenue saxa, tragulas, ollas feruida aqua plenas, & quidquid fors in manus dederat, subeuntibus ingerebant. Hispani vero securibus arbores tandiu cedere, quoad & ipsę & superstructę domus ingenti fragore prociderent: interea tamē sæpe non inulti Barbari, nec nisi mutilatis aliquot Hispanis, interdum etiam elisis atq; obrutis, cadere. Tandem quod asperior ea esset regio, neque in tam informi omnis humani cultus solitudine alimēta exercitui expediri possent, Andagoia cum satis magna auri copia inde decessit: neque ea loca vllis Hispanis hodie habitantur.

Domus arboribus
superstructę.

Iam quia hi tractus maxima anni parte importunis quibusdam ventis ab Occasu vel à Meridie perflantur, tum etiam propter rapidos maris æstus & torrentes aquas, velut præcipiti alueo perpetuo decurrentes: necesse est quotidie vesperi actis in salo ancoris ad ea littora consistere: mox luce ortam à terra ventum sequi atque inde moliri. In quo sæpenumero vsuuenit, vt dum naues prouehi cogitant, in contrarium repulsę peractum iter relegere cogantur, ac totos interdū quindecim aut viginti dies circa promontoriū

unum hærere, sicuti nobis contigit. Quum enim caput S. Francisci in conspectu haberemus, centum triginta millibus pass. à Capite Passao distans (quod quidem caput in Portus-veteris finibus est) rati eum locum Indis habitari, ut quondam solebat, quotquot vectores in ea naui eramus, victus penuria (iam enim tertius mensis abierat ex quo Panama solueramus: & facile mercatores qui eadem naui vehebantur, nos miserrima fame contabescere potius passuros, quam vel bucceam panis elargituros, apparebat) consumtis igitur prope alimentis, terrestre iter capeßere decreuimus.

ERGO viginti quatuor eiusdem fortunæ socij in terram exponimur, & singulicū quatuor Maizij scutellis ignotum iter quo casus & error ferebant ingredimur. Peruenimus ad flumina, quibus Quisimix nomen est: quatuor sunt haud magno inter se spatio discreta: ea nos summis laborib. ac periculis, prægrandibus arborum ramis quæ in ripa forte rimantibus occurrebant, simul iunctis & colligatis insidentes, tandem superauius. Ceterum quum aqua falsa esset, æstu videlicet confundente dispares vndas (quippe stata vice exestuans mare non tantum his fluminibus sed & aliis quæ in eum Oceanum defluunt, mixtum subit, & xv. amplius millium spatio alucos inuehitur) ergo ut biberemus puteos fodere necesse erat.

TANDEM ad Caput Passaum peruenimus. Ibi Indos crematis tuguriis penitus se in sylvas abdidiße ut comperimus, in alterū promontorij latus transgressi, ad sinum Caraquam procedimus. Is sinus Aequinoctiali lineæ subiectus est. Ibi quo iremus incerti, quum neque in aduersam sinus partem trahere possemus, nec alimenta suppeterent, cancris & cereis quibusdam prunulis vescebamur, quibus cum parum carnis inesset, lignum seu os interius simul comedebamus: & aquam certe salubrem ex lacu exiguo, quem haud procul mari in siluis reperimus, bibebamus. Ibi xxii. dies morati quoad naui portum intraret, quum pro certo omnes haberent nos vel fame extinctos vel ab Indis mactatos esse: ubi à Nauarcho conspecti sumus, missa confestim scapha excepti, ea nocte in naui requieuius.

Portus-veteris colonia & prouincia.

POSTERA die egressus Portum-veterem petij. Id oppidum habitatum Hispanis viginti duas ferme domus ex arundine contextas & palea tectas continet. Ea prouincia propemodum in vastitatem & solitudinem redacta est: indigenæ sinaragdorū copia olim abundabāt, & earum gemmarum feraces fodinas penes se occultas habent: neque hætenus tamen ullis tormentis adduci potuere, quamquam multis seuitia torquentium extinctis, ut locum Hispanis indicarent. Mihi tamen aliquando retulit Ioānis Dolmos trib. mil. dispensator quidam, Indicam mulierem ipsius concubinam locum illum ei edidiße: nec eum id postea euulgare voluisse, veritum ne Rex eas sibi fodinas attribueret. Multa quoque aurea & argentea vasa in supellectili quondam habebant: sed ea Hispani omnia conuasarunt: itaque hodie nihil Patronis suis seu

LIBER III.

seu Senioribus pendunt, nisi ex iis fructibus quos e sua terra percipiunt: unde fit vt pauci Hispani coloni eam oram inhabitent.

TRADIDERE nonnulli, eius prouinciæ indigenas foedos suos mores & falsæ religionis errores paulatim abiicere: neq; vltra falsorū suorum numinū responsis fidem addere, ex quo sacerdotum & monachorum opera sancti Euangelij vocem audierint. Ego vero, quamquam ita esse optauerim, Deumq; orem vt id propitius faxit, vere tamen testari possum, nullos adhuc neque sacerdotes neque monachos ad concionandum aut fidem nostram edocendum eos populos peragrasse. Quin ipsi quoque eam derident, palamque ac publice dicunt, se nolle Christianos esse, sceleribus videlicet & nequitia nostra deterritos. Ac quantumuis Præses Gasca edixisset, (vti supra memorauimus) vt in singulis earum gentium pagis sacerdotes & monachi manerent & erudiendis Indorum potissimum filiis operam darent: Hispani tamen huius coloniæ municipales, & aliarum præterea aliquot, vehementer reclamant. Quippe sacerdotem vnum quadringentos ducatos in stipendium annum petere: id vero pretium esse maius quam quantum omnes simul Indi Patronis suis tributū penderent.

Ac quia eo fere tempore Perusio excessi, quorsum res postea euaserit, nescio: sed dum in ea prouincia morarer, sæpe fallendi temporis gratia Indicos illos pagos tum maritimos tum mediterraneos perambulans, in eiusmodi quiddam incidi. Ingressus forte aliquando viculum quemdam ignobilem (Chiarapotum appellant) indigenas in fano solitis sacrificiis faciendis occupatos comperi. Quumque inter strepentium tympanorum sonitum patria quædam carmina canentes audiuissem, propius visendi cupidus, delubrum in eo. Sed vix pedem intuleram, quum sacerdotes, toto vultu iracundiam testante, propemodum mihi in faciem despuentes, festinanter me foras eiiciunt. Ibi vidi Idolum e creta tigridis effigie, ac duos pauones aliasque aues, quas suorum deorum sacrificiis dicatas habebant. Ibi præter hæc forte adolescens aliquis mactandus aderat (quomodo apud eos humanis victimis litare fas ac sollemne est) mihi tamen tunc videre non licuit.

ALIA quadam die vsuuenit mihi vt Picalancemam profectus, Indos eius pagi incolas compotantes deprehenderem: quumque propius accedens, per otium spectare vellem quomodo se largius potu inuitarent: quatuor repente ex illis minaci gradu ad me tendunt, & O Christiane, inquiunt, nebulo impure, perfide, faceffe propere e finibus nostris. Ergo quum præter has minas, simul illos in meum ensē manum iniicere velle animaduertērem, proripio me in fugam: & apud me constituo Indis numquam deinceps interuenire, qua die sollemnia sua agitent.

PRÆTER eos quos commemorauī, plures quoque perlustraui pagos, quales sunt Caua, Camulioua, Camuxioua, & alia earum gentium loca, quorum incolæ Indialiqui filios suos enecant, ne Hispanis seruiant. Pro certo refertur,

*Gom. Hifi
gen. Ind.
li. 4. c. 19.*

*Portu-ve
terensium
peruicax
supersticio.*

*Indi Chri-
stianos sa-
crificiis su-
is interesse
nolunt.*

*Manta op-
pidum.*

fertur, Mantæ regulos pulcherrimum & nobilissimum smaragdum habere, oui gallinæ magnitudine, quem inter præcipua numina colunt. Manta porro, oppidum ad mare situm, vna è præcipuis eius oræ vrbibus quondam erat: & priusquam Hispani eam prouinciā inirent, amplius duobus Indorum millibus habitabatur: quum ex tanto numero vix hodie forte quinquaginta supersint. Nec dispar solitudo in aliis eiusdem prouinciæ municipiis facta est. Quum aliquando Lupus Aiala ab huius ciuitatis Regulo peteret, an Christianus esse vellet: respondit ille, Se nescire, &, Faceret ipse vt visum esset. Ita Lupus Indum baptizari iubet, & Didacum nuncupat: sed ne ita quidem cicuratum Hispani cuiusquam contra os intuentem vumquam animaduerti. Eius subditi fœdis morib. bruti, spurci, masculæ veneri dediti & vitiis omnibus inquinati sunt.

*Peruen-
tes
inuiti Chri-
stianis
subeant.*

*Indi ne a-
quam qui-
dem libere
ferre, metu
Hispanorū
audent.*

PER omnem eius oræ longitudinem, Indi omnes eius maris accollæ aquam salubrem bibunt, quam è puteis manu factis hauriunt: & peregre ituri omnes cucurbitam ea aqua plenam efferunt: nisi qui forte Manta in Portum veterem iter faciunt. Quippe illi aquam putealem ferre negligunt, veriti ne in aliquem forte Hispanum incidant, qui eam eripiat & bibat: sed duo millia passuum in mediterranea progressi aquam quadam ex rupe manantem, nigram, spurcam & fœtidam, excipiunt: haud dubij nimirum talem Christianos non bibere.

*Gom. Hist.
gen. Ind.
lib. 5. cap.
215.*

EA regio calidi & humidi temperamenti est: itaque serenum ac purum cælum vix vumquam ibi conspicias. Ceruis, porcis, gallinisque ex earum genere quæ ab Hispania ad stirpem propagandam transfuētæ sunt, abundat: neque vlla in Indiæ parte melior ex Maizio panis fit quam illic. quamquam iis tamen non assentior qui panem illum triticeo anteponunt. Mellis præterea, sed acerbi, ac ceræ, sed ignobilis, neque admodum bonæ, satis ferax: peculiare quoddam fructuum genus habet (indigenæ *Papaie* vocant) ficuum specie, modicorum magnorumque quale nusquam in India, præterquam in eo regno, vidi. Arbor quæ illud pomum gignit, procera & gracilis: fructus sapore dulci est. Ibi etiam aliud ficuum genus exiguorum visitur (*Tunne* nominant) sed & illi aliis prouinciis, vt Nicarague, Guattimale & toti nouæ Hispaniæ regno, communes sunt.

*Postula
Peruen-
tes.*

CETERVM omnes in vniuersum Portus-veteris prouinciæ Indi fere pustulis quibusdam obnoxij sunt, seu verrucis: quæ è facie aliisque corporis partibus erumpentes, quum maximæ sunt, nucis iuglandis crassitudinem æquant. Id morbi genus & ipse expertus sum: nullo doloris cruciatu afficiunt, fœde sanguinæ, ac ne aliud quidem remedium desiderant quam vt maturitate expectata, tenui filo constrictæ abscindantur. Indigenæ eius gentis ora coloribus fucant: nares, labra, aures & genas perforant, ac festis suis diebus aurea monilia, vniones, iis foraminibus velut emblemata includunt. Quod
ad cul-

ad cultum attinet, maxima pars subuculis non manicatis vestiuntur: ceteri nudi, & sæpe totum corpus nigro fucantes, incedunt.

INDI vniuersæ illius maritimæ oræ accolæ piscatui in primis student. Lintres quibus tum ad piscandum tum ad nauigandum vtuntur, instar ratorium, <sup>Peruesum
lintrium
forma.</sup> tribus, quinque, septem, interdum etiam nouem aut vndecim tignis leuissimis iunctis, expansæ manus effigie, contextunt, ita vt medium tignum ceteris longius promineat: eosq; modo longiores, modo breuiiores fabricantur, ac pro longitudinis & latitudinis modo vela expandunt. Porro vbi per tranquillum eiusmodi rates diu remigio subegere, panem, fructus, aliaq; eiusmodi in mare, velut sacrificium, proliciunt: orantes vt prosperum ventum immittat: quippe se defessos esse, neque ad remigandum vires ultra sufficere.

Guancailichia regionis incolarum mores & cultus. Guainacana transitus.

Zarza-parilla herba. Chimbos mons.

CAPITULUM XIX.



PORTUS-VETERENSIS prouinciæ fines proxime Guancailiqui regio excipit, regni Peruani prouincia inferior. Eius oræ maritimæ primus pagus, Colonchi appellatur, S. Helenæ prominenti proximus. Eius pagi ac populi Principem sæpe vidi, annorum ferme sexaginta hominem. Digna certe Principe ei facies, corpus vegetum robustumque & prospera valetudine erat. Subucula non manicata, & rubro tincta, amictus, torquem ex auro purissimo, sextuplicato circa collum circulo, quasi maiores corallii surculi, aut baccae, crassitudine, gestabat, annulumque in digitis: illi quoque ex auribus perforatis baccae & aurea stalagmia pendebant. Sinisterioris brachij carpum pellucida gemma instar speculi, tuendæ oculorum aciei, exornabat.

Quo tempore Hispani primum eas terras ingressi sunt, principatum obtinebat in ea prouincia Regulus (Baltacho ei nomen erat) qui apud suos venerabilis non magis imperio quam autoritate ea loca regebat. iste nemini aduentum aut visentium assurgebat, præterquam Colonchio illi principi, de quo ante dixi. Attamen iste Cacicus nulla vnquam adduci persuasione potuit, vt Legem Dei vellet audire. Eum aliquando Patronus suus me præsentem, <sup>Peruenses
reguli à
Christ. religionem
abhorrent.</sup> ita alloquutus est: Colonchie, inquit, volo vt Christianus fias: at ille abnuens: Domine, inquit, iam mihi prope acta est ætas, neque idonea, vt Christianus fiam: at filios meos potius, vt voles, cape, & eos quidquid visum fuerit edoce: quippe illi munia ministeriaque moris tui facillime obire assuescent: me vero id ætatis maiorum meorum legem & instituta relinquere non iuuat.

Eius prouinciæ homines è superiore maxilla quinque aut sex dentes excutere solent: ac si causam quæsiueris, id elegantiae se causa facere respondent. Subucula non manicata, vt Portus-veteris indigenæ, amiciuntur. Pudenda fa-

da fascia bombycina velant, cuius extremæ vittæ ad talos vsque demissæ, instar equinæ caudæ ab tergo dependent. Feminae præcinctorio aut castula, nodo reuincta & ad medium crus demissa, integuntur. Eius prouinciæ populi Hispanis in vrbe Guaiacuil habitantibus seruiunt.

*Peruenses
culices in-
festi.*

EAM coloniam principio Hispani in planicie Chioni fluminis ripæ imposuerant, quadraginta millibus pass. procul mari. In illis autem regionibus immensæ quædam panduntur planicies, velut infinita camporum patentium superfusis aquis mersa æquora: tum densissimæ siluæ, cum incredibili copia crocodilorum. Adhæc octo anni mensibus tanta vis culicum eas terras infestat, vt mirer vltos incolas ibi posse viuere. Itaq; Hispanoseo loco manentes, vbi nox aduenerat, vt quiescere possent, vela & conopæa circum pandere necesse erat, quod & ipsi quoque Indi adhuc faciunt. Quamquam etiam illi cubilia sublimè quatuor scapis arūdineis firmissimis, leui tabulato, suspensa imponunt: & in hunc modum quiescunt, minus videlicet ita infestis culicibus.

*Guaiacuil
vrbs inun-
datio.*

*Gainacaua
transitus.*

ANNO vero M.D.XLVI. continuis imbris auētus fluuius ille non ingentem modo stragem dedit, sed totos circa campos & maximam regionis partem, illamque adeo ipsam vrbe, inundauit & obruit. Quare Hispani viginti millia passuum propius mare nouæ vrbi sedem deligunt, eamque ad ripam eiusdem fluminis colli imponunt. Is locus Transitus-Gainacauæ appellatur, tali de causâ. Gainacaua ducem quendam suum cum valido exercitu, ad subigendam eam prouinciam quondam miserat. Dux quum traducere exercitum decreuisset, indigenas transuersis tignis trabibusque iniectis, quomodo schediæ & rates compingi solent, fluminis transitum pōte iungere iubet. Perfecto opere, quum iam exercitus cum impedimentis transiret, hostes funibus abscissis pontem soluunt: multi in flumen se præcipitantes gurgitibus hauriuntur: ceteri interclusi à suis ab circumfuso hostium exercitu prope ad interuiccionem cæsi sunt.

*San-iacobum
colonia.*

GAINACAUA vbi suorum cladem accepit, magno contracto exercitu, Quito mouet, & ex illis montibus in plana degressus, eam gentem ingenti cæde perdomat. Post eam victoriam, iungendi aggere fluminis cupido eum incescit, vt pedestri transitu in vltiorem eius ripam tuto, quum visum esset, transcurreret. Iamque aggestis faxis & terra ingens moles iaci in alueum cœperat, & aggeris longitudo iam viginti & amplius passus impleuerat, quum Gainacaua propter latitudinem, altitudinem & rapiditatem fluminis quidquid ingerebatur absorbentis, incepto destitit. Hanc ob causam eum locum Hispani Gainacauæ-transitum nuncuparunt: vrbeque ibi à se conditam, San-iacobum, quæ ædificiorum & incolarum frequentia à Portus-veteris colonia nihil differt.

Eius fluminis ostio Puna insula obiecta est, & ea quidem in ditione Regis. Eius indigenæ, quomodo & fluminum accolæ & aliæ earum prouinciarum gentes,

gentes, quoad suppeditarunt vires, continua aduersum Hispanos gerentes bella multos interfecere. In iis, quum F. Vincentius de Valle-viridi, cum ^{Monachus primus Peruanus bellorum instigator digna opera praestitit refert.} XLII. Hispanis Didaci Almagri furorem fugiens, (quo tempore ille Franciscum Pizarro Marchionem interfecit) in eam insulam se abdidisset, nocte quadam Indi fustibus & clavis omnes ad vnum trucidarunt. Hic erat monachus ille, qui cum Attabaliba Cassiamalcæ colloquutus erat, quum is à Francisco Pizarro captus est (vti superius dictum est.) Eum Cæsar Episcopum Peruanæ prouinciæ designauerat.

In Puna & finibus Guaiacuil & Portus-veteris, herba quædam ramosa reperitur: foliis vt roboris, (i ^{Zarzaparillia, herba vtendæ ratio aduersus veneream litem.} Zarzaparilliam vocant) quæ venereæ contagioni & aliis morbis medetur. Ea nempe duobus silicibus trita expressus & percolatus succus, admisto aquæ calidæ modico, ægrotis bibendus porrigitur. Ij mox hausta eius potionis, quantam natura patitur, mensura loco calido compositi, quoad tolerare possunt exsulant. Eo medicamento tres aut quatuor dies, vt visum est, vtuntur: bis cocto tantum interea pane & pulli galinacei assi paululo videntes. Alij eius herbæ ramusculos duntaxat aqua incoquentes, ius eliciunt quod interdum bibant: & eo sorbitionis genere nonnulli duos tresve continuos menses vtuntur.

In prouincia Guaiacuil & aliis versis in Orientem regionibus, hiems mensis Nouembri incipiens vsque ad finem Aprilis durat. Maio veris initium est, Octobri exitus. In ora eius maritima, inde à Tumbez Austrum versus, adeo rari imbres sunt, vt vix triennij quadriennijve spatio paucis misere expressis pluuiæ guttis planities illæ aspergantur. itaque ibi partim ob nocturnos rores qui copiose cadunt, partim diurnis accolarum irrigationibus humentia facta adulescunt. Arenosæ quoque ibi planities iacent, in quas nunquam implit: in montibus contra octo mensibus anni pluit: nonnulli etiam obfusi niuibz & perpetuo rigentes gelu conspiciuntur. Aestate venti quidam assidue à Meridie incolis noxij infestique admodum spirant.

Quum è Guaiacuil Quito iter facerem, Chimbon montem, in altitudinem ^{Chimbo mons altissimus.} XL. millium passeditum & omni prorsus humano cultu vacuum transgressus sum: quo in itinere, nisi Indus quidam pauxillulo aquæ oblato mihi subuenisset, siti plane extinctus essem. Postquam tandem in verticem perueni, paulisper consistens, nouas illas & mirabiles terras subiectas oculis è sublimi tanta cum admiratione despexi, vt inusitata quædam, velut in somnis, visi species oculis meis oblata videretur.

In hac ingenti prouincia Quitensi, vt & in aliis nonnullis Peruani regni regionibus, quum plerique populi peculiare idioma habeant, vulgo tamen Cuscensis lingua in vsu est. Quum enim Inguæ (id est Peruani Reges) eas prouincias ditioni suæ adiecissent, edixere vt omnes Cuscensem linguam edicerent, eamque patres filios suos edocerent. Ex eo igitur illud idioma per

vniversas eas prouincias quæ eorum imperio subiectæ erant, promiscuo usu obtinuit.

1. EAM herbam ubi primum viderunt Hispani tum in noua Hispania, tum in prouincia Hondurensi, Zarza-parilla nomen ei indiderunt, ob cognationem quam cum Smilace aspera habet, quam Hispani Zarza-parillam vocant. Ceterum de variis huius exhibendæ & utendæ rationibus, copiose agit Nic. Monardus in lib. de simplic. India Occid. Medicamentis.

Peruanorum religio & ritus, Cultus. Pecora. Ebrietatis studium. Opificia. Vini apud Peruenſes summa caritas.

CAPVT XX.

Orandi ritus apud Peruanos.



Hægentes etsi cum dæmonibus colloquia misceant, (1) Solem tamen pro numine præcipuo habent. Ab eo beneficium aliquod petitori tum Principes, tum sacerdotes, mane, oriente eo suggestum quoddam editum, lapideum, conscendunt: ibique demisso capite stantes, complosis ac confricatis inuicem manibus, mox in cælum sublatis passisque ut si Solem ipsum amplecti vellent, certas quasdam preces concipiunt, petentes ab eo quibus indigent. Nunc vero etiam quum ab Hispanis vexantur, eos uti Solem adorant, precantes ut misericordia in se vtantur, neue ipsis noceant.

INGENTIA ibi delubra numinum, præsertim Solis, & immensæ opulentia erant: incrustati intus auro & argento parietes: multæ quoque sacris dicatæ virgines (Mamacone appellabantur) nulli operi præterquam nendis texendisque tantum ornamentis deorum vacabant. Humanis victimis litant, viros ac pueros mactantes, quorum tamen carnes non mandunt. Pecudes quoque, aues, & alia animalia immolant: & hostiarum fuso sanguine Idolorum ora & templorum portas inungunt. Quum dæmonis colloquium expectunt, aut seminare, aut aliud quid aggredi in animo habent, sacerdotes aliquot dies ieiunium sibi indicunt.

Sepeliendi ritus.

Immortalitas animæ apud Peruenſes credita.

MORTUOS regulos magnificis & ingentibus sepulchris inferunt, ac cum eis multum aurum argentumque elaboratum, formosissimas vxores & quas viuentes ipsi maxime dilexerunt, famulos, vestes, fruges, vinum & quæque alia carissima, simul defodiunt: ne videlicet eis cibis ac potus desit quoad in alterum mundum peruenerint. Quæ sepeliendi ratio in plerisque Indiæ regionibus vsurpatur. (2) Atque isti Immortalitatē animæ credunt. Eiuscemodi multa sepulchra ditissima Hispani reperere: pauca tamen illa præ iis quæ adhuc supersunt. Multos dies defunctos lugent.

Peruenſum cultus.

VIRI subucula ex lana aut bombyce non manicata vestiuntur, & pendentem nodo ex humero altero penula: nobiles caput fascia inuoluunt, & floccum è lana gestant, qui in sinistram aurem propendet. Ex herba quadam candida, cannabis

cannabis specie, calceos conficiunt. Feminae longa palla ab humeris ad talos usque promissa induta, & fascia quatuor digitos lata praecinctae (*Chiumbi* appellant) ad pectus acus aureas & argenteas affixas praeferunt, quas *Topi* nominant: ac superimpositum aliud breue amiculum gestant, quod *Liquida* appellatur: capillis quoque promissis & libere fluentibus conspicuae. Atque hic vestium mos & forma apud Cuscenses in usu est.

PEREGRE profecturi rubro quodam bitumine faciem oblinunt, aduersus ventos, herbamque ore clausam (*Cocam* ipsi appellant) velut panchrestum quoddam pharmacum circumferunt. Quippe eius praesidio freti integrum diem, nullius nec cibi nec potus egentes, iter faciunt. Atque hoc quidem herbae genus earum rerum, quibus mercaturam exercent, praecipuum est. Est & apud eos radice genus (*Pape* vocant) tuberum specie, sed exigui saporis. Abundare olim pecoris copia (id asini amplitudine, (3) specie prope cameli est) sed, ut ipsi referunt, non ita dudum tetra quaedam lues, lepra instar, armenta corripuens maximam partem extinxit. Verum multo peior lepra Hispani vniuersum prope id pecudum genus absumfere. Horum animalium caro ferinum quiddam sapit: eorum velleribus indigenae quondam vestiri abunde consueuerant: quae nunc in summa raritate carissima habent.

CETERVM eae gentes, sicuti omnes fere Noui illius orbis, summam voluptatem & praecipuum vitae praemium in crapula collocant. Itaque postquam multo mero incaluere, feminam quisque, quae prima collibuerit, amplexus libidinem explent, sublato prope omni matrum, filiarum aliarumque necessitudinum discrimine: & ipsi adeo Reguli ac proceres easdem sorores & coniuges in matrimonio habent. Panem nullum plane faciunt, excusso grano tantum cocto & tosto vescentes. Atque haec vna lex est, quam inter alias Gainacaua tulit: quum videlicet expeditione aliquam ingressurus, suos in pane faciendo occupatos esse nollet. Ergo etiam nunc eum morem obseruant.

ETVS Regni primaria quondam ciuitas Cusco, erat, Inguarum imperij caput: quae priscis temporibus longo abhinc aeo (ut indigenae memorant) a Magocappa condita est, primo eius stirpis rege. Cuius mox successores, amplificatis imperij sui finibus & multis gentibus subactis, leges iis suas moresque traderint, multaue passim aedificia, tum cultui deorum tum Regis vsumque destinata exstruxerint. Eorum parietes, leuissimo lapide, pumice aedificati sunt: straminibus & paleis integuntur: cuiusmodi ego aliis locis, maxime in provincia Quitensi, in Tumbambae finibus non minus sumtuosa & magnifica quam in Cusco vidi. Acquamquam plurima ab Hispanis diruta iaceant: multa tamen etiam nunc in militaribus viis visuntur (quae indigenae *Tambos* appellant) ex quorum semirutis maceris, qualis fuerit ingentium eorum aedificiorum fabrica facile colligi potest.

INTER alia Gainacauae monumenta, nobilissimum opus via strata,

complanatis ad æquum aliquot monticulis, adhuc spectatur. Quitensis istius prouinciæ aer temperatus & salubris est. Cuscentes reges plerumque ibi morabantur: multisque partibus aurificinas instituerant. Ac aurifabri quidem Indi, nullo ferreo instrumento vtentes, mirabilia opera, quamquam paulo rudius, non inscite tamen fabricabantur.

Aurificum Peruanorum opera. PORRO in hunc modum operantur. Primum aurum vel argentum fuscino longo aut rotundo iniiciunt: eum ex panno terra incrustato, & carbone contuso factum, moxque exsiccatum igni imponunt cum ea metalli copia quantam capere potest: mox quinque aut sex siphunculis arundineis tandiu circumflando incendunt, quoad liquefactum metallum omni excocta scoria, nitecat. Inde catino eductum aurifices humi sedentes, nigris quibusdam silicibus, apte ad id factis tamquā malleis, opus pariter inter se sortiti elaborant & ex eo faciunt, aut (vt magis proprie loquar) faciebāt prosperis suis rebus, quidquid iubebātur, puta diis dicatas statuas, vasa, monilia: pecudum etiam omniumque animalium quæ videre poterant simulacra effingentes.

Gem. hist. nat. lib. 4. QVOD ad res ex Hispania eo traductas attinet, frigida omnia ac temperata loca tritico fatis fida sunt, & in iis abunde prouenit. Ibi etiam vites aliquæ, sed parum feraces sunt. Dicunt nonnulli spem esse sibi fore vt breui vites in iis regionibus adulescant fiantque vina: imo vt fructus prope omnes Hispaniæ concessi, ibi quoque nascentur. Verum, etsi spem suam nemo illis tollit, irrita tamen erit, neque meo quidem iudicio, effectus quales illi sperant, vñquam apparebunt: quippe aeris temperamento & cæli positione nostræ plane contraria.

Peruana regiones alendis vitibus inopie. Adhæc quando in Noua-Hispania aliisque locis vbi melior mitiorque tellus est, quamquam confitis vitibus, vinum tamen non collegere: quanto minus in Peruanis prouinciis? Addo etiam Dei bonitatem brutis illis gentibus tam præstantem liquorem concedere noluisse: sed attribuisse tantum pro eorum captu habituque res ad tuendam vitam vtcumque necessarias.

Hispani qui colonias ibi posuere, Raphanorum, lactucarum, melonum, cucumerum, brassicarum, copiam habent. Limonum etiam & Aurantiorum, quamquā hi fructus non nisi loco calido nascuntur. Ficuum mediocriter. Pecoris propemodum inopia est, idque ob continua bella: & quum ibi essem, Limæ vacca vna centū ducatis æstimabatur: ouis quinquaginta & sexaginta.

Vini caritas apud Peruenfes. PERUVANI regni fertilissima prouincia Quito est: ea frumenti admodum ferax, magnam etiam vim porcorum & gallinarum, Hispanicæ sobolis, alit: insuper cuniculorum iucundissimi saporis ingenti copia semper abundans. Sed vini summa ibi caritas, nam in ipsa Quitensi vrbe, vt quum vilissime venditur, vini seria vna, duodecim circiter lagenarum capax (lagena seu bocalium, vt vocant, xxviii. vncias capit) quatuordecim aut quindecim ducatis aur eis valet: Limæ & aliis maritimis locis, duodecim: sed Potosiæ mediter-

anea

rauea vrbs est, quingentis amplius millibus pass. introrsus à mari retractioni vulgo LXX. & LXXX. ducatis venit. Ad eum modum ceteris locis, pro ratione ac situ regionis quo importatur, maius vel minus precium sortitur.

Atque hic noua sæpe interuenit calamitas. quum enim cadi, seu feriæ aut fidelæ, quib. vinū ab Hispania deportatur, fictiles sint, quum è loco in locum circumferuntur, plerumq; franguntur. Sæpenumero etiam, morantibus diutius nauibus, tãta iis locis vini penuria incidit, vt eiusmodi cadus vnus quadringentis, quingentis interdum, imo etiam mille, ducatis aureis ematur.

De eorum opinionibus nonnulla quæ ad hunc locū pertinent ex Hispanis scriptoribus attexam. Quum nullam certam, ex scripturis ullis aut litterarum monumentis, Creationis mundi aut diluuij notitiam habeant, quod à Patribus traditum per manus habent, memoria retinent. Nimirum insignem quendam virum (Con ipsi vocant) à Septentrione quondam in eas terras venisse mira pedum pernecitate, & nullis ossium fulturis aut neruorum vinculis compacto corpore: qui solo nutu montes in plana subsidere cogens & profunda vallium complanans, viam sibi per inuia faceret. Eum porro priscos earum terrarum homines & fœminas creasse: atque illis herbas & fructus siluestres, sustinendæ vitæ dedisse. Mox ab Indis plana incolentibus offensum, terras antea fertiles in arenas steriles vertisse, atque inhibuisse pluuias. Ex eo nihil aut raro apud eos pluisse. Misericordia tamen motum, ne squallida siccitate regio animantia respueret, fontes aperuisse & fluuios, quos accolæ rigantes riuis carperent. Hunc quondam, quum Solis & Lunæ filium ferrent, pro summo numine adorabant. Donec ab Austro successit alter, Pachacama nomine (id Creatorem apud eos sonat.) Sole & ipse ac Luna ortus, priore longe potentior. Cuius aduentu Con disparuisse: istum autem creatos à priore illo mortales, in aues, cercopithecos, ursos, leones, psitacos, & alias volucres mutasse: atque Indorum qui nunc eas terras obtinent maiores creasse: illosque terræ atque arborum culturam docuisse. Itaque ex eo hunc pro Deo ab illis habitum, templum & diuinos honores obtinuisse: & nuncupatam eius nomine provinciam, quatuor tantum à Lima leucis: ubi quondam eius Regni procures quum excederent vitæ, sepultura locum eligerent. Porro istum Pachacamam multas ætates durasse, ac tantisper dum Christiani Peruanum regnum iniuere. Ex eo nunquam deinceps esse visum. Credibile est demonem fuisse, qui talibus prestigiis miseris illas gentes deluderet, cui rei argumento est, quod ante Christianorum aduentum ex celebri illo Pachacama fano, velut publico oraculo, vulgo Responsa petebantur, quæ demon humana aut alia specie sacerdotibus, sacerdotes sciscitantibus, ederent.

CREDITUR præterea ab illis vulgo & adhuc narratur, ingentem priscis temporibus terrarum inundationem accidisse: eaque omnes submersos mortales præter paucos, qui altissimorum montium specubus abditæ, prouiso commeatu, & cauernarum faucibus obstructis, communem sortem effugerint. Porro eos, quum remissis imbres conicerent, emisisse duos canes: quos quum madentes & elutos recepissent,

pissent, inde iudicasse, nondum exire, omnia adhuc obtinentibus aquis, opportunum esse. Nox rursus emissos, quum cæno oblitos & sordidos regredi viderent, & subsedisse aquas, nihilque præter limum superesse, inde deprehenderent, tum demum è cauis erepere ausos, magnam vim serpentium offendisse, quas diluvio recenti lutulenta tellus ediderat, easque magno labore paulatim sustulisse. Ceterum mundum quoque interiturum perhibent, sed non prius quam ingens quadam siccitas & velut conflagratio aëris acciderit, qua Sol ipse & luna hauriantur. Itaque in eorum siderum, ac potissimum Solis, defectibus, vulgo lugubres clamores & planctus edunt, labi orbem & finem rerum adesse existimantes. Quanam, obsecro, hæc sunt sincerioris Theologiae vestigia, quæne adhuc quidem in tanta barbarie ex earum gentium animis delere Satan potuit.

2 In eorum exsequiis tum multa alia absurda erant, tum hoc maxime, quod aliquot sui liquoris (quem illi Cicha appellant) pocula in sepulchrum inuergentes, eum per calamum usque ad mortui os pertinentem, seu infundibulum, transmitterent. Ceterum non tantum Immortalitatis animæ, sed etiam Resurrectionis corporum sensum aliquem habere eas gentes tum sepulturae ritus indicat, tum quod vulgo Hispanis dicebant, quum illi eruendo auro & argento sepulchra aperirent. Quippe orabant eos, ne ossa humatorum dissiparent, quo videlicet illi ocius & minore negotio resurgerent. Aug. Zarat. Hist. Peru. lib. 1. cap. 12.

De Brasiliensibus quidem Barbaris ita scribit Lærius: Non modo, inquit, Immortalitatem animæ credunt: sed pro certo quoque habent, post mortem eorum animas qui virtutem coluerunt (virtutem autem illi definiunt suo more, nempe ultionem sumere de hostibus & quamplurimos mandere) post altissimos montes evolantes, patrum & auorum suorum animis aggregari, ibique in amoenissimis hortis perpetuis deliciis ac tripudiis latum ævum agere: ignavorum contra manes, qui sine ulla propugnanda patriæ cura in gloriæ vixerunt, abripi ab Aignan (sic illi cacodæmonem vocant) & cum eo sempiternos inter cruciatus vivere. Navig. Brasil. cap. 16.

3 Peruanæ oves instar camelorum (quos, si tubera demseris, specie prope referunt) magnis oneribus ferendis sufficiunt. Equitandi vero etiam usque eas ita assuefecerunt Hispani, ut duodecim aut quindecim miliarium spacium, equitem dorso gestantes in die conficiant. Itinere fatigata prosterunt se humi: actum fodiendo aut feriendo frustra impuleris: nunquam nisi onere levata surgunt. Pecus plane fructuosum, vel in escam, vel in usu vellerum, quibus optimis & tenuissimis vestiuntur, præsertim eas, quas illi Pacos vocant. Quippe & illæ parvo aluntur, & in summa laboris tolerantia, Maizio pasta, quatuor & quinque dies sine ullo potu facillime transigunt. August. Zarat. Histo. Peru. lib. 3. cap. 2.

4 Hæc statua, seu palatia, quæ Tambos vocant, Gainacaua, Attabaliba pater, ad ripas fluminum maxime, & in regis viis exstructa, non tantum comitatu, quantum exercitui alendo sufficeret, sed etiam armis, vestimentis, & omnium telorum genere tanta copia instruxerat, ut iis triginta millia hominum expedite vestiri

vestiri & armari possent. Ea autem crebris intervallis disposita, plerumque diei unius itinere, interdum octo aut decem leucarum, rarissime quindecim aut viginti, spatio discreta ab aliis alia erant. August. Zarat. Hist. Peru. lib. 1. cap. 14.

Peruani Christianos ex maris spuma concretos esse putant, Aurifodina exhausta. Colonia in Peru ab Hispanis condita.

CAPUT XXI.

MATVRVM iam mihi videtur falsas eas opiniones quas illæ gentes de nobis habent, expromere. Postquam ingressis Perusium Hispanis, mores eorum, facta & atrocia sæuitiæ exempla quæ passim ab iis edebantur, inspexere: nunquam ex eo non modo fieri voluerunt, nos esse Christianos filios Dei (sicuti ab Hispanis audiebant) sed ne ita quidem in lucem editos ut vulgo nasci homines solent. Quippe fieri non posse ut tam ferox & truculentum animal ab vlllo homine genitum & feminæ partu editum sit.

*Absurda
Peruano-
rum de
Christianis
opinio.*

Itaq; eorum animis penitus hæc infedit opinio, nos mari esse ortos: ac proinde nos *Viracochie* vocāt. quippe *Cochie* apud eos valet mare, & *Vira* spumā significat. Ergo nos è mari cōcretos & coalitos, spumaq; nutritos, vulgo ferūt: ac venisse in terras ad vastādum ac perdendum mundū. Neq; eam opinionem vllus, præter Deum omnipotentem, eorū animis euulserit. Nempe inter se ita ratiocinantur, Venti domus prosternunt, arbores frangunt: ignis eadem vrit: sed isti Viracochiæ omnia deuorant: terrā inuertunt, vim fluminibus afferunt, neq; vllum tempus remittunt: perpetuo irrequieti modo huc modo illuc vagantur, aurum & argentū insatiabiliter quærentes: mox vbi quæsiuere, alea cōsumunt, bella gerunt, mutuis cædibus se conficiunt, latrocinantur, blasphemant, Deum execrabiliter eiurant abnegantque: verū nunquam loquuntur, & nos nostris ditionibus & fortunis spoliauere. Deniq; Indi mare diris execrantur, quod tam sæuam & truculentam sobolem in terram immiserit.

*Barbari
Christia-
norū vitis
grauissime
arguunt.*

SÆPE varia eius regni loca perlustrans, si quem forte Indum obuium haberem, animi gratia, ut mentem eius nudarem, sciscitabar ex eo vbi hic aut ille Christianus maneret. Illi vero tantum abest ut responsum aliquod darent, ut ne in os quidem contra me intueri sustinerent. Verum simulac petieram vbi maneret Viracochie, confestim mihi respondebant. Pueri quidem eorum vix verbum vnum balbutire incipiunt, quum patres digito nostrum aliquem indicantes, En tibi, inquit, Viracochie.

PORRO quum in multis huius Regni pagis, nempe quia opulentum est, sacerdotes & monachi erudiendæ iuuentuti dent operā, utinam tamen bonum aliquem fructum edant. Neque hic omiserim quod in Quito à Flandro quodam monacho Franciscano audiui, cui Iodocus nomen erat. Is mihi retulit se in prouinciam Cagnariam profectum, exstructo ibi cœnobio, omnes eius

*Religio-
nis Christ.
contemptus
apud Per-
uanos ex
malis Hisp.
exemplis.*

gentis regulos & primores euocasse. Quum tres tantum ex iis venissent, luculentissimam apud eos orationem habuisse, vt qui linguam Cuscensem optime calleret, eisque quæ ad fidem nostram pertinerent, copiose exposuisse, fœdos simul eorum ritus & diabolicas ceremonias damnantem: mox postulatu eorum omnes baptizasse, atque ita domum reuersos.

VERVM vt vidit monachus eos ad sacrum in templū non venire, denuo homines adit, rogatq; vt in sancto proposito perseuerent. Donec ad extremū vbi vidit se operā ludere, nec fructus vllam esse spem, quum illi palam cum risu dicerent, res Viracochiorum sibi non conuenire, nec sibi tantum ab suis rebus esse otij vt templo frequētando vacare possent: (1) his, inquā, compertis, monachus 6. postquam eo venerat mense, Quito ad suum monasteriū reuersus est.

Ac quando in eum sermonem incidi, age libens ab Hispanis ipsis quæsiuerim, Si apud eos nulla vmquam antehac notitia, ac ne nomen quidem ipsum Sacri Euāgelij auditum, atque hoc tempore gens aliqua in Hispaniam ad promulgandam Christianam doctrinam commearet, quomodo ipsi in Indiam iuerunt: atque & ea ipsis suas fortunas, vxores & liberos eriperet, atque in ipsorum corpora tormentis cēdibusque sæuaret, ac pro mancipiis vēderet, multasque alias indignas iniurias in eos ederet: quæro quid ipsi essent facturi. Ego quidem non dubito quin ipsi non tantum capitali & perpetuo odio eam gentem prosequerentur, & in eam probra omnia & fœda iacerent: sed etiam atroces de ea, si possent, expeterent pœnas. Si hoc Hispani ipsi alteri genti facturi sint, quis miretur hunc in modum Indos Hispanis, si possint, vsuros?

IAM superius de immensa opulētia egi ab Hispanis reperta, quum primum hoc regnum subegerunt. Attamen vtcūque tantum inde opū exhauferint, Indii etiam nunc grandem lancem plenam Maizio tenentes, granū vnum ex omni aceruo eximunt, & Viracochiæ, inquiunt, hoc foras exportarunt: & illud (lancem intuentes) apud nos remansit. Itaq; illi ne tam ingēti gaza Hispani potirentur, partim proiecerunt in mare, partim defossas in terrā opes abdidere.

HISPANI præter hæc argenti & auri fodinas ditissimas aperuere, & argentearum quidem nobilissimæ sunt apud Potosienses. Non procul Cusco in flumine Caluaia auri purissimi ramenta inuenere: deinde in Quitoensi provincia auriferum aliud flumen, quod ab Hispanis San-barbara appellatur. Aurarias quoque in quibusdam montibus nacti, cuniculis per magna spatia actis & tellure ligneis columnis & fulturis suspensa, vsque adeo fodere, quoad aurariæ venæ finem inuenirent. Ac sæpe accidit vt fidentibus rimis fracti montes, & omnes operarios & Hispanos ipsos opprimerent. Aurum quod ex iis montibus eruitur, minutæ arenæ speciem habet: id, effossa terra, argenti viui ope colligunt quodè fluuiis tollitur, in grumos & grana tum exigua tum maiora discretum est. At nunc quidem omnes fere aurifodinæ exhaustæ sunt: argentariæ abunde quidem adhuc suppeditant, sed non ea copia qua pri-

Potosienses
fodina.

Hispano-
rum in ex-
hauriendis
fodinis la-
bor.

qua primum. Neque enim tantæ magnitudinis vllus mons est, quem, si semper inde tollas ac nihil reponas, aliquando non exhauseris.

COLONIÆ ab Hispanis in eo regno conditæ hæ sunt: Lima, Arequipa, Cusco, Neapolis, Argyropolis, Trugillium, Guanucum, Chiachiapoi, ^{Colonia} ^{Hispanica} ^{in Peru.} Quito, San-michael, & Portus-vetus. Earum amplissima Lima est, quadringentis & quinquaginta circiter focus habitata: ceterarum aliæ viginti, aliæ triginta, quædam quadraginta, nonnullæ quinquaginta, aliquæ octoginta domus continent. Denique sic statuo atque affirmo, omniū earum vrbium, quotquot Hispani in ea India condiderunt: (quas illi amplius trecentis esse iactant) etiamsi in vnum aceruum conferantur, non tot esse ciues ac municipes, quot vel vnius suburbij Mediolanensis extra portam Comasinam olim esse meminimus. Nam florentibus illius vrbis rebus, ex solo eo suburbio xii. amplius millia hominum, exceptis senibus, emitti solebant: at in India Occidentali, annumeratis etiam senibus ac pueris, lustro facto nunquam amplius xiiii. aut xv. millibus capitum reperta esse constat.

Is Christ. religionis contemptus in Barbaris nulli verius causæ quam Hispanorum sceleribus & flagitiis assignari debet. Nam alioqui non plane indociles neque à pietate alieni sunt. Id vnius rei documento, quod ex Lerio nostro sumam, demonstrasse sufficiet. Is enim Americ. Hist. cap. 16. narrat, Se aliquando cum tribus Barbaris Brasiliensibus iter per siluam facientem, noua arborum herbarumq. specie, simul canoro auium cōcentu, inuitatum ad prædicandas Dei laudes, totum Psalmum 104. alta voce cecinisse. Mox quæsiuisset vnum ex illis quidnam sibi vellet quod cecinisset. actum se copiose Prophetæ mentē & Psalmi sententiam exposuisse, Illos vero, ubi omnia hæc attente audiuiſſent, ingenti cum admiratione in exclamationem erupisse, OH quam vos Mair (sic illi Gallos appellant) felices estis, qui tot arcana sciatis, quæ nobis miseris occulta sunt! Ita nimirum cum aliquo fructu docentur Barbari, non libidinis & auaritiæ exemplis.

Peregrini à Gascaè Peru arcentur. Hispanicæ classis naufragium. Benzonis ex India Occid. in Hispaniam, atque inde in Italiam reditus.

CAPVT XII.

QUUM iam tertius ageretur annus ex quo in Perusium veneram, ac me, iam collectis aliquot ducatorum millibus, earum terrarum satietas & fastidium cepisset, reuerti in patriam constitui. Accessit eo etiam edictum Præsidis Gascaë, quo peregrinos omnes Perusio excedere iussit: quum videlicet à quibusdam Hispanis accepisset, Leuantinos (sic nimirum nos vocant) perfidos ac sæuos esse, ac multis Hispanis exitij causam fuisse. Ergo quum tunc in vrbe Guaiacuil essem, eoque forte acatium è Panama mercibus onustum appulisset, abire inde & patriam reuifere statui.

Ut primum, confectis ad quæ venerat, magistro navis abire vacuum fuit, nauim cōscendi viii. die Maij, anno M. D. L. soluimus & in portu Zalangi præsidem Gascam inuenimus. Is Panamā petebat, vnde in Hispaniam traiceret: ac tū quod solus nauigaret, Nauarchum nostrum comitem sibi ire iussit. Ille, quum Maizio nauem onerare vellet, Præsidem rogat, vt propter necessarios quosdam vsus ipsum ibi manere pateretur. Præses abit, nos tandiu in eo portu hæremus quoad onustum esset nauigium.

Mox inde soluentes, breui ad Mantam appellimus: sed ibi nauigium scopulo illisum fractumque mergitur: omnes vectores & nautæ cum maxima auri & argenti parte incolumes, ad terrā euadūt. Ea calamitas Naucleri seu piloti suæ artis nō satis periti inscitiae accepta est: is vero qui Panama catium deduxerat, substitit in Guaiaquil eiusmodi ob causam. Allatum forte erat per eos dies ab Hispanis Cæsaris edictum ac omnibus Indiæ partibus promulgatum, mulierum postulatu quæ viris iunctæ essent: Vt videlicet Præsides ac Gubernatores, viros qui in Hispania vxores haberent, in Hispaniam remitterent: aut iuberent eos de arcessendis eo vxoribus satagere. Ergo metuens Naucle-
Edictum de arcessendis vxoribus.
 rus ille ne Panama in Hispaniam remitteretur, nullius ibi fauore subnixus, quum eo reuerti nollet, in Perusio substitit.

Amisso vero, ita vt dixi, nauigio, expectare aliam traiciendi occasionem necesse nos fuit. Tandem quinquagesimo post hæc die, quum navis Lima veniens eo applicuisset, ei iungimur, & breui Panamam peruenimus. Ibi comperto Præsidem cum omnibus nauibus è Nomine-dei in Hispaniam vela fecisse, in Nicaraguam transgredior. Ibi graui ac diuturno morbo implicitus, ac vix tandē recepta valetudine, post quadriennium è Guattimala vbi tūc eram, ad Portū-caballorū me confero, quo naues ex Hispania appulisse acceperam.

CONSCENDO nauim, soluimus: sed quum iam haud procul Cuba essemus, sæua repente coorta procella nauim ad breuia illidit: nos, omni prope amissa pecunia quæ in naui erat, ægre in scapham transgressi, omnes tamen incolumes trigesimoquarto demum die summis cum laboribus & periculis portum Auanæ tenuimus: vbi classem Regiam reperturos nos sperabamus. Sed ea iam octiduo ante, summo ipsius præfecto Didaco quodam Caietano, in Hispaniam vela fecerat: atque eam quidem vix medio itinere atrox adorta tempestas miserabiliter afflixit. Ex duodeuiginti nauibus, tredecim fluctibus penitus hastæ sunt, (quarum vna vehebatur Clauissus Panamæ Gubernator, & duo Adseffores iuridici noui regni Granatæ, qui ob multa iniustitiæ & repetundarum crimina, Regis mandatu è prouincia in Hispaniam deportabantur) duæ quassatæ & semilaceræ ad Dominicæ insulæ littora eiectæ sunt. Tribus reliquis in Hispaniam abreptis, vna littoribus Portugalliæ illisa est: vectorum pars, amissa naui, ægre ad terram enauit: altera Calicium portum incolumis subiit: Prætoria, haud procul portu San-lu-
Classis Hispanica naufragiū.
 cari de

cari de Barrameda, cum ducentis ferme hominibus periit. Præfectus scaphæ præsidio cum parte nauticorum & concubina euasit.

Mox quum Hispalim venisset, iussu Regis in custodiam coniectus est. Obiciebatur, eo tempore ex India soluisse vt ei necesse esset hieme in Hispaniam appellere, littorum præsertim egressu ea tempestate periculosissimo. Itaque ipsius culpa tantam calamitatem esse acceptam. Ille vero culpam omnem in necessitatem transferens, se quum tantæ alendæ multitudini com meatu Auana expedire non posset, inde soluere esse coactum defendebat. Tandem hæc atque alia afferens emittitur, sed abrogato ei munere.

Ego interea Auana hærebam æger animi ac merens, idque duplici de causa. Primum quod fortunarum mearum partem in supradicta naui amiferam: deinde quod classem Regiam, cui me adiungere cogitabam, profectam comperissem. Verum tam funesti naufragij nuncio audito, Deum diuinamque eius gratiam laudaui, quod ei classi molienti me succedere non esset passus, haud dubie si id factum esset, cum aliis periturum. Tandem decimo postea mense classis Regia in Indiam appulit: moxque in Auana portu aggregatis quatuordecim nauibus cum modicis tum magnis, breui vela, Dei ope, in Hispaniam fecimus. Trigesimonono quam inde solueramus die, horribilem vnam tempestatem in eo cursu perpeSSI, insulam quandam Lusitaniæ (vulgo Maderam appellant) tenuimus, quæ iuxta Cosmographorum rationem ab Auana amplius iv. m. miliaribus distat.

Ben Zonis in Hispaniam, inde in patriam reuoluit.

MEDIO ferme itinere iacet exigua quædam & deserta insula, quæ ab Hispanis (1) Belmuda appellatur: sed eam neque nos in conspectu habuimus, neq; multi nautæ illac præternauigantes vident. Sumto in Madera pane, vino, aliisque com meatibus, vela damus: & octauum post diem, xiii. Septembris, m. d. lvi. San-lucari portum ingredimur, atque inde Hispalim procedimus. Ipse, simulac expeditis negotiis dimissus sum, Calicium portum peto: & onerariam nauim conscendens (Vrcam vulgo vocant) Genuamque bimestri nauigatione peruectus, & incredibili ex conspectu patriæ perfusus gaudio, breui Mediolanum peruenio.

Belmuda insula.

QUAM OBREM immensæ atque æternum laudandæ Maiestatî Dei, potentique eius, ac Seruatori nostro Iesu Christo, immortales gratias ago, quod concesso mihi hoc beneficio vt res adeo nouas, tamque à nobis diuersas ac remotas terras viderem, me ab innumeris periculis liberauerit: vt quoties præterita in memoriam reuoco, humanum vnum corpus tot tantisque malis tolerandis sufficere vix potuisse existimem.

Gratiarum actio pia.

1 HÆC Belmuda seu Bermuda insula, Garza etiam alio nomine dicitur: quod nauis, cui ea primum apparuit, Garza vocaretur: illius vero Magister, Ioannes Bermudez Palensis. Ad xxxiii. gradum in Septentrionem sita est: parua & deserta credita. Ouid. Hist. Ind. lib. 2. cap. 9.

BREVIS INSULARVM QVAE CANARIAE APPELLANTVR, ET RERVM
IN IIS MEMORABILIVM, DESCRIPTIO.

ARGVMENTVM.



Mnibus nauibus, quæ in Indiam Occid. cursum dirigunt, primã stationem præbent Canariæ, seu Fortunatæ insulæ, 200. leucarum, nonnullæ etiam 240. interuallo ab Hispania, à 27. ad 29. ab Aequinoctiali limite, in Septentrionẽ, gradum sitæ. Earum prisca nomina, Pluuialia, siue Ombrios, Capraria, Niuaria, Canaria, Iunonia, & eodem nomine proxima, sextantum veteribus cognitæ, hodie septem numerantur. Illæ post Iubæ & aliorum veterum inquisitionem, diu nostris hominibus ignotæ manserunt, donec Ioannis, secundi huius nominis, Castellæ regis, denuo, anno Domini 1405. aut (vt alij tradunt) Petri regis Aragoniæ, temporibus, anno 1334. Hispanorum nauigationibus aperte sunt, moxque (vt hic scribit Benzo) partim ab ipsis Hispanis, partim à Gallis subactæ.

Canaria insula septem. Indigena pauci supersunt. Quando & à quibus subacta. Earum feracitas.

CAPVT I.



QVANDO, Deo bene iuuante, finem tandem breuis huiusce meae Historiae assequutus sum, operae pretium facturus mihi videor, si quaedam de Canariis insulis memoria non indigna contexam. Hæ septem sunt: Gran-canaria videlicet, Teneriffe, Palma, ^{Canariæ seu Fortis nata insula, septem.} Gomera, Ferrum, seu Ferrea, Lanzarotta, & Forte-ventura. Eæ non magno interuallo inter se discretæ, ab ortu in occasum, continuo versu in ordinem porrectæ, xxvii. gradibus & dimidio ab Aequinoctiali linea ab-
sunt: Ab Hispaniæ promontorio Boldori nongentis & octoginta pass. millibus: ab Africa lxx. Perhibetur à veteribus nonnullis scriptoribus Fortunas esse dictas, quod omnibus quæ vita humana desiderat, iisque sponte genitis abundant. (i) Verum Solinus multo secius de iis scribens, plurimum istius fertilitatis famam eleuat.

PORRO veterum earum incolarum & indigenarum stirps hodie prope-
modum sublata est. Ego quidem vnum duntaxat in Palma insula vidi, annos ^{Canariæ indigena pauci.} ferme lxxx. natum: cui, quod è præcipuarum & veterum insulæ familiarum stirpe esset, Rex Hispaniæ certum annum stipendium in victum dabat. Quum mihi forte aliquando sermo cum isto esset, & ab eo mores atque instituta gentis cognoscere cuperem, nunquam à vino integrum vacuumque reperi. quippe eius potus dulcedine semel degustata, omnem voluptatem in ebrietate collocabat. Itaque ea de re nihil certi tradere possum, nisi forte pauca quædam quæ vel ipse vidi, vel ab Hispanis nonnullis magno conatu audiui. Sed priusquam id aggrediar, exponendum videtur quæ prima gens (vti à nonnullis scriptoribus proditum est) eas insulas subegerit.

IN Historiis Petri Aragoniæ regis, eius nominis iv. traditur anno m. ccc. xxxiiii. ad eum adiisse nobilem quemdam Hispanum (Ludouico Cerde nomen erat) virum bellicarum rerum artiumque peritissimum, qui quod ei ad-
huc omnia incepta prospere prouenissent, arroganter Principem Fortune, ^{A quibus primum subacta Canariæ.} sibimetipse cognomen fecerat. Is à Rege, vt eius autoritate atque auspiciis Canarias insulas subigere liceat, simulque auxilium petit: moxque impetratis ab eo pecuniis ad celoces duas armandas, classe instructa è Calicio portu soluit. Breui Gomeram tenet, ac centum & viginti milites in litus exponit. Sed vix egressos, Insulani feroces animis acriter impetu facto repellunt: maxima pars cæsi: ceteri trepida fuga compulsi ad naues partim eo nantes, alij scaphis raptim conscensis euasere: ac cum suo duce, qui Principatum Fortune se amisisse sero tandem agnoscebat, spe irrita mæsti in Hispaniam reuertuntur.

TRADUNT nonnulli missas è maiore Baleari naues aliquot ad subigendas eas insulas: sed omnia foede atque improspere euenisse. Proditum est ab aliis, anno M. CCC. XCIII. Hispalenses & Cantabros aliquot naues militibus, equis & commeatu ad eam expeditionem instruxisse. Hi quum classe perarmata ad Lanzarottam appulissent, exscensuque ad terram facto expedito agmine ad pugnam procederent, ne indigenas quidem incautos & solutos oppressere. Itaque multis horis acriter vtrimque pugnatum: tandem victores Hispani, plurimis hostium cæsis, multis captis, præda & spoliis onusti in Hispaniam reuerrere.

ALII eius rei gloriam Gallo tribuunt, Nobilem videlicet quemdam Gal-
Ventacur- lum, (2) Ventacurtium nomine, contractis ex castelli cuiusdam sui pretio pe-
l. m. Gal- cuniis classem tantæ expeditioni parem armasse, primumque eas insulas cœ-
lus Cana- pisse subigere. Is enim quum ad Gran-canariæ oram naues applicuisset, atq;
mas ren- indigenæ egredientē in litus vim aduenarum conspexissent, id protinus Baia-
nat. nori insulæ regulo renunciant. Is tristi accepto nuncio, haud cunctanter concitis popularibus quantam potest multitudinem colligit: moxque omnes è vicinis collibus ac tumulis ad litus descendentes ferociter in hostem incurrūt. Ac Galli quidem primo furentium Barbarorum impetu pulsi ac perterriti, ingens damnum acceperunt. Sed mox confirmatis animis effuse concitant equos, & multa cæde hostium inuecti, turbatos in fugam vertunt. Baianor prælio superatus, simulatque ex fuga sese recepit, statim ad ducem Gallum legatos de pace mittit. Qua benigne data, Ventacurtius, Reguli huius consensu arcem in insula coctili latere ædificat, eamque quinquaginta militum præsidio munit.

EXINDE cum reliquis suorum ceteras insulas ordine prælegens, Palmam aggreditur, qua paruo negotio subacta, breui quoque Gomeram in potestatem redigit. Has tres insulas ita perdomitas Alphonso comiti Nebulensi Hispano, magno pretio vendit, qui mox ceteras ditioni suæ adiecit. Ex quibus apparet iam multis abhinc annis has insulas Hispaniæ regno subiectas esse.

IAM quod ad mores eius gentis attinet & fertilitatem terræ quæ vel ipse vidi, vel ab aliis audiui (vti superius sum pollicitus) ea paucis exsequar. Primum ergo earum insularum maxima (Gran-canariam Hispani appellant) rotunda propemodum specie, cxxx. circiter millium pass. ambitu, urbem in planicie modica sitam haud procul mari Orientem versus, habet: quæ quum ibi essem, quadringentis circiter domibus habitabatur. Ibi Gubernatores & præfecti tum seculares, vt vocant, tum Ecclesiastici, manent. Nullus ante urbem portus, sed duobus ab ea millibus pass. Septentrionem versus, prope exiguum montem statio quædam est. Ibi naues ancoras iaciunt: quibus scilicet tutandis vicino in littore Hispani modicam arcem excitarunt: vbi tum tormenta quatuor ferrea erant, eaque situ ac rubigine obducta. Ac sæpenumero equidem

Gran-canaria descriptio.

equidem demiratus sum, quum Galli eodem ipso in littore naues aliquot ceperint, fatis validum ad impetus hostiles arcendos propugnaculum ab Hispanis non exstructum esse.

In ea insula magna fit sacchari copia, plurimique propterea mercatores eo negotiandi causa commeant, maxime Genuenses. Omnes arbores ex Hispania eo translatae, facile, praeter oleam, comprehenderunt. Ea quae Palma dicitur fructuum ubertate, maxime vini, imprimis insignis est. Itaque tantum ex illis vitibus provenit, ut non insulis modo vicinis vina suppeditent, sed etiam dent quae nauibus in Indiam, in Flandriam & Angliam portentur. Caprarum etiam & ouium greges ex insulae habent, ex quarum lacte caseum ingenti copia faciunt: cuniculorum vero vim prope innumeram. De ceteris, Teneriffe quoque & ipsa rebus ad victum necessariis abundat: sed tres illae priores palmam obtinent: reliquae, ut exiguae, inopes & ignobiles spernuntur.

Palma insulae descriptio.

1 POMPONIVS Melalib. 3. ca. 11. ita de iis scribit: Fortunatae insulae abundant sua sponte genitis, subinde aliis super aliis innascentibus nihil sollicitos alunt, beatius quam aliae urbes excultae. Idem prope Plutarchus in Sertorio. Solinus contra cap. 20. De harum nominibus (inquit) expectari magnum mirum reor, sed intra famam vocabuli res est, &c. Idque multo quam alij verius.

2 Ioannes Betancurtius, nobilis Gallus, Robini Bracamontij, Franciae, Admirantis, cognati sui gratia & interuentu, Anno M. CCCCXVII. eas insulas subigendi facultatem suis auspiciis & Regio titulo, à Rege Castellae obtinuit. Itaque venditis quaecumque in Gallia possidebat, classem armatam, & Gallos admistis Hispanis, ducens, in Canarias expeditionem suscepit. Habebat in comitatu monachum, Mendium nomine, qui, Martini V. Pontificis iussu, Barbaros Ethnicis superstitionibus deditos ad Christianismum verteret, & Episcopi titulo illis praesset. Betancurtius Lanzarottam, Forte-venturam, Gomeram, Ferrum & Palmam paruo labore in potestatem redigit. Gran-canaria potiri non potuit, x. millium armatorum exercitu Barbaris insulam propugnantibus. Inde eiectus in Lanzarottam se recipit: atque inde, exstructo latericio vel lapideo castello, subactas insulas regere & coloniis occupare instituit. Mox etiam, variis mercibus, quas ab eo acceptas Hispanae & Gallicae naues exportabant, puta mancipiis, melle, cera, coriis bubulis & hircinis, sebo, ficibus, aliisque, pecuniarum vim ingentem facere: donec multi fama opum quibus ex insula abundarent excitati, ad ceteras subigendas confluerent. Ceterum Betancurtius quatuor insularum imperium Menaldo, consanguineo cuidam suo, moriens reliquit. Posthac, iurgio forte inter hunc & Mendium Episcopum orto: Mendius aduersa multa de impotenti eius in Barbaros dominatu ad Regem Castellae scribit; Itaque cupere eos in Regis fide, ac ditione esse. Rex trium navium classem eo mittit, Petro Barba duce. Is dives & cautus, vim etiam adhibiturus si opus esset, Menaldo facile, ut eas sibi vendat, persuadet. Eas postea ipse Ferdinando

L Peraza,

Peraza, Hispalensi equiti, vendidit: aut ut alij tradunt, Alphonso comiti Nebulensi, qui eas aliis ditionibus cum Peraza permutauit. Peraza quidem, quocumque modo iis potitus, Regium nomen primus asciuit. Gom. Hist. gen. lib. 5. cap. 222.

Miraculum arboris in insula Ferro. Canariensium mores. Teneriffes insula mons.

C A P V T II.

Arbor perennes aquas exsudans.



Es poscere hic videtur, vt priusquam hunc de Canariis sermonem absoluam, memorandæ Arboris miraculum referam. In insula Ferro est: perennes aquas è foliis exsudans stillansque & quidem tanta copia vt nō incolis modo, sed etiam multo pluribus sufficere possit. Ea arbor mediocri magnitudine, nucis iuglandis folio, quamquam paulo maiore, muro circumlapideo septa, instar fontis, est: & eo cratere defluens aqua suscipitur. Arcanum equidem naturæ mirabile: non reperiri tota insula vllam aquam præter eam quæ ex illa arbore manat. Porro arborem perpetua ac densa nebula circumuestit: quæ tamen interdum vbi solis æstus flagrare incipit, paulatim discuti ac resolui videtur.

Arborem illam mulier Hispania producit.

PRINCIPIO, Hispanos eam insulam subigere aggressos, quum neq; fontes, nec puteos, nec flumina inuenirent, ingens admiratio stuporque incesserat. Quumque ab indigenis sciscitando exsequerentur, vnde aquam sibi pararent: illi pluuialem aquam in vasis collectam, reponere ad necessarios vsus se respondebant: arbore nimirum prius arundinibus, terra aliisque integumentis operta. quippe ita rati Hispanos, vbi aquam non reperissent, ex omni insula excessuros. Sed parum astus profuit. Nam insulana mulier Hispano cuidam, qui cum familiaris ei consuetudo intercesserat, arborem & arcanam vim eius aperuit: protinusque ille Hispanorum duci. At dux, qui rem tam inusitatam pro fabula duceret, risu temperare non potuit: mox tamen detecta arbore & rei certitudine comperta, omnes rei tam nouæ miraculo defixi obstupuere. Neq; mulier indicium impune tulit, siquidem primores insulæ proditum ab ea arcanum quum cognouissent, breui necem ei clanculum intulere.

Canariensium mores & cultus.

*Canar. pa-
cis.*

CETERVM hi fere Canarienses quondam idololatræ erant. Caprarum pellibus, quibus abundabant, amiciebantur: neque alias domus, quam subterraneos specus norant, eosque fere ad radices montium aut sub collibus positos. Quum nullum haberent animal præter capras, quæ nostris multo grandiores sunt, iis vice bouum ad colendos agros utebantur, & earum cornibus terram velut bipaliis fodiebant. Milium illis pro omni fruge erat, ex quo duorum lapidum attritu commolito panem faciebant, ab ipsis *Gofio* appellatum. Vinū è palmis, vt Aethiopes, moliebantur. Colore cutis prorsus tali sunt quali
errones

errones illi quos vulgo Aegyptios vocant. Earum insularum cælum calidius quam frigidius est, etiam si Tenerife montem erigat (2) *Picum Teyde* vulgo ^{Tenerife} ^{mons.} vocant) totius prope anni spatio opertum fidumque niuib. Quod quidem primum signum à mercatoribus ad eas insulas nauigantibus eminus conspicitur.

1 VULGO creditur ea esse, quam Plinius & Solinus Ombrion seu Pluvialiam vocant: sic dictam quod nulla in ea esset aqua nisi ex imbribus. De qua hac Plinij verba sunt lib. 6. cap. 32. Iuba de Fortunatis ita inquisiuit: Primam vocari Ombrion, nullis ædificiorum vestigiis: habere in montibus stagnum: arbores similes ferula, ex quibus aqua exprimatur: ex nigris amara, ex candidioribus potui iucunda. Hactenus ille. Quæ quidem non videntur admodum discrepare de iis quæ de ea Insula ab Hispanis explorata sunt. Quamquam illi nullo ibi nec stagno, nec lacu, nec fluuio, nec fonte inuento, solam eam salubrem & potui aptam aquam ex mirabili ea arbore stillantem compererint: & quidem tanta copia, ut non Insulanis modo eorumque armentis, sed etiam nauibus eo forte ad aquandū appellentibus sufficiat.

2 Mons hic in tantam altitudinem editus est, ut xv. ferme leucas ab imo ad summum verticem colligens, inde ab ducentorum quinquaginta miliarium Hispanicorum intervallo eminus conspiciatur. Eius ima siluæ & viridantia pascua vestiunt: media niues occupant: vertex nudus & sterilis fumos plerunque exhalat. Vulgo Galli nautæ eum Le pic de Tanariffe, appellant.

Cæterum Teneriffe ea creditur esse, quæ à veteribus Niuaría dicitur.



DE GALLORVM EXPEDITIONE IN FLORIDAM, ET CLADE AB HISPANIS

NON MINVS INIVSTE QVAM IMMANITER IPSIS

illata, Anno 1565. Breuis Historia.

CVI ADIVNCTVM EST, SVPPPLICIS LIBELLI

*Et querelæ, à viduis, liberis, cognatis Et amicis Gallorum, ab Hispanis
in Florida contra fas ac fidem casorum, ad Carolum I. x.*

Galliæ regem delatæ, exemplum.

A R G V M E N T V M.



Vnclibellum superioribus Benzoni libris adiunximus, tum quia eiusdem pene argumenti est, quum & rei in iisdem illis terris gestæ historiam, & Hispanicæ sæuitiæ insigne exemplum contineat: tum vt Hispanis ipsis speciosam illam laruam excuteremus, qua vulgo vti solēt. Non mirum esse videlicet, se aduersus Barbaros & Anthropophagos homines nihil humani præter speciem oris habentes, quorum immanitatem frustra per benignitatem & modestiam effugeris, sæuitia sæpius quæclementia esse vfos. Nam quid hic simile adferent? Expeditionem in Floridam suscipiunt Galli, idque Regis sui iussu: neque in alienam possessionem violenter irruunt. Etsi enim nullo iure Hispani latissimas illas in Occidente tum Insulas tum Indicæ continentis prouincias, nisi forte vmbatili Pontificis donatione, cuius ea non sunt, possident: ab illis tamen Galli, velut iusto titulo possessis, non vim duntaxat sed appulsum quoque abstinent: & iam Hispanis visam quidem, nullis tamen adhuc Hispanicis coloniis infessam oram, velut vacuam, occupant. Hic Hispani non contenti vi ex iis litoribus arcere Gallos, vt pedem in sua inferentes: non in armatos tantum in quos par periculum & ardor certaminis irritat, sed imbellem quoque inermemque in turbam pueros & foeminas plusquam beluina sæuitia debacchati sunt. Et hoc quidem per me occultum sepultumque maneret, nisi Hispani plura atque atrociora & pridem & hodie in Belgio perpetrarent, quam quæ apud Indos vnquam edidere.

A quo.



*A quo primum reperta & nuncupata sit Florida. Joannis Pontij, Ferdin.
Sotti & Hispanorum Monachorum infelices in eam expeditiones.*

CAPVT I.



VAM inclementer & parum humane Hispani victorias pacemque aduersum Indos Occidentales exercuerint, superiores libri abunde docuere: nunc vero etiam quomodo Gallos in Florida acceperint, breui narratu exsequar. Sed ante omnia quæ regio sit Florida, vbi sita, à quo primum reperta & tentata, exponendum est.

NON procul Hispaniola Boriquena insula est, quam hodie S. Ioannis de Portu-diuite appellant. Eius primus occupator ac Gubernator Ioannes Pontius Legionensis, pro certo habens fore vt ab Didaco Almirante & Prorege Indiæ, magni illius Christophori Columbi filio, æmulantium calumniis accenso, prouincia demoueretur, cedere inimicis statuit, & nouas sedes quære-
Florida flus, & quædo primus inuenta sit.

EODEM tempore de prodigioso quodam fonte fama increbuerat, cuius aquis epotis senes, exuta canicie, in iuuentam reuirescerent: neque eam fabulam cupidius sparserant Indi, quam crediderant nostri. Eam famam sequutus Pontius, dum circa eas insulas, fontem illum fabulosum querens, senescit potius quam repubescit, sex amplius menses irritò errore absumit. Tandem tamen diu vagatus nouam Indiæ continentis oram detegit, eamque partem ad quam forte ipso Resurrectionis die appulerat (quem vulgo Pascha floridum appellant) velut è re nata sumpto nomine, Floridam ipse nuncupat. Id terræ
Fons fabulosus.
Florida nuncupatio.

Ex ea noua terra reperta ingentes sibi diuitias despondens Pontius, breui ad S. Ioannis insulam regressus, mox inde Hispaniam petit. Ibi à Rege Catholico expositis quæ inuenerat, non magis meritorum respectu quam amicorum gratia, Biminensem & Floridensem præfecturam, Adelantadi titulo, obtinet. His auctus, in Boriquenam reuertitur: coloniæque in suam prouinciam deducendæ certus, milites scribit, classem comparat, multosque in eas res sumptus facit. Sed vix in Floridæ littus egressus, vrbe condendæ sedes quærebat, quum Barbari classe conspecta accurrunt, expediunt arcus & nimbo sagittarum Hispanos obruunt. Pontius ipse in turba, venenata sagitta
Pontius Floridam infeliciter tentat.

grauiter ictus, prælio excedere coactus est. Inde Cubam auctus, paulo post ex vulnere moritur. Neq; ipse tantum, sed multi quoque Hispani qui eius auspicia ad eam expeditionem sequuti fuerant, partim Indorum telis confixi, partim morbis & miseriis absumti sunt. Ita iam tum Florida inauspicato tentata, inuentoris sui cæde nobilitata est.

*Ferd. Sotti
in Floridâ
expeditio.
de qua sup.
lib. 2. ca. 13.*

Ex eo quum ob truces & bellicosos incolas vulgo infesta atque infamis haberetur, per diu intacta mansit. Donec tandem multis post annis Ferdinandus Sottus trib. mil. Attabalibę Peruani regis spoliis diues, & ex iam partis maiora concupiscens, eius prouinciæ subigendæ administrandæque potestatem à Cæsare petiit. Qua impetrata, cum multis Hispanis Floridam init: & omisso condendæ coloniae cura, in mediterranea progreditur. Inde incertis huc atque illuc errans sedibus vexare indigenas, & vni parandi auri curæ intentus, metalli eius fodinas quærere passim institit. Parem videlicet vbique esse terrarum felicitatem, qualem in Peruanâ prouincia nactus erat, credens aureos ibi montes opinionis errore finxerat. Ad extremum, quum non tantum Barbaros omni tormentorum genere, sed semetipsum quoque & socios cæca auri cupidine & irriti labore totos quinque annos fatigasset, & suorum spem ipse, & cum vita, destituit.

*Gom. Hist.
gener. lib. 1.
cap. 45.*

SED ne tristi quidem Sotti exemplo cæteri à simili incepto deterriti sunt. Siquidem anno M. D. XLIII. Floridæ in ditionem redigendæ multi decus petiere. In iis Iulianus Samanus & Petrus Ahumada. Verum neque Carolo Cæsari, qui tum in Germania erat, neque Philippo filio eius, qui præsens Hispaniam imperio regebat, ex Indici senatus consilio, mittere quemquam in eam prouinciâ cum imperio placuit.

ERANT tum forte in Hispania Dominici qui feroces illas gentes verbis magis cicurandas quam malo & armis exasperandas esse dicerent, quique se eas tum ad Christianam fidem, tum ad Cæsaris imperium accipiendum sola oratione adducturos profiterentur. Neque id facilius dictum quam creditum. Itaque anno M. D. XLIX. auspiciis & sumptibus Cæsaris mittuntur eo monachi F. Ludouicus Cancellus de Baluaastro Dominicanus & quatuor eiusdem ordinis.

*Dominici
in Floridâ
à Barbaris
trucidantur.*

APPELLVNT, exeunt de naui F. Ludouicus cum collegis & nauæ aliquot inermes (neq; enim doctrinam pacis præ se ferentes arma ostendere par erat.) Illis conspectis, protinus Indi non ad concionem, sed ad cædem aduolant. Mulcere alloquio Barbaros conabatur concionabundus monachus: sed verba fiebant apud furdos. Ergo nequicquam vociferantem inuadunt, & cum duobus collegis trucidant: cæteri quum forte Confessorum laudem inter suos quam martyrij palmam apud Barbaros consequi mallent, proripiunt sese in fugam & nauim repetunt.

AT Barbari (sicut postea ex adolescente quodam, Ferdinandi Sotti olim pedise-

pēdis quo, auditum est) in lætitiā atq; epulas versi saginatis monachorum carnibus opipare vescuntur, & detractas corporibus pelles, cutim etiam capitum in orbem attonsam, feralē tropæum, in delubro suo suspendunt.

Hæc igitur Florida est, de qua acturi sumus, inter cæteras Indiæ prouincias multis Hispanorum cladibus notissima: nunc vero etiam (vt ex sequenti Historia patebit) Gallorum.

Atque hæc quæ sequuntur, prope vsque ad finem, ex breui Gallice scripta Historia sumimus, cui præfixa epistola Nicolai cuiusdam Challusij Diepensis nomen præfert: qui è Florida regressus, suos & sociorum casus memoriæ prodidit. Hunc ergo potius quam nos, quæ cum aliis viderit & perpeffus sit, vt in Gallico illo scripto loquentem induximus.

Rex Gallia classem in Floridam mittit, cui Ioannem Rhibaldum legatum præficit. Prospera de Florida fama sparsa multos ad eam expeditionem inuitat. Apparatus classis Diepe fit. Multi metu inceptum deserunt. Retracti à fuga imponuntur in naues. Galli ab Anglis comiter accipiuntur.

CAPVT II.



AVLO ante ciuiles Galliæ tumultus Rex ex Principum & consilij sui sententia decreuerat in eam Indiæ oram, quæ Florida appellatur, nuperrime à Gallis animaduersam & cognitam, multarum nauium classem cum non spernenda manu mittere. Itaque composito primo ciuili Galliæ bello, paceque regio Edicto sancita, intermissa eius incepti mentio reuocata est. Moxq; in eius rei effectū Ioannes Ribaldus, vir magni animi consilijq; & longo rerum maritimarum vsu peritissimus, in aulam à Rege accitus milites scribere, & septem naues viris commeatibusq; instruere regiis auspiciis iubetur, eiq; ipse classi, Legati regij titulo, præficitur. Mandatum diserte erat vt recto cursu in Floridam nauigans, ab omnibus Hispanorum littoribus atque insulis, quæcunque in ditione Regis Hispaniæ essent, vim atque egressum abstineret.

VULGATA protinus eius expeditionis fama, multos vt illo Prætore & regiis auspiciis ire vellent, & se ei classi adiungerent, perpulit: sed propriæ quæque causæ & variij affectus trahebant. Alios cognoscendi orbis cupido accendebat, à qua nemo vnquam ingenuus abhorruit. quippe nauigationem plurimum ad id studium conferre. Alij recenti à bello adhuc calentes, nauigandi subire molestias quam conflictari prioris vitæ sordibus & ingrato labori malebant.

SED in primis stimulabat omnes secundus de Florida rumor per Galliam dispersus. Ei videlicet terræ omnium rerum, quibuscunque vita carere non debeat, copia abundanti, mitissimam etiam, vitalis ac perennis salubritatis

*Rex Gallia
in Floridā
classem mis-
sit.*

*Fama de
Florida,
multa vo-
na veris as-
fingit.*

tatis, cæli temperiem esse concessam. Quippe neque infesto rigore ac gelu Septemtrionis premi, neque nimio solis æstu exuri: sed salubri vtrunque mixtura, iniussos etiam agros sponte natis frugibus incolas alere. Quod si excolere etiam liberet, hominibus tantum gnauis atque industriis opus esse, qui natiuam soli eius vbertatem in humanos vsus labore & cultu elicerent: ita optimam terrarum fore.

Ipsam ab Austro in Septemtriones prope pari cum Europa longitudine porrectam, latitudine etiam $xxii$. fere gradus amplecti. quumque solis percussa radiis plurimum genitalis calor concipiat: eo tamen ita temperato vti non tantum rore ac frigore nocturno, sed lætis quoque ac mollibus pluuiis, vt è pingui cespite magnam vim herbidi graminis mirandam in altitudinem crescentis sua sponte tellus effundat. Adhæc auri omniumque animalium diuitiæ, spaciøsæ planicies, aprici colles montesque clementer editi: mira amnium fontiumque amœnitas, varietasque arborum gummi nobile & odoriferos succos exsudentium, prospera fama passim celebrabantur.

Apparatus Gallicæ classis Diepæ fit. ERGO talibus pollicitis multi inuitati, plerique etiam auara ditescendi spe, diuersis è partibus Diepam confluebant. Eo loco lustrari multitudinem conuenientium atque inspicere oportebat, vt ex omni numero, quos maxime ad eam expeditionem idoneos iudicasset, Regius legatus legeret. Segnius tamen quam pro nonnullorum studio tota res administrata & perfecta est: eorum maxime qui milites domi suæ exceperant, indignantium tam diu ignauos & immunes homines suis sumptibus alere, etiam si spe precij & splendidis promissis lactarentur.

QUATVOR menses & amplius otiose inambulantes in ea vrbe consumserunt: donec tandem fide data se Regi strenuam fidelemque operam nauaturos, in verba legati iurauere: simulque vt sacramento obligati fuerant, stipendium in sex menses accipiunt: cuius rei mox Prætor ipsam pœnituit. Quippe ineunte Maio, Anno M. D. L. xv. quum naues conscendentium numerum recognosci oporteret, multi eorum etiam qui stipendium acceperant, siue longitudine itineris, seu formidabili barbari elementi specie perterriti, mutato repente proposito, clanculum se subducunt. Ei desertioni vt mature obuiam iretur, ne latius exemplum serperet, conquisiti desertores atque à fuga retracti, seuere eodem ipso momento naues conscendere iubentur. Id x. die Maij factum est: nos tantisper dum pecorum & farinæ commeatus in naues in сало stantes imponitur, in ea statione vsque ad $xxii$. diem eiusdem mensis hæsimus. Multitudo eorum qui conscenderant, in quibus aliquot cum familiis suis opifices, trecentorum numerum efficiebat.

QUVM ibi commodum & imperium Legati regij simulque secundum ventum expectaremus, $xxii$. eius mensis venti repente vehementes vtrinq; ingruunt. Inde inhorrescens mare, & concitati ex alto fluctus ictuque contrario

trario inter se horribilem in modum arietantes, nautas quoque ipsos turbauerant. Ergo trepidi & ancipiti malo attoniti nihil opis inuenere, nisi ut incisis ancoralibus, amissis ancoris, nos ventorum arbitrio permitterent. Vehementissimus omnium Aparctias erat: is tanto impetu vela nostra ex alto percussit, ut protinus ad Portum-gratiæ (vulgò *Hauvre-de-grace*, Normaniæ portus est) volantibus similes deferremur. Ibi triduum morati, quoad missus à nobis Dieppam myoparo, nuncia inde referret; ab ea statione xxvi. eius mensis soluiimus.

Quv m rectà in Floridam cursum corripere cogitarem, aduerso protinus vento repulsi ad insulam, cui *Vvich* nomen, Anglicæ ditionis, deferimur. Ibi Angli de nostræ Expeditionis cōsilio cognoscere quum voluissent, postquam intellexere, se suaque nobis iuuandis benignè obtulerunt. Ibi à xxviii. eius mensis ad xiiii. Iunij quum naues in ancoris stetissent, ea ipsa die aspirante Aquilone secundo, sublati velis rectū in Floridam cursum capessimus, quam velut nouam Franciam appetebamus.

Totos duos menses Oceanum sulcauimus, priusquam Floridæ oram ullam aut vicinam aliquam ei terram in cōspectu haberemus, præterquam Antiliarum vnam (quam indigenæ *Vocationques*, Galli Magnam-lucasiam vocāt: nostrum aliquibus eam Catharinam, Regis ipsius matris nomine, nuncupare placuit) Eam xxvii. gradibus ab Aequinoctiali circulo in Septemtrionem distare ferunt. Ducentis etiam ab ea leucis in alto nauim quandam animaduertimus, sed ad quam non propius quàm quinque aut sex millibus pass. accessimus.

*Lucasiam
magna, y-
na ex Lu-
casi insu-
lis.*

Gallica classis in Floridam appellit. Floridensium cultus, mores, cibi, fruges, potus.

Crocodili & Alata serpentes. Florid. religio.

C A P V T III.

INDEM xiiii. Augusti Floridæ litora nobis sese aperuere, mox igne, quod Indi nobis signum dabant, eminus conspecto, phaselum ad explorandum terræ accessum mittimus. Is fluuium quendam exiguum speculatus, ostium ipsius inuehitur. Accurrentes ad litus aliquot Barbari nummos mercibus nostris permutant. Eam autem pecuniam sibi partam aiebant ex naui quadam quæ ab Antiliis reuertens carinam ibi vadis fixerat. Repertum quoque in eo litore Hispanum vnum, qui è naufragio ante viginti annos ibi facto euaserat, in nauim accepimus. Mox sciscitati ex eo, ecquid de Gallis audiisset & vbi sedes haberent, docemur: Nihil scire ipsum ea de re, nisi quod ab ipsis Barbaris didicisset. Gallos videlicet quinquaginta leucis Septemtrionem propius quàm quò appulissimus, consedisse.

*Hispanus
naufragus
à Gallis ex-
cipitur.*

M

ERGO

*Maij flu-
uius.*

*Delphino-
rū fluuius.*

*Carlinæ ca-
stellum Ca-
roli IX. no-
mine nun-
cupatum.*

*Floridenfi-
um indige-
narū habi-
tus & cul-
tus.*

ERG O inde retro oram præteruecti (quæ nobis depressa, & solo arenoso arbusculis confita: leni etiam neque admodum profundo æstu, qui ab Occasu brumali adlabitur, inundari visa est) medio fermè cursu flumen detegimus, quem Maij fluuium nostri antè nuncupauerant, vbi æstus quoque, ab Occasu solstitiali affluentes, modicè intumescunt: ac propter tenuitatem aquæ sidentes in vadis ancoræ facillimè conspici possunt. Sex quidem aut octo à litore millibus pass. non profundiorē quā sex aut septem vlnas aquæ altitudinem comperimus. In aliud præterea flumen nos incurrisse memini, inter Maium & Ayum fluuios, à Maio Septemtrionem versus quatuor millibus pass. distans: ad cuius os singulis noctibus iactis in profundum ancoris, octo aut nouem vlnas altitudinis arenamque interdum in fundo, nonnumquam calculosam terram, aliquando permistum limo vliginoso sabulum, reperiēbamus. Fluuij quoq; qui Delphinorum dicitur, iacta bolide altitudinē explorantes, duarum vlnarum esse in aluei faucibus cognouimus: quamquam ibi æstus quatuor super cubitis intumescit.

POST hæc commodum aliquem egressum in ea ora speculati, xxvii. Augusti statione in Maio flumini obiecta, quatuor à litore millibus pass. ancoras ad vii. aquæ altitudinis vlnas iacimus. Vigesima nona die eius mensis tribus minoribus nauigiis flumine aduerso subeūtes, recta ad Carlinæ Castellū tendimus. Id propugnaculum nostri paulo antè, vt perfugio ac præsidio Gallis eò appulsis esset, extruxerant, satis commodo atq; opportuno situ. quippe hinc alluēte fluuiio: ab altera parte vicina silua, campōq; inter siluam & munimentum interiecto, cui amœnus collis imminet, quē densa altāq; gramina omni ex parte vestiunt. Semita tātū vna adibatur silua, vnus passus latitudine, vix singulis peruia: quam nostri aperuerāt vt ad fontem qui in nemore erat, commearent. Postquam ad eum locum peruenimus, Prætor noster exportari ē nauibus cibaria ceterosq; commeatus ad recreandum præsidium iubet, nōsque opifices cum fœminis ac pueris eò cōcedere: negotio dato nobilibus viris Vllio, Bellocairo, & aliis, vt nos eò educerent, quibus etiam rerum quas in impedimentis preciosissimas habebat, custodiam cōmisit. Ceterum eos, qui in Castello erant non mediocri lætitia aduentus noster affecit. quippe anxios mæstosque, quōd iamdiu nihil ē Gallia audirent. Onerabat dolorē, quōd alimenta etiam defecerant, nisi fortè indigenarum, agrestium & barbarorum hominum, ritu viuere vellent: à quibus etiam nihil, nisi vi & rapto extorquere poterant, sicuti suo loco fusiūs dicemus.

SIMVLAC nobis quies concessa est, indigenarum speciem cōtemplari cōpi, quæ mihi satis liberalis & humana visa est. Quippe viris rectus & quadratus corporis habitus: natiuus cutis color in rubedinem vergit. Regulos esse illis & singulis præesse pagis accepi: corpus distinctum coloribus & maculis varium gerere, pro ornamento habent. Nullo vestitu, nec magis viri quā fœminæ, coluntur;

coluntur: nisi quòd illæ peplo aut plagula ex Ciofi alteriusve animalis pelle, Ciofi, animal Florid. quam nodus astringit, extremis fasciæ tæniis in sinistrum femur pendentibus, muliebria operiunt. Ceterum plenarotundaq; oris specie, nec simi neque chilonones sunt: truces vigentesq; oculi, promissa cæsaries, quam & concinnè circa caput colligunt: ita innexis comis, quoties bella ineunt, pharetræ illis vicem præbentibus. quippe ibi sagittas condunt, quibus mirum est, quàm procul, quamque certo ictu, destinata feriant.

QVOD ad mores attinet, foedi & flagitiosi sunt: liberos suos, neq; vlla domestica erudiunt disciplina, nec coercent: nec rapere, nec pro suo vti quòd rapere, ipsis religio vlla est. Attamen sua cuiq; vxor & seuera illic matrimonia sunt. Bella aduersus finitimas gentes, sed sermone dissonas, gerunt: tela illis præcipua, arcus & sagittæ. Domus ferè rotundæ vt columbaria nostratia, robustis impositæ arboribus & palmarum foliis contactæ, nec ventos, nec tempestates metuunt. Infestis tamē vexantur culicibus, quos ipsi *Maringones* vocant: neq; alia ope quàm crebro igni, maximè sub cubilibus accenso, ab eiusmodi pestibus se liberant. Acriter ea infecta pungere referunt, & corporis partem morfu ab iis appetitam in lepræ speciem verti. Nihil ferè preciosius aut elegantius ducunt, quàm versicolores auium pennas: pretiū etiam apud illos calculis, quos ex piscium ossibus faciunt, & rubris quibusdam ac viridibus lapillis.

CIBI eorū, radices, fructus, herbæ & varii generis pisces. Pinguissimo pisce vtuntur, quem exenteratum fumo durant: patria lingua *Bauquané* nominat: cuius exempto adipe pro butyro aut alio liquamine vtuntur. Frugū nostrarum nihil habent, sed Milij quoddam genus summa copia, quòd in septenūm pedum altitudinem crescēs, culmo arundineo, granum pisi crassitudine, spicam seu paniculam pedali longitudine fundit, recentis ceræ colore. Cuiusmodi omnes ferè tum insularum, tum cōtinentis Indiæ Occidentalis indigenæ vtuntur, & vulgò *Maiz* vocant in Hispaniola: Brasilienses verò *Anati*. Quum eo vesci libet, primū tritum in farinam soluunt, mox eo diluto mistoq; *Migan* suum (vt ipsi vocant) informant: id oryzae nostræ speciem refert. Protinus corrumpitur: itaq; quam recentissimum edi oportet. Siluestres labruscas magna copia ea tellus alit, quæ, vt multis Galliæ locis videre est, amplexu arborum innixæ fursum reptant: sed cultu mitescere, vinūq; reddere ab incolis non doceantur, neq; eius rei vsum ipsi norunt. Potum ex multiplici herbarum succo, ipsi sibi moliuntur: *Cassinet* appellant: Ceruiciæ fermè colorem refert, ac ne mihi quidem ipsi bibenti admodum abhorrenti gustu visus est.

REGIO mihi mōtasa ac siluosa visa est: inde ingens ferarum copia, quarum fœuitiæ ipsi indigenæ, nisi acri custodia semetsepian, obnoxios sepe se esse memorant. Iam mira multa de animalibus quæ ibi esse auditu tantū accepi, consultò prætereo. Ea exsequi satis habeo quæ mihi visu cōperta, & quæ nunc memoriæ prodātur, satis digna iudico. Crocodilos in primis plures vasto hia-

Ciofi, animal Florid.

Floridensis mores.

Floridensis fruges.

Labrusca apud Floridenses.

Floridensis potus.

Crocodili Florid.

tu ex arenis prædam captantes vidimus: in iis mortuum vnum, cuius caro tenera & candida, mihi sociisque vescentibus vitulinæ gustum referre visa est. Is tormētuli globo duas inter squamas adactō, cæsus fuerat: alioquin cute contra omnes ictus inuicta. Ore vasto hic erat, maxillis horribilem in modum inuerfis, pectinatim stipante se dentium serie: hiatu quidem adeo patenti, vt solidam iuuentam vorare posse videretur. Ceterum XII. aut XIII. pedes longus, breuiora crura quàm pro cetera corporis proportionē habebat, vnguibus sæuis armatus: cauda longa & valida, in qua præcipua eius vis roburque consistit. Nullam in eius ore linguam animaduerti, nisi fortè intra fauces lateret. Ore enim (vt dixi) ita prodigiosè distorto erat, vt superiorem maxillam inferioris loco positam haberet, foedum planè ac terribile visu spectaculum.

Alata serpens.

Floridenses non prorsus à pietate alieni.

ALATAM quoque serpentem, à nostrorum vno interfectam, non procul nemore, vidi: alis, vt videbatur, eatenus instructam vt tolli à terra posse, & demisse volitare, videretur. Eius defectum caput Barbari summa cura abstulerūt: rationem scire nō potui. Nostrū aliquibus opinio erat, id superstitione quadam à Barbaris fieri: neque quantum animaduvertere mihi licuit, plane religionis expertes sunt. Immò, quemadmodum signis & argumētis quibusdam deprehendi, eos nō tantum ad ciuilem aliquam morum honestatem, sed etiam ad pietatem, si Dominus cōcederet, assue fieri posse existimo. Quippe simulac ære campano in castello signum ad preces datum audiuerant, extemplo in vicinum campum concurrentes, sublati, vt nos in cælum manibus, attentionem aliquam ac reuerentiam præ se ferebant.

Hispanica classis ad Floridam appellit. Hispani Gallorum castellum de improviso adorti Gallos viros feminasq; promiscuè trucidant.

CAPVT IIII.

Hispana classis infesta Gallis perniciem molitur.

Gallica classis Hispanorum infesto perspecto animo, neq; sibi satis ad resistendum virium, sublati confestim dolonibus altū capeffunt.



INTEREA Prætor noster, iniūcti muneris haud immemor, propugnaculo muniendo intentus erat, vt incursionibus Barbarorum sustinendis par esset, si forte in nos impetum facerent. Verum vnde minime metuebatur periculum atrox ingruit. Nam XIII. Septembris, repente classi nostræ quinq; Hispanæ naues superueniunt, Prætoria quadringentorū, vt videbatur: scapha centū & quinquaginta doliorum capax: tribus dromonibus comitata. Ea classis ad eam ipsam stationem appellit, vbi quatuor nostræ naues in ancoris stabant, circiter horam nonam vespertinam. Noctu nostri in colloquium Hispanos euocant, petuntque quo animo quidve quærentes suis nauibus adeo propinqui steterint. Illi respōdent se Gallis pro hostibus vti, mutuūque inter eos bellum satis superque indictum esse. Nostri Hispanorum infesto perspecto animo, neq; sibi satis ad resistendum virium, sublati confestim dolonibus altū capeffunt.

Hispani

Hispani fugientes passis & ipsi velis insequuti, assequi tamen nequiuerunt. Itaque Delphinorum fluminis ostium inuecti, exscensum ibi facere statuunt. Mox cum Barbaris (vt ex euentu apparuit) confociatis de pernicie nostra consiliis, *Hispani cū Barbaris de Gallorū nece consilia sociant.* occultos militum globos, quantum satis ad rem patranda esse visum est, inde ab eo flumine emittunt. Sexcētos in armis fuisse expeditos, à Barbaris postea accepimus.

PAULO post, quum tres naues nostræ à fuga collectæ ad stationem reuersæ essent, (nam Prætoria, Trinitas ea vocabatur, paulo longius in altum prouecta à reliquis discesserat) Ioannes Ribaldus Prætor, tribus illis Hispanis ultro occurrere easque aggredi statuit: postquam utique ex Consilij sententia instructam in alto classem ostendere hosti, vt necessarium, decreuit, & se toto Oceano defendere, nisi nauium iacturam facere vellemus. Nostris enim militibus in terram expositis, facillimum hosti erat, naues præsidio vacuas, nullo impediēte occupare & iniecto vnco abducere: quod sine graui nostro incommodo accidere non poterat. quippe supremo erepto auxilio & sublata vnica ope, qua regem Galliæ de rerum nostrarum statu possemus certiores facere.

ITAQUE x. Septembris, hora tertia pomeridiana, Prætor lustrato & recensito exercitu, lectisque non iis modò militibus quos ipse nuper adduxerat, sed eorum quoque præcipuis qui Castellum præsidio antè obtinebant: in iis nominatim, legato, signifero, & præfecto-ordinum Laudunerij tribuni mil. omnesque ad strenuam Regi operam nauandam cohortatus, simul nauim conscendit. Is tribunus tum quòd iam diu nullum è Gallia nuncium acciperet, tum in summa commeatus angustia tædio victus, paulo ante aduentum nostrum inde excedere & reuerti cogitabat: parum interim sollicitus, nequid Barbaris iniuriæ à suis inferretur, quo eorum animi à Gallis alienarentur. *Galli Barbarorū animos ab se alienant.* Itaque illi tolerante ipso, vulgò indigenas vexare, & vi captos in castellum trahere: milium, ceterasque eorum fortunas agere ac ferre. denique omnia facere quæ necessitas impatiens legum iubebat. Quibus ex rebus ingens breui Barbarorum odium in nostros conflatum est. Ergo (vt coniciere ex euentu est) stimulante partim insita humanis ingeniis vlciscendi cupidine, partim protegendī corporis appetitu, omni animantium generi à natura tributo, perniciem nobis clam struere & occulta cum Hispano consilia inire, incipiunt.

VNDECIMA die Septemb. circiter octauam horam matutinā, quum iam nostræ naues haud procul Hispanis abessent, vehemens repente turbo exoritur, effuso imbre mistus, cum ingenti fragore celi tonitribusque & fulguribus præstinguentibus aciem oculorum, vt penè ipsum cælum continuo incendio ardere videretur. Turbatæ vtrique classes diuersæ abiere: tres nostræ naues demissis antennis procellæ vim declinare, Hispana Prætoria & scapha ventum sequi, coactæ sunt. ea tempestas, vsque ad xxiii. Septembris diem

tenuit. Interea Hispani in terram egressi satis ocij ad nostra exploranda habuerunt, eaque comparanda, quibus nos per dolum opprimerent. Neque eos fallabat, nos præcipuè classe pollere, eoque vires abductas ceteram multitudinem in castello relictam, imbellem numerum, partim ægrotis, nondum ex iactatione maritima recreatis, partim opificibus, foeminis ac pueris constare. Ducenta ferme & quadraginta capita ibi erant, Laudunerii tribu. mil. fidei ac tutelæ commissa: militare robur in nauibus: neque is, casus eius qui superuenit securus, vim ullam hostilem ab terra metuebat.

*Hispani
Gallos de
improviso
oppressos
fœdè iu-
gulant.*

At Hispanus incredibili celeritate, siluas, stagna, & flumina transgressus, ducibus Barbaris, xx. die Septembris improuiso aduenit, & paulo antè solis exortum, pluuioso admodum tempore, Castellum nullo resistente ingreditur. Plerique vigilum solutis manè excubiis, ad reficienda quiete corpora fœda totius noctis tempestate vexata, dilapsi erant. Hispani portula aperta irrum-pentes, sopitos vigiles in cubilibus suis obruncant: fœda inde trucidatio in castello fit: viri ac mulieres, ægroti & valentes, senes ac pueri promiscua cæde iugulantur. Quis immania eius diei facinora, quis stragem huic parem aut animo assequi queat, aut oratione complecti? At nostri interea tamen in tantis angustiis nō se deferere: qui maximè impigri erant, è stratis inter tumultum elapsi celeri fuga se in nauigia ad fluminis ripam religata proripiunt, quorum Prætor Iacobo Ribaldo, nauis vnius Præfecto (cui Perla nomen erat) & Ludouico Ballardo legato eius, custodiam commiserat. Alij repentino casu oppressi, vallum transiliunt: in iis Laudunerus tribunus mil. cum domestica ancilla illac erupit.

IPSE, vix è tugurio egressus, quum ad opus diurnum fabrilè scalprum gerens proficisceretur, in hostes incido: ac quum neque vlla nisi in fuga spes, neque vllum effugium nisi per vallum pateret, & iam iā tergo meo duo Hispani cum hasta & sarissa hærent: ibi repente, qua vi nescio, haud dubiè quidem diuinitus, geminatis in senili hoc meo & effæto corpore viribus, vallum nouem ferè pedes altum, quod ægrè aliàs per ocium reptando ascendere & sensim transgredi potuissem, expedito saltu supero, & in siluam accelero. Ab ea quum nō longius abesse viderer, quàm quantum telo adigi potest, respiciens & in castellum oculos retorquens, paulisper etiam in colle substiti, idque eo fidentius quod nemo mihi fugienti instaret. Ab eo loco facili in totum Castellum & inferius adeo hypæthrum prospectu, sæuientes Hispanos, & horribilem nostrorum lanienam video, tria; iam hostium vexilla munimētis imposita. Quamobrem omni de nostris spem amissa, collectis coniectisque in vnum Dominum sensibus, meam salutem eius gratiæ commendans, in siluam me proripio. Quippe nihilo immaniores feras experiri posse videbar, quàm hostes, quorū plusquam beluinam sæuitiam in nostros exundantem conspexeram.

*Hispanica
sæuitia ex-
emplū hor-
ribile.*

CETERVM horribiles illæ angustię, in quas coniectus nullā circā spem neq; viam

viam salutis in terris cernebam, nisi Dominus singulari quadam ope, & præter omnem opinionem, me ex tam præsentis periculo eriperet: erumpere in suspiria & flebiles voces cogebant, atque eiusmodi clamores, crebro singultu ac gemitu interruptos, ad Dominum edere: O D E V S patrum nostrorum, Deus misericors, qui te ex ipsis inferorum faucibus & media mortis abyssu inuocari à nobis iussisti, teq; nobis laborantibus certò adfuturum es pollicitus: quæso vt pro ea spe ac fiducia quam in te reposui, viam mihi aliquam ostendas, qua exitum tot malis, atque huic infelici meæ senectuti, in profundos dolorū gurgites demersæ, finem tandem inueniam. Saltem hoc vnum concedito, ne hinc ex ferarum rabie, illinc ex hostium tuorum nostrorūque fœuitia conceptus pavor, omnem ex animo meo fidem & certā de promissis tuis persuasionem excutiat. Illi nos magis propter sacrosanctum tuum nomē, quod inuocatum est super nos, quàm vllam aliā ob rem oderunt, Domine. Fer opem mihi Domine, fer opem. nam me tot vndiq; circumuallant mala, vt emergere nequeā.

D V M hæc mecum anxius agito, inuium interea saltum densisq; inter proceras arbores virgultis ac spinis, veluti perpetua sepe obiecta, contextum penetrans: vix semihoræ spacio processeram, quum ecce repente è proximo strepitus hominum lugubri eiulatu planctūque permixtus, ad aures meas peruenit. Ego, Dei auxilio fretus, progredior ac circumspectās, primū vnum è nostris nobilem, cui Blonderio nomen erat, reperio: neque longo ab eo intervallo alium, quem D. Robertum vocabant, nobis omnibus facile notum, quod ei precum in castello concipiendarum cura commissa esset. Mox etiam in Vlli nobilis viri pedisequum, D. Belli nepotem, Iacobum Tuscanum, & multos alios vno agmine, incidimus. ibi collecti & communem miseriam deflentes, quid facto opus esset vt saluti cōsuleremus, vnā deliberamus. Tum nostrū vnus, quem vulgò omnes in Sacrarum litterarum lectione plurimū versatum atque exercitatum iudicabant, hunc ferè in modum disseruit:

E X T R E M V M hoc miseriæ est, Fratres: quocumq; conuertimus oculos, nihil præter immanem barbariem cernimus: cælum, terra, mare, siluæ, homines, omnia nobis aduersa atq; infesta sunt. Iuuat tamen humanam misericordiam experiri. Ecquid scimus num fortè Hispanus, si nos eius fidei ac clementiæ permittimus, deditis ac supplicibus parcat? Interficiat nos: brevis in morte dolor, harum etiam calamitatum finem afferet. Homines sunt: neque extra spem est, quin furore placato nos in deditionem accipiāt. Nam quæ alia salutis via aut ratio nobis superest? Nō præstat subire manus hominum, quàm aut hic lacerari ferarū vnguibus aut miserima fame tabescere? Ille ita loquutus est. & maior pars, consiliū approbās, in eam sententiā ibat: me frustra dissuadēte, & cruetas adhuc ab recenti victoria hostiū manus subiiciēte. Neq; verò eos propter cōmunes regū ac populorū discordias, aut humana certamina, tā impotenti rabie sequiisse: sed ob id maximè quòd intellexerint nos ex eorū numero esse

qui

*Errantes in
solitudine,
clamant ad
Dominum:
& de argu
stis eorum
eripit eos.
Psal. 107.*

*Hispani ob
religionem
pro Gallas
oderunt.*

qui Euangelio nomen dederint. Non pudere nos in homines potius quàm in Deum coniicere oculos? qui suorum vitam vel in media morte incolumem præstat, iisque fere, quoties terrena subsidia deficiunt, & humanæ spei locus nullus est, salutarem manum è cælis porrigit. Simul in eam sententiam petita è Scripturis exempla adferebam, Iosephi, Danielis, Eliæ, & aliorum Prophetarum: Apostolorum etiam, in iis Petri & Pauli, qui extraordinariis, & humanæ rationi incognitis modis, periculis crepti sunt. An breuior aut imbecillior nunc, est (aiebam) Dei manus quàm olim fuit? Non meminimus exitus Israelitarum ex Aegypto, quum à Pharaone fugerent? Quæ spes erat populo, vt tam potentis tyranni manus effugeret? Ipse à tergo fugientium vestigiis hærens: mare à fronte, vtrumque latus prærupti montes claudebant. Itaque qui tum mare diuidens, quibus nullæ ad resistendum vires, ac ne effugium quidem patebat, hinc à fronte, hinc ab tergo, inclusis, iis per medios fluctus nouum iter aperuit, non potest idem per inuios ignotæ huius terræ saltus nos in tutum locum deducere?

Eorum qui
hominū fi-
dei quā Dei
providētia
se credere
malūt, tri-
stis exitus.

Hæc & talia quamuis dicerem, sex tamē ex omni numero minimē assensu, deserunt nos, ac sperantes se aliquid gratiæ apud hostes inuenturos, ad eos se conferunt. Verum mox tristi experientia didicere, quàm parum prudenter sibi consulant, qui plus fidei in hominibus quàm in Dei promissis ponunt. Vix enim silua egressi per cliuum ad castellum descendebant: quum ab circumfusi protinus Hispanis capti, ceterorum exemplo iugulati sunt, & ad ripam fluminis tracti, vbi cumulatæ corporum strues iacebant, eorum quos in Castello Hispanicus furor absumserat.

Hispani Gallis qui in nauibus erant deditiois leges ferunt. Galli deditioem aspernantur. Hispani in mortuos sæuiunt.

CAPUT X.

Hispani
quos insidi-
is excipere
non potue-
rūt, verbis
pellicere co-
nantur.



INGVLARE sæuitiæ exemplum hoc loco non prætermittam, Iacobus Ribaldus Perlæ præfectus, (nauigii id nomen erat) naueis in ancoris centum fermè à cruento illo spoliario passibus, habebat, multosq; è carnificina elapsos exceperat. Hispani egregia de inermibus victoria inflati, & reliquum Gallorum sanguinem haurire cupientes, Castelli tormenta in naues & lenunculos dirigunt, sed tum pluuioso tempore, tum nō satis paratis machinis, effectum est, vt sine vllō nostrorum vulnere, omnes eorum conatus in irritum caderēt. Itaque tubicinem ad naueis mittunt, qui nostros ad deditioem compelleret. Verum vbi his parum moueri Gallos intelligunt, legatum vnum è suis remittunt, qui Dom-Petri de Maluendo, huius cohortis Præfecti autoritatem præferens, cum illis de pace his cōditionibus ageret: vt traditis maioris formæ nauibus,

nauiibus, ipsi cum suis rebus atque impedimentis, scaphis & lenunculis ad ceteram classem euaderēt, quæ in salo ad ostium fluminis stabat, à Castello quatuor millibus pass. distans.

Ad hoc postulatum nostri respondent: Nullum sibi cum ipsis bellum esse, ^{Galli cordate omnē cū Hispano compositionem aspernantur.} quod pace aut deditioe finiri opus sit. Se sextum ante mensem eam navigationem Regio mandatu ingressos: ac tantum abesse ut eam hostili in quemquam animo, aut prædandi consilio susceperint, ut disertè tum ab Rege suo, tum ab ipsius Almirate, seu Archithalasso, vetitum sit, ne in vlla Hispanorum litora exscensionem facerent: immò, quominus illis iustam offensionis causam præberent, ne propius Hispanicæ ditionis oras naueis appellerent. Nos verò (inquiunt) hoc Regis mandatum sanctè atque inuiolatè seruauimus: ac ne id quidem vobis relictum est, ut cædem hanc nostrorum hominum, quos contra omnia belli iura trucidastis, nostro vllò merito aut culpa accidisse caufemini. Itaque nil mirum est, si vos eius rei aliquādo pæniteat. De cetero, quas petitis naues vita potius nostra quàm iis vos potituros scitote: ac si vis adferatur, nos arma & corpora, & quidquid à Deo accepimus, opposituros.

HISPANVS reuersus, Gallos verbis nihil flecti renunciat, immò animos atque arma expedire ad certamen. Tum furiosa illa cohors omnem in cæso- ^{Hispani in cadauera seuiunt.} rum corpora iram effundere, eaque procul nostris qui in nauiibus erāt, ostendere: ut eorum pectora fauciarent, quorum corpora laniare, ut vellent, nō poterant. Nam mortuorum exsculpentes oculos, & pugionū mucronibus præfixos gestantes, amaro cum risu atque vlulatu in Gallos, quò illis oculi dolerent, versus aquam torquebant.

Galli aliquot ex Hispanorum manibus elapsi, agrè ad mare perueniunt. In aliquos è sociis incidunt.

CAPVT II.

IAM, ut ad nos qui in silua manseramus redeam, quum porrò ire & ignotum transgredi iter pergeremus, ad mare, quantum ancipiti æstimatione augurabamur, tendentes: tandem, Deo gressus nostros dirigente, in montis cuiusdam iugum enisi, mare inde prospicere cœpimus. Sed multum adhuc viæ, & difficil- ^{Galli Hispanorum manus eluctari, cum locorum difficultatibus certant.} limæ quidem supererat. Mons, quā descendendum erat, arduus, adeoque præruptus & præceps, ut stabilis gradus vllò loco insistendi minimè spes esset: ita rectis faxis, ut agrè nemo, nec nisi tentabundus manibusque retinens virgulta ac stirpes circa eminentes, demittere sese posset. Ergo modò saluti consulere- mus, manibus non parcimus, quamquam iam laceras stirpium furculis ac spinis cruræque & totum corpus fœdè cruentatum haberemus.

NOBIS tandem agrè è monte demissis, interiectum nemus, impositum

N colli

colli maris, conspectum abstulit, quo per ingentem planitiem præalto limo atque vligine informem, palustrique vlua, calamis, & inusitato quodam caricum genere confitam, perueniendum erat. quippe earum herbarum caulis duritie ligni, folia etiam præacuta crura nobis & pedes ita incidebant, vt sanguinem elicerent. Nos interea in aqua pubetenus, continuis etiam imbribus adeo perfundebamur, vt hinc paludibus, illinc nimbis obruti, perpetuo quodam diluuiο demersi videremur: & quò longiùs procederemus, eo altiores aquarum voragines occurrebant.

*Galli ad
Deum in
perditis re-
bus confu-
giunt.*

ITA QUÆ, quum extremum tempus vitæ nobis tum adesse, crederemus, vltimo complexu inter nos dato, collacrymantes suum quisque & sociorum casum, multis cum suspiriis & lacrymis clamare ad Dominū cœpimus, & cum ferio peccatorum sensu iusta eius in nos iudicia pœnâsque agnoscentes, mæstas eiusmodi voces supremos inter gemitus fundere: Hæc Domine, ecce, quid in vilibus hisce vermiculis conterendis, dexterâ tuam fatigas? animæ nostræ ingenti dolorum æstu retorridæ, toties experta clementia tua fretæ, in finem tuum semet reiciunt. O Pater misericors, libera nos ab his angustiis mortis: aut si ad suprema ventum est, & in hac solitudine nos interire iubes, ne patiaris vsque adeo sensus nostros mortis horrore constringi, vt gratiæ tuæ obliti, cuius tot documenta propter Christum Filium tuum nobis dedisti, locum demus Satanæ, diffidentiae ac desperationis spiritui. Nam seu moriamur, nos tibi velle mori, coram Maiestate tua hic testamur: seu viuamus, non ob aliud victuros, nisi vt miracula tua in medio Ecclesiæ & cœtu seruorum tuorum enarremus.

*Deus per
inuiam pis-
ciam facit.*

His precibus conceptis, ægrè ad nemus contendimus. Sed prius traiciendus erat ingens amnis, ea præata interfluens: cuius alueus latitudine quidem modica, sed immensa altitudine, transiri posse vado spem ademerat: præsertim quum procliui ad mare campo, prærapida celeritate aqua euolueret. Hinc nobis rursus noua laborum facies: nemo nostrum committere se præcipiti alueo & natatu periclitari audebat. In tanta rerum difficultate hæsitantibus, venit mihi in mentem relictâ nobis ab tergo silua: itaque socios ad tollerantiam & bonam spem cohortatus eò reuortor & longum ramum fabrilis illo scalp pro cum quo deprehensus fueram, amputo. Mox ad nostros regressus qui me anxij expectabant, Agedum (inquam) fratres: experiamur an huius longurij opere Deus ad perficiendum iter nos adiuuet. Simul longurium à terra in amnem porrigimus: quumque non plures vno traici possent, cui primo ob- tigit, is ligno insidens aquam ingreditur: nos tamdiu perticæ alterum caput retinuimus, quoad ferè ad medium alueum enasset: tum ne secunda aqua deferretur, vi in alteram ripam impellimus. Ibi exstantium cannarum aliarumque herbarum adminiculo in terram euadit. Ita primis ad eum modum expositis, alij deinde repetiti & singuli traieci sunt: neq; id tamen sine ingenti periculo.

periculo. Quippe & multū falsæ aquæ bibimus, & labore ita debilitati sumus, ut propè semianimes in vltiorem ripam euaderemus.

TANDEM collectis animis progredimur, & ad vicinam illam mari siluam à nobis notatam, quoad eius fieri poterat, vestigia dirigimus. Quūque aliud par priori flumen obiectum esset, eiusdem perticæ ope, haud minore quàm illud alterum negotio ac periculo, tandem tamen Deo bene iuuante, superaui-
mus. Sub vesperam siluam inimus: ibi quum nox oppressisset, ingenti cum pa-
uore, applicati arborum truncis & stantes, pernoctauimus. Neque nobis, quamquam summa continuati laboris fatigatione affectis, somni vlla cupi-
do. nam quæ animis inter tam ancipites metus, & omnia circà horroris plena, quies esse poterat? Itaque ea nox perpetuis vigiliis nobis extrahitur: ac primo etiam fermè diluculo feram quamdam, quinquaginta circiter passuum à no-
bis interuallo prætereuntem, cerui magnitudine, conspiciamus: cui enorme caput, scintillantes & stantes oculi, aures promissæ erant, posterioribus parti-
bus, velut tubere quodam, eminentibus. Eam velut prodigium quoddam ex-
horruimus, maximè obradiantes & enormiter grandes oculos: quamquam ad nocendum propiùs non accesserit.

*Feræ ne no-
ceant piis
cohibet De-
minus.*

ORTA luce egressi è silua, mare rursus prospicimus, quò secundum Dei opem, velut ad vnicum vitæ subsidium, contendebamus. Sed nouæ de integro interueniunt molestiæ. Quippe rursus in limum & paludes demersi, can-
nis & vluva constratas, neque prioribus illis absimiles, quum non aliud cōmo-
dius ostenderetur iter, fessa illac membra trahimus.

INTER hæc, haud procul via quā transitori eramus, repentè hominum agmen apparuit, quos quum primò hostes esse suspicaremur, qui ad interclu-
dendam nobis fugam ex transuerso incurrerent: postquam ex propinquo tre-
pidos ac nudos, pari ac nos habitu cōspicati sumus, facile è nostrorū reliquiis aliquos esse cognouimus. Ij verò erant Lauduneri tribun. mil. ministra eius domestica, Iacobus Morguesius Diepenfis, Franciscus Vallius Rothomagen-
sis, Hospitis coronæ ferreæ Rothomag. filius, Nicasius Crottenfis, Nicolaus Minutarius, Luduneri tribun. tubicen, & alii præterea aliquot, viginti sex om-
nino homines.

Vix præ fletu vsurpata consalutatione, & deliberantibus quid facto o-
pus esset, duo è nostris in præaltam arborem connisi, vnum è minoribus na-
uigiis nostris aspiciunt, cui Mallardus præfectus præerat: Eique mox signo è sublimi edito, nos ipsius auxilio egere admonent. Is minorem scapham ad nos mittit: sed priusquam ad litus perueniremus, carecta rursus & duo flu-
uij iis pares quos ea ipsa die & superiore traieceramus, nobis superandi erant. Ad eam rem plurimū longurius ille quem nuper excideram, & duæ præter-
ea perticæ à Lauduneri comitibus prouisæ, vsui fuere.

SED quum iam propè ad scapham euasissemus, inedia & labore resoluti,
N 2 posteaquam

Nautarum
in miseros
Gallos hu-
manitas.

Gratiarū
actio.

posteaquam linquente animo vires ad connitendum vltra non sufficerent, propè exanimis collapsi sumus. Ac nisi nautæ, qui nobis tum non vulgarem humanitatē præstiterunt, auxilium ferre properassent, eo loco exanimati essemus. Illi nos exceptos ordine in scaphā portarunt, atq; inde ad nauim, vbi humanissimè accepti sumus. Mox quum panem & aquam nobis apposuissem, sumto cibo vires animosque paulatim reparare cœpimus: perspicuo erga nos diuinæ bonitatis, & acceptę ab eo salutis, argumento, qui nos tot præsentibus periculis & mortib. præter spem liberasset, vt ei immortales gratias ageremus. Ergo miraculis Dei enarrandis & mutuis inuicem consolationibus perpetuam eam noctem traducimus.

Ex Gallica classe duæ naues Galliam repetunt. Hispanicam nauim in fugam vertunt. Ad Rupellæ portum appellant.

CAPVT VII.



T primū lux reddita est, Iacobus Ribaldus, Perlæ nauis præfectus, proximè nos adnauigans, quid factu optimum esset, quæue ratio iniri posset ad reliquias nostrorum hominum nauēsque seruandas, nobiscum deliberat. Ibi tum quantis com meatuum angustis laboraremus, quàm debilitatæ vires essent, arma & tela nostra ab hostibus capta: insuper de Prætoris nostri statu incertitudo, in medium adferuntur, quem vtrum naue alicubi vadis illisa periisset, an tempestate procul abreptus erraret, incertum esse. Itaque nihil potius esse decernimus quàm primo quoque tempore in Galliam vela facere. Atque hæc quidem fuit primorum sententia, vt qui è laniena euaserant, bipertito diuisi, pars in naue, cui Perlæ nomen erat, manerent: alij sub imperium Mallardi præfecti concederent.

Gallorum
pars in Gal-
liam è Flo-
rida repor-
tatur.

Hispanica
nauis à Gal-
lica vinci-
tur.

ITAQUE re non iam vltra cunctationem recipiente, xxv. die Septembris, vento Septemtrione vehementi ab ea ora profecti, celeriter conspectu terræ ablatis sumus: moxq; in alto alij ab aliis disiecti, vt numquam inde postea nostræ naues in eo cursu mutuum in conspectum venerint. Quingentas inde leucas satis prospero cursu emensi, tandem manè quodam sub ortum solis Hispanam nauim, quæ repentinè ex alto in nos inuecta erat, ita strenuè repulimus, ac tormentorum fulminibus obruimus, vt manantē sanguine alueum per columbaria perque latera nauis cerneremus. Iamq; nobis ab hoste de victoria propalam concessum erat: vehementius tamen concitato mari propius congregi, & nauim Hispanam ferrea manu iniecta, abstrahere non potuimus. hoc vnum ad plenam victoriam nobis defuit. Quum enim ex eo concursu nauium magnum sequi incommodum necesse esset, ac periculum, ne allisa

allisa nauigia mutuo attritu demergerentur: sicut ipsi libenter eo discrimine defuncti praelio abstiterunt: ita nos ab illis abstinuimus, & quod nemo nostrum ex eo certamine vulnere ictus, aut cæsus occubisset, præter focariū nostrum, Deo læti gratias egimus.

RELIQVVM deinceps iter pacatum & sine vlllo hostium incurſu tranſegimus: iniquioribus tantum ventis subinde conflictati, qui nauim nostram sepe in litora Hispaniæ eiecturos minati sunt. quod vnum, veluti calamitatum nostrarum cumulum, exhorrebamus. In vndis præterea quidquid malorum tolerari potest, inopiam, frigus, famem, pertulimus. Quippe nobis, qui erepti carnificinæ à Florida redibamus, pro omni tegmine noctu atque interdium nihil præter simplex indusium aut lacera quædam pannicularia (miserum aduersus frigora & ceteras aeris iniurias præsidium) velando corpori supererat. Panis quam parcissimè dabatur nobis, isque situ corruptus ac mucidus. Aquæ etiam, quamquam fœtidæ, non ad satietatem, sed in diem cyathum duntaxat vnum, & quidem exiguum, bibebamus. Ex hac tam insalubri victus ratione, multi è nostris, vbi terram attigissent, periculosis morbis impliciti, plerique etiam extincti sunt.

Gallorū ex
Florida re-
deuntium
angustia.

TANDEM mæstam hanc nostram & laboriosam nauigationem, lætus, vt in malis, excepit exitus. Quum enim ad Rupellæ litus appulsemus, ab eius oræ accolis & ipsius adeo vrbis ciuibus perbenignè & humanissimè excepti fuimus: multa in nos ab illis publice ac priuatim hospitaliter facta, munificæ adeo collatæ opes, vt quæ in suam cuique redeunti patriam necessaria erant, nemini nostrum deessent.

Rupellano-
rū in mise-
ros benigni-
tas.

Io. Ribaldus Prætor Hispanicam classem quærens, naufragium facit. Galli famam & miseris conflictantur. Tandem ab Hispanis in deditiōem accepti fœdè trucidantur.

C A P V T V I I I.

N VNC eorum quæ de Ioanne Ribaldo superius retulimus, redire in memoriam oportet. Is, vt ante dictū est, cum lecto militum nostrorum robore, obuiam Hispanis ad certamen egressus: eos quidem, quum quinque dies per altum quæsisset, non reperit. Sed Prætoriam suam nauim (Trinitatem vocabant) quæ à cetera classe aberrauerat, forte nactus: omnium ignarus quæ in Castello nobis acciderant, totius oræ appulsu prohibere Hispanos constituit. Prætoriam conscendit, vt facilius inde, ex naualis disciplinæ more, omnes Prætoris edicta & iussa acciperent.

INTEREA aduersam per se tempestatem quum sequi ventus cœpisset, continui etiā imbres fœdabant. Quinto die vento vis addita: geminatur tem-

*Gabica
classis nau-
fragium.*

pestas: neq; vlla ope impediri potuit, quominus terræ illatæ naues carinas vadis figerent. Quinquaginta fermè leucis suprâ Maium flumen ad oram euecti, fractis nauibus, & commeatu amisso, incolumes tamen ipsi euaserunt. Vnus tantum Grangius tribun. milit. fracto nauis malo insidens, fluctibus haustus est: cuius magnum meritò desiderium fuit. Erat enim in eo homine non summa tantum ingenij consiliiq; præstantia, sed mirifica etiam in familiari congressu comitas ac dexteritas, qua ceteros ad virtutum suarum imitationem alliceret.

*Gallorum
naufragio-
rum angus-
tia.*

CETERVM nostros ægrè emersos vndis, omni tempestate truculētior excipit fames: neque ad eam sedandam, quidquam opis, omnibus amissis, supererat: nisi quæ terra vltro præberet, herbarum videlicet, radicūque omne genus, mandere conarentur. Quūque alia alimenta deficerent, ea necesse erat ubiq; rimari qua latranti stomacho obiicerent. Neque tantum fames sed sitis quoque miseros fatigabat, cui pellendæ nihil præter veteres cisternas & putres lacunas aderat, ex quibus fœdam adco & turbidam cœno aquam hauriebāt, vt vel solus spumæ eius conspectus etiam valentissimis nauseam & ægritudinem cieret. Attamen indomita famis sitisque rabies omnia, quamuis spurca & insalubria, ingerere in ventrem subigebat: totos octo dies tam misero victu extrahunt.

NONO demum die exiguam fortè scapham reperiunt: letum id inter mala: cuius ope sperant se sociis qui in castello erant naufragium suum significaturos. Quippe ab eo, terrestri itinere, duodecim leucarum interuallo aberant, maritimo quinquaginta. Ad hæc interiectum flumen Delphinorum, quatuor in latitudinem stadia diffusum, profundo alueo & nusquam vada aperiente, non nisi nauigio transmitti poterat. Itaque excepta lætè ea scapha, linteas suas tunicas seu indusia concerpta, stupæ vice, rimis explendis infulciunt, & commissuras eius ferruminant.

*Ribaldi ad
socios ora-
tio.*

TVM Ioannes Ribaldus Prætor pro soli ta comitate & modestia, multos eorum quorum consilio utebatur, conuocatos, in eam fermè sententiam alloquitur: HVMANAM patientiam ô socij, miseriæ nostræ vicerunt. neque in tantis æumnis vita tolerari diutius potest. Et multò quidem optabilius esset morte semel defungi, quàm tam perditò rerum statu cēties mori verius quàm viuere, nisi fides vetaret prouidentiae Dei diffidere, cuius vel in extremis rebus auxilium sperandum atque expectandum est. Interea tamen, quod nostrarum partium est, versanda nobis sunt sedulò omnia, si quem fortè industria animi & labore inueniamus malorum exitum. Itaque à nobis aliquos scapha ad castellum mittendos censeo, qui nostris deploratum rerum nostrarum statum renuncient, & auxilium petant. Ac protinus magnam vim lacrymarum profundens, positus humi genibus, preces ad Deum orditur. Quibus peractis, quem potissimum huic obeundæ legationi deligerent, circumspectant. Tho-

mas

mas Vassor Diepēsis adeam rem maximè idoneus visus : ei negotiū dat Ribaldus vt quā celerrimè possit sociis quā misero statu sint significet. Ei se comites adiungere Vincentius Simon, Michael Gouor, & alij vsq; ad decem & sex.

NOSTRI, qui (vt paulo antè dictum est) trans flumen erant, eadem die in vltiore parte Castellum versus cohortem armatorum, expasso vexillo incedere prospiciunt. Postquam coniecturis quantacumque ex tanto interuallo capi potuerunt, Hispanos esse innotuit : nostri, qui in tantis rerum angustiis hoc sibi supremum perfugium superesse crederent, nonnullos è suis ad hostem mittunt, qui cum eo de deditioe & vita paciscantur. Legati Galli primò satis humaniter ab Hispano excepti sunt.

HISPANÆ illius cohortis præfectus (Vallemandum vulgò appellabant) *Hispani ducis crudelis perfidia in miseros.* viri nobilis, equitis & Christiani fide suam in Gallos beneuolentiam affirmās : & eum Hispano victori solemnem semper morem fuisse testatus, vt supplici hosti, Gallo præsertim, clementer consuleret : neque se ab eo instituto discere velle, aut quidquam grauius in eos statuere, quod postea in mutua vtriusque gentis inter se odia & publicas clades erumperet : omnes liberaliter palam per interpretem affatus, fidenter venire ad se hortatur. Simulque instrui scapham & quinque Hispanos traicere in vltiorem ripam ad nostros iubet. Hispani transmissò fluuio, Gallos Vallemandi præfecti nomine liberaliter appellant. Ioannes Ribaldus prætor primus nauiculam cum triginta suis conscendit : ipse à Vallemando satis comiter excipitur : ceteros ab eo aliquatulum seductos, Hispani manibus ponè tergum reuinctis, binos simul colligant.

INTEREA Galli, vnoquoque traiectu triginta, trans flumen exponebantur : tantisperdum Vallemandus Ribaldum, hominem minimè malum, qui de ipsius fide non dubitaret, fallacibus verbis produci & lactari curat. Nostri interim quum omnes flumen transmississent, bini ad eum modum colligantur, simulque permisti Hispanis Galli ad Castellum procedunt. Ribaldus prætor & alij, in primis Ottignij dominus, vbi suos ita nexos & iugatos vident, nescio quid sinistri ex eo augurari & toto ore expallescere. Interea tamen rursus Vallemandi fidem appellant : ille sedulò confirmat eos, neque aliò indita Gallis vincula testatur, quā vt tutò in Castellum deduci possint. ibi se illis cum fide præstiturum quæ pepigerit.

QUVM iam non procul à Castello abessent, ille tum sciscitatus quinam inter Gallos nautæ, remiges, fabri nautici, tormentarij, aliique maritimis muneribus vtilis essent : triginta eius generis inuentos à ceteris secernit. Nec longo inde temporis spacio armatorum cohors Castello egressa, pleno gradu in nostros contendit, qui seorsum à Vallemandi agmine ducebantur. Gregem ouium ad lanienā agi diceres. Tum cornua occinere incipiunt, & Hispanorum militū furor erumpere : cæduntur vincti & inermes Galli ad fistularum, *Gallorum inermium lanienā.*

tympanorum & buccinarum cantus, ita ut queritantium clamor exaudiri non posset. Ibi gladiis & hastis strenue saevire Hispani, & quam foedissimum quisque vulnus fecerat, tam maxime glorari. Ergo vix semihorae spatio facile & egregiam scilicet victoriam de inimicis ac deditis tulere, quos ipsi in fide acceperant.

Ribaldi Praetoris Galli mors. DUM haec perpetrantur, Ioannes Ribaldus Vallemendi fidem implorans, vitae suae parci orat: ipse etiam Ottignius ad pedes eius prostratus, promissorum ut meminisse velit, suppliciter obsecrat. Sed omnia haec frustra fuere. Nam ille neglectim obverso tergo, praeteriit: simulque unus carnificum eius, pugionem in Ribaldi aversum corpus defigit: moxque eo vulnere prolapsus, uno alteroque subinde ictu iacentem conficit.

Hic fuit miserabilis nostrorum exitus, quum se in fidem & clementiam Hispanorum tradidissent, quae Punica religione servata ab illis fides est. Neque satis habuere saevitiam innoxio sanguine explere, sed ut omnem barbariem superarent, Legati regis barbam abraserunt luculenti facinoris specimen: eamque inclusam litteris Hispalim misere, quemadmodum à nauticorum nostrorum nonnullis, quorum opera Hispani ad eum nuncium in Hispaniam perferendum usi sunt, nuper bona fide nobis relatum est: in iis nominatim Christophoro Britone, Portu-gratiensi, qui clam Hispali Burdegalam transgressus, Burdegala Diepam naui reuectus est.

** Haecenus Gallica historia: nos quae sequuntur addidimus.* POST haec Hispani memorabili victoriae tropaeum imponunt: Legati Regis corpus membratim dissecant, & eius capite in quatuor partes diffisso, miserabiles illas quadras totidem arrectis contis praefigunt, eosque quatuor Castellis angulis statuunt. *

Hispani Gallorum caesorum corpora cremant. POSTremo (quod ex Nobili quodam Britone qui Floridam vidit, ipse accepi) Hispani, ut insigni aliqua catastrophe eam tragœdiam clauderent, lacera illa corpora, truncos artus, putres puerorum, foeminarum & virorum formas, exstructa extra Castellum pyra, igni cremarunt, ut facile appareret id non magis hostili rabie quam verae Religionis odio, ab ipsis esse factum. Sed utcumque caesorum reliquias flammis aboleuerint, tam foede rei tamen memoriam neque à conspectu ipsius Dei, neque ex hominum animis delere adhuc potuerunt, neque umquam poterunt.

CETERVM in tradenda Gallorum caede quae plurimis & oculatis testibus memorata sunt, retuli: sed non omiserim eorundem temporum rumorem validum adeo ut nondum exolescat. Expeditione suscepta, Hispanum ab Aulicis quibusdam per occultos nuncios de re tota certiore esse factum: & qui eo nauigarent, maximam partem Hugonotos esse, Regni perturbatores & Regis ipsius hostes, obuiam praedam & quae impune inuadi posset. Haec vulgo tum iactata nec affirmare, nec refellere in animo est. Sed postquam ea gesta sunt, quod tam atrocis iniuriae exemplo non Galli tantum, sed Regis quoque ipsius Maestas, cuius auspiciis ea expeditio suscepta fuerat, violata esse videretur: et-
fi ea

si ea in foeminas puerosq; immanitas omnium questus anteciret, caesorum liberi, viduae, cognati & amici, vltionem orantes, Carolo IX. regi Galliae supplicem libellum obtulere. Ac Carolum quidem de eo questum apud Regem Hispaniae, atque illum facinus pro rato non habuisse satis constat: quum interea non minus impunitas maneret sicariis, quam mors interfectis: donec senescente facti inuidia, mentionem omnem ac memoriam eius rei maiores casus oppressere. Porro libelli exemplum infra scriptum est.

SVPPPLICIS LIBELLI EXEMPLVM, CA-

rolo IX. Regi Galliae oblatus à viduis, liberis, pupillis & orphanis, propinquis & amicis, subditorum eius qui ab Hispanis in Francia Antartica, quam vulgò Floridam vocant, foedè trucidati sunt, Anno M. D. LXV.



ISERABILES planè personae atque opis egentes (Christianissime Rex) viduae & orbatæ parentibus pueri puellaeque propè innumeræ, pedibus tuæ Maiestatis, plenæ lacrymarum & supplices, aduoluuntur: & æumnas suas apud te deplorantes, lugubre spectaculum patrum, virorum, filiorum, fratrum, nepotum & propinquorum suorum (qui circiter nongenti, misti foeminis virisque pueri, in Florida à Petro-claudio & Hispanis militibus foedè trucidati sunt) propè præsens oculis tuis exhibent.

*Idem est
qui Vallem
mando sibi
nomen fecerat.*

Id verò facinus quum per se vel auditu foedum atque horrendum sit: tum hodie maximè subditorum tuorum sanguis perfidiosissime fusus, Dei fidem & iustitiam aduersus sceleratos latrones implorat.

ITAQVE iam tuarum partium est, ô Rex, cogitare, ea lege imperio tuo subiectos populos, tum vt eos iustitia regas, tum vt sub præsidio ac tutela Maiestatis tuæ incolumes conserues. In primis verò miseris atq; afflictis, qui secūdum Dei opem ad tuam fidem confugiunt, præsertim recenti adhuc vulnerum dolore succurrere: eorumque, haud secus atque herus fidelium seruorum, aut etiam pater filiorum, æumnis ingemiscens, orbitatem & lacrymas consolari. Nam querelæ quidem quas ad te deferunt, non minus miseratione dignæ videntur, quam Petri-claudij Hispani immanitas consuetis belli commerciis omnibusque diuinis ac humanis legibus aduersa est.

Id quò facilius intelligas, nos rem paulo altius repetentes patienter, vt facis, audito. Meminit Maiestas tua subditos illos tuos regiis literis fretos, quas Ioannes Ribaldus abs te accepit, tuo mandatu, tuis auspiciis, in Floridam nauigasse. Quò quum peruenissent, quinque Hispanæ naues (quarum maxima octingentarum amphorarum, proxima, ducentarum, ceteræ mediocris formæ, erant, repente plusquam hostili impetu tuos illos homines adortæ sunt.

sunt. Mox classarij earum milites in terram lapsi, Castellum tuo nomine atque auspiciis à Gallis exstructum irrupētes, viros, foeminas, pueros, & quidquid obuium fuit obtruncant: neque his aut illis ætas aut imbecillitas miserationem attulit. Quinetiam transfossa puerorum infantiumque corpora (horrendum visu) præfixa hastis ad ludibrium ostentabant.

INDE octingentos fermè Gallos, cohortem Ribaldi Prætoriam (quamquam fide data, si arma tradidissent, abire omnes incolumes passuros) manibus post tergum reuinctis, seruilibus probris foedatos: sceleratos, leprosos, pædicones & latrones Francos vocantes, in ore ipsius Ribaldi iugulāt. Quumque is tam foedi spectaculi horrore perterritus, ad Petrum-claudium accedere conaretur, vt se in eius fidem ac tutelam, velut asylum, coniiceret, ab eo superbè repulsus, moxque eius iussu à milite, pugione in tergum impresso, percussus est. Quo vulnere quum corruisset, idem hic miles iacentis pectus vno & altero ictu hausit. Mortuo quoque ludibria adiecta: ceruices incidit miles: barbæ pilos abradit, & quadrifidum caput quatuor pilis eodem in castello, vbi ceterorum corpora exanimia iacebant, præfigit. Postremò litteras ad regem Hispaniæ, præclaræ victoriæ nuncias, & in iis pilos aliquot Ribaldi barbæ inclusos, mittit: perspicuè tali ludibrio prodens, quàm parum Regiam tuam maiestatem vereretur, quam adeò superba cōtumelia, per clientium tuorum iniurias & dedecora, violare ausus est.

NEQVE verò credibile est, Principem vllum aut Regem Christianum, imò nec Barbarum, tam abhorrenti ab omni humanitate esse animo, vt execrabile illud facinus approbet, & eò quidem foedius quòd media pace in tuos admissum est, quum tibi neque cum Hispano, neque cum vlla externa gente, bella aut hostiles inimiciæ intercederent. Perpetrati tamen huius latrocinij Hispanos, nulla iniuria abs te violatos, reos esse, nostrorum sanguis & lacrymæ nostræ clamant, & quidem iis locis ac personis quæ sub nullius iure ac ditione, præterquam tua, sunt. Nisi fortè Petro-claudio impudentiam sæuitiæ adiungere, ac dicere libeat, ibi ius esse vbivis & arma plus polleant: licere peregrinis latronibus in præsidia & ditiones tuas, in tuorum fortunas & corpora, cum exercitu imperioque inuadere: licere pro suo iure in eorum ceruices sæuire, quos Deus Maiestati tuæ subditos attribuit, & quidem tam arcto fidei & obsequij vinculo tibi obstrictos, vt millies mortem oppetere malint, quàm in noui Principis fidem ac ditionem concedere.

QVAMOBREM si Petri-claudij facinus Hispaniæ rex ratum non habeat, nihil superest, nisi vt vel istius supplicio iniuriam tibi factam expiet, vel tibi eum noxæ dedat: tibi que in posterum ius ac possessionem vacuam Florida tradat, quæ pridem tuis auspiciis ab tuis occupata, regni tui finibus ac ditionibus adiecta est. Neque enim subditi illi tui, qui, propagandis imperij tui finibus, eam prouinciam pro virili parte manucepere, pro fugitiuis eò redacti sunt,

sunt, aut vt rei exsulésve in vltimas terras deportati: sed eos Maiestatis tuæ legatos, ministros mandatorum tuorum, eò nauigasse iussu & missu tuo, literis ipsemet regiis Ribaldo datis confirmasti, qui tuam in eo vicem ac personam referret.

INDIGNAS verò illas & atroces in vno scelere per se iniurias, etiam oneratis istorum impunitas. Quippe si inultæ omittantur, liceátque nefariis latronibus, violatoribus omnis humani iuris ac fidei publicæ, non luce hac tantum, sed spoliis etiam tuis nostrisque impunè perfrui: sicuti dolor ad nos, sic ad te dedecus, & manante latius exemplo, periculum ad omnes pertinebit. Sed vt ab aliis impunitate alatur istorum immanitas, te tamen subditorum tuorum iniurias, per quorum latera foderis, lentè non accepturum confidimus. Neque verò meritis ab istis pœnas expeti, tua tantum aut nostra, sed publici exempli & humanæ societatis, interest, quam Petrus-claudius cum suis, quantum in se fuit, soluit.

POENI ceterique Afri fidem ac fœdera quoties commodum erat, frangebant. Itaque Punica fides vt illis quondam exitio fuit, etiam vulgò hodie infamis est. Romanis contrà adeo sancta erat fides, vt eam fallere etiam hosti peius omni peste fugerent. Vtinam hæc laus merito à nobis Petro-claudio eiúsque sociis tribui posset: quibus adeo vilis promissorum veritas & fides fœderum fuit, vt ad eam violandam sacrum Dei nomen vertere veriti non sint, ac si eum in scelerum suorum societatem adsciscere vellent. Deum equidem non ignoramus, interdum improbis frena laxantem eorum quoque opera vt, siue ad nos castigandos, siue vt ipsi iustum scelerum suorum aceruum, iustis pœnis materiem, cumulent. Idque ne iustitiæ ipsius & iudiciorum obliui, paternam eius indulgentiam malè agendo fatigemus. Sed vicissim hoc verum est: vt idem ad opus hominum scelera & Dei iudicia concurrunt: ita Deum graues tandem ab impiis pœnas pro meritis exigere.

QVOD reliquum est (Christianissime Rex) tot pupillorum orbitas, tot viduarum solitudo, ac iustæ nostrum omnium lacrymæ & squalor te moueant, qui parentes, qui fratres, qui propinquos, clientes tuos, per immane Petri-claudij scelus amisimus. Liceat priuatarum iniuriarum obliuisci: nihil ad te mala nostra pertineant. Quid augusto Regiæ maiestatis nomine spreto, quid pollutis auspiciis tuis, quid non fœderum modò fide, sed etiam lure gentium in legatis tuis violato, facies? Fortissimis viris, tribunis ac ducibus tuis, contra omne fas & belli commercia interfectis, non iura experire, non arma capies? sed horrendos istos carnifices tuorum strage ouantes & super impunitatem præmia etiam ferentes scelerum, tacitus intuebere?

MELIORA equidem de te ominamur & speramus (ô Rex) Deumque ipsum Opt. Maxi. obnixè quæsumus vt verè heroicos in te spiritus excitet. Isti cruentos à recenti tuorum cæde gladios, manantia sanguine spolia, & reliquias infelicitis

infelicitas exercitus tui in Hispaniam ad triumphum & ludibrium deferunt. Quum sibi tantum licere in tuis te sciente ac vidente pulcrum ducunt, possuntne apertius demonstrare quid facturi sint, si te ipso potiantur?

QVAMO BREM, vt tuæ Maiestati & Gallico nomini iniustum dedecus meritis paricidarum suppliciis deleas, generosum & dignum te, dignum auiis tuis, spiritum indue: Deo bene iuuante, subditorum tuorum causam suscipe, susceptamque qua potes ac debes fide tuere: vt coram toto Christiano orbe tuam in protegendis subditis fortitudinem, tum etiam tuorum innocentiam, testatam facias. Nullo quidem maiore piaculo (ô Rex) tum innoxio nostrorum sanguini, tum iustæ iræ tuæ parentare potes, quam latronum poena: vt non tantum cæcorum viduæ coniuges, propinqui & liberi desiderium suorum & graues suos dolores eo solatio leniant: sed etiam te omnes verè Regem tanto parem nomini, & Patrem populi tui, agnoscant.

FINIS



AMERICAЕ
PARS SEXTA.
SIVE

HISTORIÆ AB HIERONYMO BÉZONO
Mediolanēse scriptæ, sectio tertia, res nō
minus nobiles & admiratione plenas con
tinens, quā præcedentes duæ. In hac
enim reperies, qua ratione Hispani opulē
tissimas illas Peruāni regni provincias oc
cuparint, capto Rege Atabaliba: deinde orta
inter ipsos Hispanos in eo regno civilia bella.

*Additus est brevis de Fortunatis insulis Cōmenta
riolus in duo capita distinctus.*

*Item ad ditiones ad singula Capita Histo
riam illustrantes.*

Accessit Peruāni regni chorographica Tabula.

AD
INVICTIS RVDOLPH. II. ROM. IM. AVG.

*Omnia elegantibus figuris in æs incisus expressa
à Theodoro de Bry Leod. cive autem Frācofurteſe.*

A. M. D. XCVI.
Cum privilegio s. c. Ma. tis.

RPJCE

Franciscus Pizarrus, Iacobus Almagrus & Ferdinandus Luques societatem ineunt.



AVDITA opulenta Regionis illius quæ ad Australe mare spectat, fama, tres Hispani Panama ciues, valde opulenti, Franciscus videlicet Pizarrus, Iacobus Almagrus, & sacerdos quidam cui nomen Ferdinandus Luques, societatem inter se ineunt, ut communibus sumptibus exploratum eant diuitem illam auro, argento & smaragdis regionem, data & accepta fide, se sine fraude & fideliter inter se distributuros honores & quidquid diuitiarum & emolumentorum communibus sumptibus acquirerent. Eius rei causâ binas naues sibi comparant, rebusque necessariis & milite instruunt. Pizarrus & Almagrus, paucis interiectis diebus Panama soluunt, relicto domi sacerdote Luquesio, ut omnia quæ vsui esse possent, curaret.

Verum prima illa expeditione ex animi sententia non succedente, multis militibus amissis, Panamam regredi coguntur.


RPJCE

Imperterritus quidam Pizarri miles, Cretensis natione,
per medium Indorum agmen transiit.



LX vulneribus, quæ in prima illa expeditione Pizarrus & Almagrus acceperant, curati, nouo milite & rebus necessariis naues complent, & denuo fortunam experiri volunt: sed multis militibus desideratis, in insulam cui nomen à Gallogallinaceo indictum, sese recipere coguntur. Ex ea Pizarrus collegam Panamam ablegat, ad supplementum comparandum. Interea plerique militum Pizarrum in illa insula deserunt, & Panamam reuertuntur, præter solos tredecim aut quatuordecim (quorum maxima pars nautæ) qui apud ipsum hæserunt. Illis propter constantiam & fidem non immerito magnas gratias agit, multa illis pollicitus, si Almagri reditum præstolarentur: tandem mittit quidem Almagrus nauem commeatu onustam, sed nullum militum supplementum. Itaque Pizarrus diutius in insula sibi non esse consistendum ratus, cum exigua illa suorum manu, oram Peru maritimam legere cœpit, donec Tumber perueniret, quam valde opulentam esse à quibusdam Indis intellexerat: nullus tamen militum in terram excendere audebat, timor enim omnium animos peruaferat, conspecto tam ingenti Indorum numero, qui litus occupabant. Vnus Cretensis natione, cui nomen Petrus, suam offert operam. Magno igitur arrepto ense cymbam ingressus, ex ea intrepidus in terram exiit, & per medium Indorum agmen peruadit, viri istius barbati forma non mediocriter attonitorum. Eius regionis Præfectus humaniter illum excipiens, templum Soli dicatum ostendit: de cuius opulentia, ad suos reuersus, Pizarro & aliis refert.


THE HISTORY OF THE
CITY OF LONDON



RPJCd

The history of the city of London, from the first settlement of the Britons, to the present time. The first part of the history, from the first settlement of the Britons, to the reign of King Henry the Second, is contained in the first volume of this work. The second part, from the reign of King Henry the Second, to the reign of King Richard the First, is contained in the second volume. The third part, from the reign of King Richard the First, to the reign of King John, is contained in the third volume. The fourth part, from the reign of King John, to the reign of King Henry the Third, is contained in the fourth volume. The fifth part, from the reign of King Henry the Third, to the reign of King Edward the First, is contained in the fifth volume. The sixth part, from the reign of King Edward the First, to the reign of King Edward the Second, is contained in the sixth volume. The seventh part, from the reign of King Edward the Second, to the reign of King Edward the Third, is contained in the seventh volume. The eighth part, from the reign of King Edward the Third, to the reign of King Richard the Second, is contained in the eighth volume. The ninth part, from the reign of King Richard the Second, to the reign of King Henry the Fourth, is contained in the ninth volume. The tenth part, from the reign of King Henry the Fourth, to the reign of King Henry the Fifth, is contained in the tenth volume. The eleventh part, from the reign of King Henry the Fifth, to the reign of King Henry the Sixth, is contained in the eleventh volume. The twelfth part, from the reign of King Henry the Sixth, to the reign of King Edward the Fourth, is contained in the twelfth volume. The thirteenth part, from the reign of King Edward the Fourth, to the reign of King Richard the Third, is contained in the thirteenth volume. The fourteenth part, from the reign of King Richard the Third, to the reign of King Henry the Seventh, is contained in the fourteenth volume. The fifteenth part, from the reign of King Henry the Seventh, to the reign of King Henry the Eighth, is contained in the fifteenth volume. The sixteenth part, from the reign of King Henry the Eighth, to the reign of King Edward the Sixth, is contained in the sixteenth volume. The seventeenth part, from the reign of King Edward the Sixth, to the reign of King James the First, is contained in the seventeenth volume. The eighteenth part, from the reign of King James the First, to the reign of King James the Sixth, is contained in the eighteenth volume. The nineteenth part, from the reign of King James the Sixth, to the reign of King Charles the First, is contained in the nineteenth volume. The twentieth part, from the reign of King Charles the First, to the reign of King Charles the Second, is contained in the twentieth volume. The twenty-first part, from the reign of King Charles the Second, to the reign of King James the Second, is contained in the twenty-first volume. The twenty-second part, from the reign of King James the Second, to the reign of King George the First, is contained in the twenty-second volume. The twenty-third part, from the reign of King George the First, to the reign of King George the Second, is contained in the twenty-third volume. The twenty-fourth part, from the reign of King George the Second, to the reign of King George the Third, is contained in the twenty-fourth volume. The twenty-fifth part, from the reign of King George the Third, to the present time, is contained in the twenty-fifth volume.

Pizarrus in Hispaniam nauigat, & eius Regionis quam
detexerat, Præfecturam impetrat.



His rebus intellectis, Franciscus Pizarrus Panamam repetit, sociisque narrat, quam fertile sit Chiracolum, & Tumber opulentiam valde prædicat. Almagrus & Luquesius Pizarrum in Hispaniam ablegant, postulatum à Cesare & Tumber occupandæ licentiam, tum eius Præfecturam. In Hispaniam cum ap-
pulisset, relationem facit in consilio Indiarum, regionis quam detexerat; quan-
tos sumptus in eam expeditionem fecerit, quotque labores sustinuerit, exponit: eam ob causam
illius præfecturam sibi concedi postulat, promittens se magno censu & ingentibus thesauris Ca-
stellæ regnum locupletaturum, ne minima quidem sociorum mentione facta. Obtinet quod pete-
bat, insuper diploma Cesareo sigillo munitum illi conceditur. Quibus rebus peractis, ad iter se
comparat; militum delectum agit, & adsumptis Ferdinando, Gonzaluo, Ioanne Pizarris, &
Martino de Alcantara Panamam proficiscitur. Sed intelligentes eius socij, illum sibi duntaxat,
ipsis neglectis, præfecturam petuisse, grauiter id ferre, præsertim Almagrus, qui omnes faculta-
tes in eam expeditionem absumpserat, longeque maiores sumptus fecerat, quam Pizarrus.

Pizarrus

Platone Hypothesis
de Mundo

RPJCB

Pizarrus cum Almagro in gratiam redit, & vterque fidem seruaturus solenni iuramento pollicetur.



DOCTOR Gama Almagrum Pizarro reconciliat, nouaque societatis conditiones statuuntur, ut videlicet Almagrus Pizarro (qui sine alterius auxilio suam praefecturam adire nequiuisset) arma, equos, reliquaque ad expeditionem necessaria, quae iam parata habebat, cum certa pecuniae summa traderet. Ex aduerso Pizarrus equaliter cum Almagro partiretur honores, status, dignitatesque à Caesare ipsi concessas. Hanc nouam societatem (excluso tertio socio Luquesio) inter se solenni iuramento supra hostiam sacram, quam una sumpserunt, confirmant, eamque seruaturos ad mortem usque, pollicentur. His peractis, Pizarrus naues conscendit cum centum quinquaginta militibus, multisque equis, soluitque à Panama, relicto istuc Almagro, cui datum negotium, ut breui subsequeretur cum maximo quod cogere posset supplemento. Tandem ad oram maritimam Peruani regni peruenit, & anchoras ad pagum Colonchy fixit: inde in insulam Punam nauigat, à cuius praefecto comiter & peramanter excipitur: sed conspecta Hispanorum insolentia, arma aduersus illos expedit, ut ex insula expellat.

B

Ferdinan-

Handwritten text at the top of the page, likely a title or header, written in a cursive script.

RPICB

Handwritten text at the bottom of the page, appearing to be a list or a detailed entry, written in a cursive script.

Ferdinandus de Soto militum Tribunus cum aliquot
alijs ad Regem Atabalibam à Pizarro ablegatur.



PIZARRVS cum suo exercitu ad Caxamalca perueniens, nobilem quendam Indum reperit, qui ipsum quoquam diuertere vetaret, donec Atabaliba aduenisset. Ille nullo dato responso, ades occupat in quibus se & suos recipit, atque confestim Tribunum Ferdinandum de Soto cum aliquot alijs equitibus ad Atabalibam ablegat, ipsum eius nomine salutaturum, & renunciaturum, iam se aduenisse, atque petere, ut ipsum conuenire liceret. Sotus equum in gyrum agens, & contractis habenis subsilire faciens, adeo prope Atabalibam accedit, ut equi spuma in eius faciem ab aura ferretur: ille tamen ea re non commotus, grauitatem vultus non remisit, sed multos ex suis qui attoniti refugerant ab equis sibi metuentes, mactari iussit, iniquè ferens barbato illos viros nullam habuisse maiestatis ipsius rationem, & ipsum non esse reueritos. Ferdinandus Pizarrus deinde adueniens ipsi significat se Hispanorum Praefecti fratrem esse, qui ex Castella mandato Pontificis & Imperatoris aduenisset, ipsorum nomine cum eo amicitiam contracturus, cuius rei gratia illum valde rogare, Caxamalcam sese conferre dignaretur, ut de rebus magni momenti inter se conferre possent.

Handwritten text at the top of the page, likely a title or header, which is mostly illegible due to fading.

Main body of handwritten text, consisting of several paragraphs. The script is cursive and difficult to decipher due to fading.

RPJCC

Handwritten text at the bottom of the page, possibly a conclusion or a signature block, also mostly illegible.

Atabaliba magna cum pompa Caxamalcam ingreditur.



FERDINANDVS Pizarrus intellecta Atabaliba voluntate, ad suos redit, Regisque diuitias & magnificentiam pradicat: deinde eius sententiam Hispanis exponit, nempe ipsum minime permissurum, ut in ipsius Prouincia harent, amicitiam quidem Imperatoris non respuere, modo Praefectus aurum & reliqua quae suis subditis ademerat, restitueret: atque postridie Caxamalcam ad ipsum venturum. Pizarrus interea suos ad pugnam, si ita opus foret, disponit, & tormenta bellica ad arcis portas collimare iubet, suos cohortatus ut intrepidè se gererent. Postridie Atabaliba cum pluribus quam viginti quinque Indorum millibus aduenit, & à quibusdam è suis gestatus, magna cum pompa Caxamalcam infertur, perinde atque in summa pace versaretur, donec ad Palatium, in quo barbatorum legationem audire debebat, perueniret. Gestabatur autem in sella laminis aureis ornata, & versicoloribus Psitacorum pennis suffulta, insidens puluinari laneo multis gemmis ornato. Conspiciens porro Christianos quosdam quos Pizarrus in turricula disposuerat, agreque idferens, illos inde eiici, vel mactari praecipit.

Handwritten text at the top of the page, likely a title or header in a non-Latin script.

Main body of handwritten text, consisting of several lines of script, mostly illegible due to fading.

RPJCE

Bottom section of handwritten text, appearing as a list or detailed notes, also mostly illegible.

Atabaliba Rex Peruanus à Francisco Pizarro capitur.



INTEREA ad Regem Atabalibam Dominicanus quidam, Vincentius de valle viridi nuncupatus, per mediam Indorum turbam penetrat, manu crucem gestans & suum breuiarium, vel, ut alij volunt, Bibliorum codicem: atque per interpretem illi significat, se ab Imperatore ad ipsum missum ex auctoritate Pontificis Romani, vicarij Iesu Christi, qui Imperatori ignotas illas regiones donarit, ea conditione ut eruditos & tali officio dignos viros eo mittat, qui sacrosanctum Euangelium istuc doceant, & impuros errores tollant. Deinde ostendens suum breuiarium, in eo legem Dei contineri adfirmat, qui omnia ex nihilo creasset, atque ab Adam & Eva sermonem exorsus, de hominis creatione & casu agere coepit, tum Christum ex caelo descendisse, carnem in virginis utero adsumpsisse, denique cruci adfixum fuisse, & resurrexisse, ut humanum genus redimeret, postremo in caelum ascendisse, & Ecclesiae suae curam Diuo Petro reliquisse, tanquam suo vicario, deinde ipsius successoribus Papis. Interrogatus monachus ab Atabaliba, unde haec sciret, respondit, librum illum quem ostendebat, id dicere. Sumptum à monacho librum Atabaliba euoluit, atque subridens, nihil, inquit, simile mihi dicit hic liber, & cum dicto simul abiicit. Monachus recepto ad se libro, Pizarrum inclamare coepit, & ad vindictam adhortari. Pizarrus statim tormenta explodi, fratrem Ferdinandum cum alijs equitibus impetum in Indos facere iubet, qui tonitru tormentorum, & tintinnabulorum phaleris equorum appensorum strepitu attoniti, diffugiunt: ipse Franciscus cum peditatu impressionem in Regem Atabalibam facit, multisque hostium caesis Atabalibam ex sella qua gestabatur detrahit & capit.

Hispani

Hispani cum mulieribus quas in castris & balneis superato Atabaliba repererunt, libidinem suam explent.



CAPITO Atabaliba, & relata tam insigni, (nullum enim suorum Pizarrus amisit) de Indis victoria, Hispani, de tanta praeda, & adeo potente Rege superato sibi plurimum gratulantes, totam illam noctem partim genio, partim quieti indulserunt, valde enim erant fatigati, nec integro illo die cibum sumpserant. Postridie in vicina urbi Caxamalca loca excursions faciunt, & inuentas in balneis, uno miliari à Caxamalca distantibus, mulieres rapiunt, atque cum illis, perinde atq; cum aliis quas in Atabaliba castris repererant, libidinem suam explent: Scribunt autem rerum in India occidentali gestarum Historici, repertas fuisse cum in illis balneis, tum Atabaliba castris, ad quinque mille feminas.

C

Atabaliba

Atabaliba de suo litro persolvendo cum Francisco Pizarro paciscitur.



MAGNAS divitias in Atabaliba castris inuenerunt Hispani, & inter illas aureum vas ducentas auri libras pendens: sola etiam eius supellex aurea & argentea centies millenis ducatis aestimata fuit. Postridie Pizarrus Atabalibam adit consolandi gratia, graviter enim querebatur sibi iniectas fuisse compedes: at quandoquidem in istud infortunium inciderat, à Pizarro petit, ut bene eum habere velit. Agnoscens autem Hispanorum avaritiam, si illi compedes adimant, liberumque dimittant, pro sua redemptione tantum auri & argenti in vasa elaborati daturum pollicetur, quantum caperet id in quo erat triclinium ad lineam usque quam ipsemet in pariete duxit, quamque deinde rubrica per totum triclinij ambitum notari iussit, addita tamen conditione, ne vasa elaborata confringerentur, aut liquarentur. Pizarrus illum consolatus, hilari animo esse iubet, fidemque dat humaniter se ipsum habiturum, postremo etiam liberaturum, si pro litro id persolveret quod pollice batur.

Atq; de his q; in p;lobo deo cum Francisco
T;mo p;lobo

[Faint, mostly illegible text in the upper half of the page, possibly a list or a long letter.]

1713

[Faint, mostly illegible text in the lower half of the page, possibly a list or a long letter.]

Attabaliba, fide accepta se liberatum iri, ad diuersa loca
suos ablegat adferendi auri & argenticauisa.



CONFIDENS Atabaliba promissis Pizarri, suos confestim in diuersa loca mittit, qui vndecun-
que aurea & argentea vasa, & aurum argentumque in quamcumq; formam elaboratum adfer-
rent, illos orans, vt quam citissime fieri posset redirent, si eius libertas ipsis cordi esset. Breui pro-
pterea aduenire ceperunt Indi auro & argento onusti. Sed cum triclinium amplum esset, & o-
nera quæ ferebant Indi non magni ponderis, licet multa, spectantium oculos minus implebant
quam triclinium, non tam quod pauca essent, quam quod tæderet Hispanos tam longæ moræ,
vt ea inter se partiri possent. Eam ob causam plerique dicere, Atabalibam de industria istas mo-
rasnectere, vt clam suis euocatis, omnes Christianos internecione deleret: censebant propterea nonnulli ipsum è
medio tollendum, atque in eam sententiam referentibus plerisque, haud dubie itum fuisset, nisi Ferdinandus Pi-
zarrus obstitisset. Atabaliba similia consilia agitari suspicatus, Pizarro dicit inanem esse illorum timorem, quan-
doquidem vinctus ab ipsis detineretur, nec maturius illa aurea & argentea vasa adferri posse, perpensa locorum
vnde peterentur distantia: Quito enim, Pachacama & Cuzco (vnde potissima redemptionis suæ summa aduehi
debebat) procul à Caxamalca distare. Si tamen certiores esse vellent, se nihil in ipsorum perniciè moliri, integrum
ipsis esse aliquos è suis ablegare per eius ditiones, ad obseruandū, an vlla fieret subditorū ipsius congregatio. Ferdi-
nandus de Soto in Cuzco, quod ducentis miliaribus à Caxamalca distat, profectus, & Ferdinandus Pizarrus in Pa-
chacama, centum miliaribus ab eadem Caxamalca distantem, nullum militum delectum aut conuocationem,
sed solos Indos vasa diuersi generis Caxamalcam deferentes offenderunt.

THE UNIVERSITY OF CHICAGO
LIBRARY

PJCB

On the 1st of May, 1861, the first of the
series of lectures on the history of the
United States was given by Mr. [Name]
of the University of Chicago. The lecture
was attended by a large number of students
and was highly successful. The lecturer
discussed the early history of the country
and the influence of the various states.
He also touched upon the political and
social conditions of the time. The lecture
was well received and the students
were much interested in the subject.
The series of lectures will continue
throughout the year.

Franciscus Pizarrus, contra fidem datam, Atabalibæ gulam laqueo frangi iubet.



AL I Q V O T, post captum Atabalibam, diebus vrgerere cœperunt Pizarrum Hispani, vt prædam acquisitam, & quæ redemptionis Atabalibæ nomine aduecta erant, licet locum designatum non explerent, inter ipsos partiretur. Aurum & Argentum, æstimatione primum facta, appendere iussit: inuentæ sunt argenti puri libræ vicesies sexies millenæ; auri vero mirias, tricies vices sex milleni & quingenti pesi ab Hispanis appellati, siue Castiliani, quorum singuli sesquicoronato æstimantur. Imperatori ex ea summa cesserunt pro quinta parte, quater centeni milleni pesi; singuli equites octies millenos & nouies centenos auri pesos, & centenæ octoginta quinque argenti libras acceperunt: singuli vero pedites quater millenos quadringentos & quinquaginta auri pesos, argenti libras nonaginta: militum Tribuni ad tricies, etiam ad quadragies millenos auri pesos habuerunt. Nunquam milites tam breui temporis spatio, tamque sine periculo diuites euaserunt. Franciscus Pizarrus diuisione prædæ facta, Ferdinandum fratrem, cum quinta parte quæ Imperatori cesserat, in Hispaniam ablegat.

Illo profecto, consilia, de morte Atabalibæ inferenda, denuo agitari cœpta: plerique, vt suæ salutis, tum earum Prouinciarum securitati consulerent, è vita tollendum censebant: alij vero ipsum in Hispaniam ad Cæsarem ablegandum, neque tantum Principem morte afficiendum, etiam si culpa non vacaret. Sed ptior sententia obtinuit: quæsitæ mortis inferendæ prætextus, quod videlicet fratrem germanum Guascarem à suis Præfectis captum occidi curasset, & perniciem Hispanis clam moliretur. Audita tam crudeli sententia, de Francisci Pizarri fide valde questus est, quæ se obstrinxerat liberum illum dimissurum, accepto litro: illum deinde orat, vt ad Cæsarem in Hispaniam mittat potius, quam manus polluat eius sanguine qui ipsum nunquam offenderet. Sed Pizarrus aures ad eius preces obstruens, per suos Aethiopes laqueo gulam illi frangi iussit. Ceterum, quod obseruatione dignum est, illius Principis mors non mansit impunita: nam male postea perierunt, quotquot in eius excidium conspirauerant. Illo autem extincto, atram vestem sumpsit Pizarrus, & honorificas illi curauit exequias.

Cuzco,

Cuzco, totius regni Peruani vrbs opulentissima, ab Hispanis occupatur.



INTELLIGENS Franciscus Pizarrus quam opulenta esset vrbs Cuzco Ingarum Imperij Regia, Caxamalcam deferens, eò proficiscitur; circumspēcte tamen iter faciens, quia Quizquiz, vnus ex primariis Atabalibæ Præfectis, magno cum exercitu per eam regionem vagabatur: à quo aliquot velitationes cum Soto, deinde cum Almagro factæ, in quibus aliquot Hispani multi vero Indi ceciderunt circa Vilcas, quo tandem Pizarrus cum reliquo exercitu peruenit. Viciniores Cuzco facti, frequentes ignes conspiciunt: eam ob causam dimidia pars equitum eò missa ad ignem extinguendum, arbitrabantur enim hostes vrbem incendisse, ne Christiani ea potirentur. Deprehensum tamen est nullum fuisse incendium, quod damnum inferre posset, sed ignes dumtaxat excitatos ad signum dandum vicinis incolis & vrbis ut eo confluerent. Et certe tam multi armati statim ex vrbe profilierunt, ut solo lapidum iactu Hispanos in fugam agerent. Ceterum superueniens Pizarrus, hostem multis cæsis in vrbem se recipere cogit. Sequentē nocte qui belli authores erant, sublata sua suppellectile, vrbem deserunt. Postridie nemine resistente, vrbem Cuzco Hispani ingrediuntur, Solisque templum, & Guainacapæ arcem spoliānt. Breuiter istic & vicinis locis, maiorem prædam nactos fuisse aiunt, quam capto Atabaliba.

D

Prælium

AND
GENERAL
INSTRUCTIONS
TO THE
OFFICERS OF THE
NAVY

JCB

Prælium inter Hispanos & Indos cōmissum ad urbem Cuzco.



MANGO Guaynacapæ filius, Atabalibæ frater, cuius capiti Franciscus Pizarrus diadema imposuerat, clam suos ad rebellionem sollicitat, armaque aduersus Hispanos comparat, cuius rei causa in vincula fuit coniectus, & in arce vrbs Cuzco custoditus. Aliquanto post familiaritatem maiorem cum Ferdinando & Ioanne Pizarris contrahit, ipsosque orat, permittant ad solenne quoddam festum, quod in Hircay celebrabatur, se conferre, fidelem enim in posterum se futurum, & inde solidam ex auro statuam allaturum, patris sui Guaynacapæ vultum & magnitudinem referentem. Dimissus, multos illico satrapas Indos ad se euocat, & ad rebellionem aduersus Hispanos faciendam concitat: Horum plerosque, simulque etiam Indos qui ipsorum causa in metallicis laborabant, occidi curat. Mittit deinde suis Prefectis vnum cum iusto exercitu, qui urbem Cuzco occupet: ille adueniens, Hispanis arcem adimit, eamque per sex aut septem dierum spatium inuitis Hispanis retinet. Hispani tamen acriter & strenue pugnando, desideratis aliquot e suorum numero, & inter eos Ioanne Pizarro, recipiunt. Superueniens porro Mango cum centum millibus Indorum, urbem obsidione cingit, eamque singulis pleniluniis impugnat. Marchionem Franciscum Pizarrum, intellecta Mangonis Ingæ rebellionem, magna incessit sollicitudo, eam ob causam per intervalla quosdam e suis Tribunis Cuzco mittit, qui videant quo in statu sint eius vrbs res: omnes ab Indis intercepti caduntur. Cum autem nemo ex iis quos emiserat, ad ipsum reuerteretur, magis anxius esse coepit: itaque Tribunum Franciscum Godoy ablegat cum quadraginta equitibus, qui certi quidpiam perdisceret: is in angustiis quibusdam viarum in Indorum insidias incidit, & vndique ab illis cinctus, omnes suos amittit, ipse solus generosi & perniciosi equi, cui insidebat, auxilio periculum euadit: atque ad Pizarrum reuertens, Hispanos quosdam, ex eorum numero qui ante cum aliis Tribunis missi effugerant, in itinere offendit, à quibus edoctus quæ in Cuzco accidissent, Limam rediit. Pizarrus, his auditis, vnde quaque auxilia acceperat. Huic primus omnium adfuit Alphonfus Aluaradus, quem trecentis Hispanis, maxima ex parte equitibus præficit, iubetque nusquam consistat, quin debellatis Indis Cuzco obsidione liberet. Ille profectus, in itinere Gomezium de Tordoya inuenit, qui se cum ducentis militibus Hispanis ipsi adiunxit: Cuzco vicini facti, impetu facto Indos adgrediuntur: tanta autem contentione vtrinque pugnatum est, quanta nunquam postea. Indi tandem, plurimis suorum amissis, in fugam se coniiciunt.

Tratado de los Indios de las Indias Occidentales

RPJCB

Iacobus Almagrus à Ferdinando Pizarro in vincula coniicitur, in carcere strangulatur, postremo publice capite plectitur.



REVERSUS è Chilensi expeditione Almagrus, Cuzco urbem noctū occupat, & Ferdinandum Pizarrum, ex Hispania reducem, qui urbis aditu illum prohibere voluerat, cum Gonsaluo fratre in vincula coniicit. Quare à Marchione Francisco Pizarro intellecta, exercitum conscribit aduersus Almagrum: sed monachorum & aliorum quorundam magnæ autoritatis virorum interuentu, condiciones proponuntur ad ipsos reconciliandos: vt videlicet vterque exercitum dimittat, Almagrus Ferdinandum Pizarrum è vinculis soluat (ante enim corruptis custodibus Gonsalvus euaserat) vterque ad Cæsarem mittat petitem, vt ipsius Maiestas de his quæ ad ipsorum Gubernationem pertinerent, noua mandata dare dignetur, vtque in Mala conueniant singuli cum decemquitib. duntaxat, ad pacem fanciendam. Almagro Malam profecto, vt dictum erat, Gonsalvus in itinere struit insidias. Almagrus ea re intellecta Cuzco regreditur, militemque cogit ad se tuendum, multum conquestus de Pizarri perfidia, tum de monachis qui similes condiciones proposuissent. Marchio metuens ne Almagrus ira percitus Ferdinandum Pizarrum fratrem quem captium detinebat, neci traderet, statim Iacobum Aluaradum ad eum ablegat, qui affirmaret Marchionem minime consciū esse eorum quæ Gonsalvus frater tentasset. Almagrus, tametsi Marchionis fides ei valde suspecta esset, precibus tamen Aluaradi euictus, propositas condiciones accipit, & Ferdinandū liberum dimittit. Marchio recepto fratre, toties datam fidē frangit, & Almagro significat Cuzco volens excedat, sin minus, vi ipsum inde expulsum. Vterque se ad prælium accingit: Marchio suis militibus Ferdinandum fratrem præficit, prælium committitur, vincitur Almagrus, captumque Ferdinandus in carcerem coniicit, deinde mortis sententia (frustra obsecrante Aluarado ne id faceret) in ipsum pronunciata, illi gulam in carcere frangi iubet, postremo cadueri in publicum producto, ceruices præscindi.

Qui fuerint Almagri parentes, incertum. Cœlebs vixit: filium tamen reliquit ex Inda muliere, cum qua consuetudinem habuit in Panama, eiusdem cum ipso nominis.

Jacobus de Voragine
Sermo in die Ascensionis

[Faint, mostly illegible text in the upper half of the page, likely bleed-through from the reverse side.]

PPICB

[Faint, mostly illegible text in the lower half of the page, likely bleed-through from the reverse side.]

Marchio Pizarrus à Iacobo Almagro iuniore, & eius confoederatis, in propriis ædibus cæditur.



IN urbem Regum reuersus è Cuzco Franciscus Pizarrus, cum Almagro iuniore in gratiam redire cupiebat, sed inanem sumebat operam: nam ille vindictam sumere de Patris morte (præsertim ad id facinus impellente Ioanne de Rada, cui Almagrus moriens filium commendaue- rat) omnino constituerat. Pizarrus indignatus, ipsi & eius sequacibus Indos adimit, vt egestate compulsos, ad se confugere cogeret, atque ista ratione clandestina eorum conuenticula dissol- ueret. Ista re magis irritati Almagristæ, clam arma comparant, & ad Iacobi Almagri ædes com- portant. Nuntiantur hæc Marchioni Pizarro, sed negligit; illos iam satis miseros esse dicens, nec occasionem quæsituros, vt magis miseri fierent. Interea rumorem spargunt illi Pizarrum ipsorum vitæ insidiari. Admonetur denuo Pizarrus, vitæ suæ consulat: nam haud dubie Almagristas in ipsius necem conspirasse. Ille ni- mis confidenter respondit, eorum capita suum conseruatura: præterea non velle se vllos prætorianos ad sui tute- lam adsumere, ne ipsi obiicerent aduersarij, aduersus Vacam de Castro (is recens à Cæsare missus aduenerat) armis se munire. Coniurati statuunt ipsum die Diuo Ioanni sacro in templo occidere: vnus è coniuratis Parocho summi templi coniurationem indicat, is illa ipsa nocte dissimulato habitu secretarium Antonium Picatum adit, certio- remque facit de his quæ intellexisset: ille porro Pizarrum, qui constituto die templum non accedit. Coniurati eare obseruata, coniurationem detectam intelligunt: itaque se perditos, nisi Marchioni necem inferre maturent. Ioan- nes de Rada, vafri vir & acris ingenij, nec minus strenuus, confestim sub meridiem hora prandij Pizarri ædes petit assumptis secum vndecim coniuratis bene armatis, qui eductis gladiis identidem alta voce clamarent, moriatur tyrannus, moriatur proditor, qui Vacam de Castro necari curauit. Pizarrus strepitum exaudiens, ædium fores oc- cludi iubet, interea dum cubiculum ingreditur arma sumpturus, Rada quendam è suorum numero ad ædium Pi- zarri vestibulum plateam spectans sistit, qui nudum gladium sanguine hirci quem istic confoderat tinctum manu tenens, exclamaret, necatus est Pizarrus, id autem eo consilio, vt Almagristæ, qui circiter ducenti in vrbe latebant, Ioanni de Rada in subsidium venirent. Chaues existimans sua autoritate coniuratos reprimere posse, ianuam a- perit, & loqui exorsus, statim confoditur, perque gradus deturbatur, simulque ædes ingrediuntur coniurati, quo- rum impetum, soli septem qui Pizarro aderant, aliquamdiu sustinuerunt: quibus occisis, Pizarrus solus diu adhuc coniuratis restitit, donec accepto in iugulo vulnere concideret. Fuit Marchio Pizarrus robustus, animosus, stre- nuus, venerabilis, sed vitæ suæ nimis negligens.

Pugna

MANUAL OF THE
MILITARY ENGINEER
BY
J. B. COLEMAN, V. L. I.

RPJCB

Pugna inter Vacam de Castro & Iacobum Almagrum iuniorem commissa.




Cc i s o Marchione Francisco Pizarro, Almagristæ per urbem discurrentes, conclamant, Viuat Rex & Iacobus Almagrus, atque Pizarri aliorumque diuitum ipsi amicorum, ædes diripiunt. Iacobus Almagrus iunior à suis sequacibus Peruani regni Gubernator proclamatur, donec alia mandata à Cæsare accipiant, & Ioannes de Rada totius exercitus Præfectus constituitur. Vaca de Castro, intellectis in Quito iis quæ ab Almagro facta erant, Limam proficiscitur: inde litteras dat ad Almagrum, qui iam Cuzco discesserat, monens ut positis armis ad se veniat, omnia ipsi condonatum iri, insuper accepturum, vnde secundum suum statum honorifice vitam traducere posset. Almagrus ad eas respondet, se obsequuturum, modo Gubernationem quam parens ipsius obtinuerat, in eum conferret, & remissionis diploma, Cæsareo sigillo munitum ipsi mitteret, alioqui minime se id facturum. Itaque confidens militum numero (septingentos enim Hispanos habebat, ducentos videlicet sclopetarios, ducentos quinquaginta equites, reliquos sarissis vtentes, & omnes bene armatos, multis præterea tormentis maioribus, instructus erat, & Indorum magna turba) bellum indicit, suisque militibus hostium quos mactarent facultates & vxores pollicitus, confestim castra mouet, & collem quendam binis à Guamanga milliariibus distantem occupat. Vaca porro de Castro, obseruata Almagri intentione, Guamangam, in qua tunc erat, reliquit, propter aspera loca equitibus (quorum maiorem numerum habebat quam Almagrus) incommoda, & planiciem altam deligit Chupas vocatam: ibi suos ad pugnam hortatur, quos ut alacriores redderet, in Almagrum mortis sententiam pronunciat, sigilloque formatam publice promulgari iubet. Viciniore denique exercitu facto, concurritur: multo autem tempore dubia fuit pugna, ut vter victoriam referret, esset incertum, tandem tamen ea potitus est Vaca de Castro, sed multis suorum desideratis. Almagrus in Cuzcum fugit, vbi comprehensus, Vacæ de Castro traditur, atque eius iussu capite plectitur. Eius morte pacata fuit tota Prouincia.

E

Blascus

THE JOURNAL OF THE
SOCIETY OF THE HISTORY OF THE
CITY OF NEW YORK



RPJCB

THE JOURNAL OF THE
SOCIETY OF THE HISTORY OF THE
CITY OF NEW YORK
PUBLISHED BY THE SOCIETY
OF THE HISTORY OF THE
CITY OF NEW YORK
NEW YORK
1910

Blascus Nunnez Vela Prorex, Guillenum Xuarez,
Regiorum negotiorum Procuratorem confodit.



IMPERATOR, intellectis Peruani regni motibus, quæ sit Indorum qualitas, quo modo ab Hispanis tractentur, à Præfectis, aliisque quibusdam, & viris religiosis qui istic vixerant, perquiri iubet. Referentibus autem nonnullis monachis, non posse Regionum illarum possessionem adquiri aut retineri, nisi mutata ratione cum incolis viuendi hæcenus obseruata: viris doctrina & vitæ integritate claris negotium dat, vt statuta quædam siue leges condant, ad illarum regionum gubernationem Christiane instituendam idoneas. Circiter igitur quadraginta scribuntur, Cæsaris quoque sigillo confirmantur. Verum quia satis acerbæ erant, licet bonæ, Cæsar monitus est, deligendū esse virum magnæ autoritatis, acrem & integrum, qui eas Peruano regno promulget, quoniâ Hispani istic viuientes seditiosi erant. Eam ob causam deligit Cæsar Blasum Nunnez Velam, virum primarium, & rigidum, quem Proregis titulo exornat, illique quatuor Iurisperitos auditores addit ad Summum Senatum in ea Prouincia instituendum, in quolites & controuersie istic exortæ deciderentur. Ille, vbi in Peruanum regnum aduenit, confestim leges promulgari iubet, licet plurimum rogaretur, ne adeo properaret, donec aliud mandatum à Cæsare acciperet: delectos enim quosdam in Hispaniam ablegandos, ipsius maiestatem oratum, eas leges moderari didignaretur, neque adimere pateretur, quæ illarum Prouinciæ adquirentes ipsius licentia & clementia possiderent. Verum surdum animos offendit: & antequam Limam siue Regum-urbem perueniret, intelligit illius urbis ciues ipsum non admissuros, nisi iuramentum præstaret se supplices illorum libellos accepturum, & secundum leges conditas vltius non progressurum: eam ob causam quandam præmittit, qui ipsis nunciaret Proregem commutasse pristinum rigorem in mansuetudinem, considerato damno & indignatione qua omnes afficerentur, si legum rigorem exequi vellent. Antequam tamen urbem ingrederetur, Guillenus Xuarez Regiorum negotiorum Procurator, eum totius communitatis nomine iubet fidem dare, se privilegia, libertates, immunitates, honores, quos Cæsar illarum Regionum occupatoribus concessisset, conseruaturum. Ille iuramento se adstringit, omnia acturum quæ ad Cæsaris seruitium, & Prouinciæ comoda pertinerent. Urbem vero ingressus, leges promulgat, & secundum illarum sententiam omnia exequitur, Vacamque de Castro in vincula conlucit. Hinc orti motus & seditiones, plerisque ad Gonzalum Pizarum profugientibus: hos paulo post subsequuti sunt affines Procuratoris regiorum negotiorum, qui communes cum illo ædes habebant, & plerique alij primarij viri, & militum Tribuni. Prorex indignatus, Alphonsum de Monte maiore mittit cum quinquaginta equitibus, qui illos ex fuga retraheret: sed ille ipse à fugientibus capitur. Quare magis ira percitus Prorex, Regiorum negotiorum Procuratorem accersi iubet, cui, cum aduenisset, quæ malum, inquit, est hæc proditio? Ad hæc Procurator, proditor non sum, sed tam fidelis seruus Regis, quam vestra dominatio. Prorex rursum, proditio & scelus est, ablegare ad Pizarum vestros affines cum tam frequentibus primarijs viris. Conantem se ab istis calumnijs purgare Procuratorem, Prorex pugione bis ictu repetito confodit, & simul exclamat, occidite illum, occidite illum, occidite: occisum è porticu in plateam abiciunt, & pedibus comprehensum protrahunt. Magnos motus excitauit Procuratoris mors: nam vir erat magnæ autoritatis in illa prouincia.

THE HISTORY OF THE


ROYAL SOCIETY OF LONDON

The Royal Society of London, for the Improvement of Natural Knowledge, was instituted on 28th December 1662, by a charter from Charles II. The society was founded by a group of natural philosophers, including Francis Bacon, Robert Boyle, and Christopher Wren. Its purpose was to promote the study of natural philosophy and to disseminate the results of their research. The society has since become one of the most prestigious scientific institutions in the world, and has played a major role in the development of modern science.

RPJCB

The society has since become one of the most prestigious scientific institutions in the world, and has played a major role in the development of modern science. It has been instrumental in the discovery of many of the laws of nature, and has provided a platform for the work of some of the greatest scientists of all time. The society's commitment to the advancement of knowledge and the promotion of scientific research has made it a cornerstone of the scientific community.

Prorex Blasus Nunnez Vela in carcerem coniicitur.



MAGNVS, vt diximus, exortus est rumor in Lima ob Procuratoris necem: dicebant enim Proregem in posterum vsurpaturum licentiam occidendi quemcumque libuisset: ideo plerique Pizarri aduentum desiderabant. Sed & ipse Prorex valde anxius erat: eam ob causam, ne in loco, vbi adeo inuisus erat, haberet, cum Pizarrus adueniret, Trugillum sese conferre, & Cancellariam cum Quæstura regia eo traducere in animo habebat: idcirco tres naues armari iubet, in quibus mulieres, Auditorumque supellestem transferret. Illis imponit Vacam de Castro, & Marchionis Pizarri liberos. Auditorib. persuadere nititur, vt relicta Lima, Trugillum proficiscantur cum vxoribus, auro & ferro quod possiderent. Auditores vero ipsius voluntati sese opposcentes, aiunt neque alio se conferre sibi integrum, neque Regum-ciuitatem deserere, quia Cæsar in legibus promulgatis iubeat ipsos supremum Senatum istuc constituere debere, tum etiam ne viderentur Gonsaluum Pizarrum formidare, qui septuaginta miliaribus inde aberat, neue animi diffidentiam ciuib. atque aliis qui istic erant in seruitio Regis, & eius partes fouebant, crearet. Audito ipsorum responso, se mansurum pollicetur: simulatq; tamen illi è concilio, quod in ipsius ædibus habitum erat, egressi fuerunt, Tribunos militum, & alios regia munia obeuntes accersit, quibus mentem suam aperit, & causas refert, cur, deserta Regum-ciuitate, Trugillum se conferre velit, illisque imperat, vt postridie parati sint, certissime enim profecturum cum impedi mentis & mulieribus, mari: Velam Nunnez fratrem terrestri itinere cum milite. Omnes præ animi mollitie & pusillanimitate, in ipsius sententiam iuerunt. Quod cum intellexissent Auditores, statuunt, neque sibi abeundum, neque permittendum vt ciues Proregem sequantur. Itaque à Prorege petunt, ne discedat, & ciuib. edicunt, ne suas vxores ingredi naues permittant, etiam si Prorex discedat: nihilominus ille interca naues onerari iubet, & equos ad discessum adornat. Cepeda eadem nocte arma in suas ædes comportari curat, ad quas postridie se contulerunt reliqui auditores. Prorex his auditis, arma expedire iubet, ad quem ilico confluxerunt quadringenti Hispani primarij, quorum nonnulli ipsum orarunt, vt se domi contineret, nec se periculis obiceret. Auditoribus interea à Cepeda egressis turba hominum se adiunxit. Tribuni militum Proregis id conspicientes diffugiunt, oppugnantur Proregis ædes, & ipse à Martino de Robles capitur.

RPJCE

Plerique prætextu obsequij Cæsari præstandi, priuatas iniurias vlciscuntur.



PETRVS Gasca in Peruanum regnum à Cæsare ablegatur, cum motuum exortorum componendorum causa, tum vt admissorum veniam confirmet iis qui sub Cæsaream potestatem redirent. Is vbi Panamam venit, ad Gonsaluum Pizarrum scribit, ipsum monens, vt positis armis, sese Gubernatione quam vsurparat sponte abdicaret: id si ageret, Imperatoris clementiam experturum, à quo potestatem accepisset, facinora admissa ipsi & alijs condonandi, legesque latas reuocandi, & permissionem concedendi, vt singuli suis facultatibus, velut antea, frui possent. Porro ne nimium confideret iis qui hactenus ipsum essent sequuti: nam simulatque sui regis vocem exaudirent, eis gratiam & veniam conferentis, omnes eum deserturos. Pizarrus ad hæc, verbis quidem petit, ne Gubernationem ipsi adimere velit, re tamen ipsa clam eius vitæ struit insidias. Petrus Gasca interea Petrum de Inoiosa, classis Pizarri præfectum in suas partes pertrahit, & Aldanam cum tribus nauibus Limam mittit, vt inde diplomatis, Cæsaris gratiam & clementiam continentis, exempla, per loca vicina spargi curet, & Inoiosam Præsidi Gasca classem tradidisse significet. Ea promulgatio magnam mutationem in regno Peruano attulit: nam multæ vrbes Præsidi Pizarrum deseruerunt, & Cæsareas partes amplexi sunt. Sed & plerique sub eo prætextu priuatas iniurias vlti sunt. Nam Rodericus de Salazar Petrum de Puellas in lecto decumbentem pugione confodit in Quito: Franciscus de Olmos Emanuelem Statium in Guaiacil occidit: Iacobus Mendez Tribuno militum Morales gulam laqueo frangi iussit, & multæ huiusmodi cædes in Pizarri sequacibus factæ: quibus valde offensus fuit Præsides Gasca, & ipsos homicidas grauiter increpuit. Vos, inquit, prætextu obedientiæ & obsequij erga Cæsarem, particulares vestras inimicitias & iniurias vltum itis: Cæsar tali obedientiam non indiget, neque simile obsequium à vobis requirit.

Hispani


RPJCB

Hispani Indos oneribus succumbentes crudeliter tractant.



DVM Praeses Gascaïn Trugillo haret, Tribuni militum ad ipsum variis è locis confluunt cum non contemnendo militum numero, sic ut breui tempore mille quingentos egregios milites cogeret. Rebus omnibus ad profectionem paratis, Trugillo discedit cum uniuerso exercitu, & magno Indorum numero ad impedimenta ferenda: erant autem illi omnes catenis vincti, ne diffugerent, atque illorum nonnulli adeo grauius oneribus pressi, ut vix pedibus consistere possent, aliqui etiam praesi nimia & lassitudine conciderent. Immites nihilominus Hispani, tantum aberat ut eos nonnihil subleuarent, quin potius crudeliter concidebant: quot quot autem colla catenis vincti habebant, ne ferro adimendo tempus perderent, capita praecidebant, vel si funibus duntaxat erant colligati, gladiis confodiebant: cum quibus mitius agebatur, iis nares, aures, brachia, vel poplites succidebantur, & ita mutili relinquebantur. Adeo crudeliter habiti sunt à militibus Hispanis Indi, donec Sausam, & inde Guamangam peruenirent.

201511




-1250

Gonsalvus Pizarrus vincitur, capitur & supplicio afficitur.



SUPERATO non sine difficultate Apurima flumine, Præses de committenda pugna serio cogitat, & oratione ad suos milites habita, strenue sese gerant, adhortatur, magna præmia pollicitus. Contra Pizarrus Cuzco egressus, ex aduerso castra figit. Altero die pugnae signum datur: deserunt interea plerique Pizarrum, & inter ceteros Auditor Cepeda. Pizarrum valde commouit, & eius militum animos valde fregit istorum fuga, præsertim Cepedæ: nihilominus suos hortatus, eos in aciem distribuit. Ænea tormenta interea disploduntur, quæ magnam faciunt stragem, præsertim Præsidis Gascae in Pizarri milites: quorum magna pars fugiens ad Præsidis castra se contulit: plerique etiam abiectis armis negarunt se pugnatu- ros. Hac ratione breui solutus est vniuersus Pizarri exercitus, & attonitus remansit ipse Pizarrus cum Tribunis ipsius, quia neq; pugnare potuerunt, neq; fugere voluerunt. Conspiciens autem Villauincentium, interrogat quis sit: respondenti se primum esse Centurionem Cæsarei exercitus; & ego, inquit, sum infortunatus Gonsalvus Pizarrus, simulque cum dicto ense illi tradit. Valde sibi gratulatus est tali captiuo Villauincentius, statimque illum, vti armatus erat, ad Præsidem Gascam duxit: is porro Iacobo Centeno custodiendum tradit, Postridie datum mandatum Licentio Cianca, & Præfecto Castrorum Aluarado, vt de captiuis cognoscerent & supplicium sumi curarent. Pizarro fuerunt ceruices præcisæ. & caput in Regum- ciuitatem delatum, marmoreæque columnæ impositum, ferrea reti inclusum, cum hac inscriptione: Hæc caput est proditoris Gonsalvi Pizarri, qui in valle Xaquixaguana, acie aduersus Cæsaream vexilla decertare non dubitauit. Illo sublato, Præses Gasca Cuzco profectus est, Pizarrique & aliorum proditorum ædes dirutæ & sale conspersæ, lapis item subiectus cui inscriptum erat: Istæ ædes fuerunt proditoris Gonsalvi Pizarri.

Milites Ferdinandi & Petri de Contreras, in vincula coniecti,
Panamæ à Prætorē quodam, pugione confodiuntur.



COMPOSITIS Peruanis motibus, Præses Gasca reditum in Hispaniam parat, cuius rei causa Panamam proficiscitur, inde præmissis Cæsareis pecuniis ad Nomen-dei, per Chagre flumen, breui subsequutus est, relictis in Panama circiter quadringentis millibus pesorum in argento, quos vectorum penuria mittere non potuerat. Plerique eorum militum, qui in præmiorum distributione à Præsīde neglecti fuerant, indignati confluebant ad Ferdinandum & Petrum de Contreras fratres germanos, Roderici de Contreras filios, grauitē etiam ferentes parentem suum officio fuisse summotum: itaq; collecta circiter trecentorum militum manu, nauibus ad Panamæ portum appellant, quo intellexerant Præsīdem aduenisse cum pecuniis Regiis: noctem ergo expectantes, portum sine strepitu ingrediuntur, existimantes Præsīdem istic se reperturos, & illum cum pecuniis comprehensuros. Sed audientes illum ad Nomen-dei urbem se iam contulisse, ædes Martini Ruiz Quæstoris istic regij occupant, atq; argentum illud relictū inuolant, & illud vna cum auro reliquisq; opibus quas in ea ciuitate subriperunt, in suas naues conuehunt. Deinde ad Nomen-dei proficiscendū sibi necesse esse statuunt ad Præsīdem opprimendum, antequam intelligat quæ Panamæ gesta essent. Ciuitate egressi, Ioannem Bermeio cum centum militibus in colle vrbi vicino relinquunt: ipse Ferdinandus cum reliquo exercitu versus Præsīdem proficiscitur, iis exceptis quos Petro fratri comites addidit ad naues se conferenti ad prædam conseruandam. Quæstor regius, & Ioannes de Larez obseruata istorum seiunctione, existimante eos opprimi aut profigari posse, eam ob causam conuocatis ciuibus arma subministrant, cum quibus Ioannem de Bermeio oppugnatum eunt, prius tamen missis per diuersa itinera duobus viarum peritis, qui Præsīdem & Nominis-dei ciues monerent de iis quæ acta essent, & à Ferdinando sibi cauere. Bermeium facto impetu profigant, multosque ex eius militibus capiunt: deinde Quæstor statim Ferdinandi vestigia ad Nomen-dei profecti sequitur, sperans illum adsequi posse: sed ille de Quæstoris victoria certior factus ab his qui effugerant, atq; ipsum ad se tendere, suos dimittit, & qua possint via ad mare se conferant, hortatur, vbi frater naues habebat: illorum tamen plerique capti & in urbem pertracti. Petrus audito fratris & Bermeio infortunio, scapham conscendit, & relictis nauibus cum præda, profugit. Captiui in forum producti, & istic à Prætorē quodam urbano pugione confossi.

Handwritten text at the top of the page, likely a title or header, which is mostly illegible due to fading.

Main body of handwritten text, consisting of several paragraphs. The script is cursive and difficult to decipher.

MPJCB

Bottom section of handwritten text, possibly a conclusion or a separate entry. Includes a small circular stamp or mark on the right side.


Hispani Indos domicilia in arboribus habentes oppugnant.



INDI, qui Australem illam plagam, siue littus illud mari pacifico obiectum colunt, sua aedificia in summo arborum fastigio fabricare solent, quia solum valde humidum & paludosum est. Propterea Hispani nondum illos perdomare potuerunt, nulli enim equi istuc versari queunt. Primus Valboa, cum ad mare Australe peruenisset, huiusmodi aedificia non sine magno ipsius, & Hispanorum militum, qui comitabantur, risu conspexit: nam rei nouitate attoniti, Ciconiarum aut Picarum nidos se videre arbitrabantur. Adeo autem celsæ erant istæ arbores, ut robustus vir, proiectu lapidis earum altitudinem superare vix posset, imo nonnullæ tam crassæ, ut octo hominum vlnæ amplecti nequirent. Simili etiam ratione habitant quidam aliis locis humidis & stagnantibus: sunt autem isti strenui bellatores, aurique diuites, & suam regionem tutati sunt aduersus Hispanos, quorum plerosque trucidarunt. Istorum etiam aedificiorum meminit Petrus de Cieca, prima parte Chronici Peruani capp. XII. XXVI. & XXIX. scribitque valde capacia esse, ut plures etiam integras familias capere possint.

Hispani

THE HISTORY OF THE
HINDU INDUSTRY IN THE
NINETEENTH CENTURY



RPJCB

It is a well-known fact that the history of the Hindu industry in the nineteenth century is a story of progress and development. The industry has grown from a small, scattered group of artisans and craftsmen to a large, organized system of production and distribution. The growth of the industry has been the result of many factors, including the opening of the country to foreign trade, the introduction of new machinery and techniques, and the efforts of the government and private enterprise to improve the industry. The history of the Hindu industry is a story of the struggle for progress and the triumph of the spirit of enterprise.

History

Hispaniarbores, in quibus Indorum domicilia, succi-
dunt, illosque deturbant.



BENZO refert, eo tempore quo in illa Prouincia versabatur, Hispanum quen-
dam Tribunum militum, cui nomen Caspar de Andagoya, Sinui Diui Mat-
thæi Præfectum, cum prædiario milite (qui ad centesimum & quinquagesi-
mum numerum accedebat) æstate per eam prouinciam excursiones facere, &
asserres ligneasque tabulas circumferre solitum, ut militem à saxis & iaculis
Indorum indemnem præstaret. Nam cum eius regionis incolæ Hispanos aduenire intelligebant
ad se oppugnandum, comparabant se ad resistendum & lapidum iactu, & sarisis, & aqua fer-
uentis effusione, ut Hispanorum capita perluerent. Interea Hispani securibus arbores cadere
non desistebant, donec eas cum domiciliis deturbarent: deinde miseros Indos crudeliter neca-
bant. Non tamen inulti moriebantur Indi; quia non cadebant quin aliquot Hispanos & arte
& sua ruina opprimerent, aut grauiter affligerent. Quia tamen regio inculta & deserta erat,
totque hominibus alimenta præbere nequiret, Andagoya regionem tandem deseruit, & ma-
gnam auri vim, quam istic corraserat, abstulit.

G

Indorum

1787

HPJCB

1787

Indorum pontes ex funibus contexti.



SU PRA flumen Chiuuo, in colle quodam nominato Guaynacapa traiectus, pons est ex funibus contextus. Eius nominis origo inde exorta. Rex Guaynacapa regionem illam in suam potestatem redigere cupiens, suis Praefectis unum cum magno exercitu mittit ad eam occupandam. Ad ripam fluminis cum venisset, incolae pontem struere iubet ad traducendum exercitum. Extruitur pons, pro regionis eius consuetudine, ex crassis funibus, oblique & transversim aliis funibus connexis. Facto ponte, exercitum traducere incipit: hostes qui ex altera fluminis parte erant, illico crassiores illos funes de palis aut arboribus utrinque firmiter religatos, rescindunt, omnemque turbam ponti insistentem in flumen precipitem agunt, & undeque in eos qui iam pontem superauerant, qui in altera fluminis ripa adhuc haeabant, impetu facto ruunt, totumque fere exercitum concidunt.

Hac ubi intellexit Guaynacapa, Quito discedit cum maiore, quam cum suo Praefecto miserat, exercitu, totamque eam regionem ferro & incendio vastat & fœdat: pontemque lapideum, ut facilius esset traiectus, construere voluit, sed irritum conatu, ob fluminis rapiditatem & vortices. Similium pontium meminit Gomara cap. cxcv. Historiae suae generalis Indiarum, & Petrus Cieca cap. x. & lxxxix. primae partis Chronici Peruani.

Ind. and Agric. of India in 1900



PJCB

The following table shows the total value of the principal agricultural products of India in 1900, as compared with the value in 1890. The figures are in lakhs of rupees.

Product	1890	1900
Wheat	1,200	1,500
Barley	800	1,000
Rice	10,000	12,000
Grain	15,000	18,000
Oilseeds	5,000	6,000
Other crops	3,000	4,000
Total	32,000	38,500

The above table shows that the value of the principal agricultural products of India in 1900 was 20.6 per cent higher than in 1890. This increase is due to a number of causes, including the increase in the area under cultivation, the improvement in the methods of cultivation, and the increase in the price of the products.

Principum & Satraparum Indiæ Occidentalis sepulturæ.



DEFUNCTIS Regibus aut Satrapis, magnifica exequia & funebres ritus fieri solebant: nam ingentes fodiebant specus siue scrobes, in quas extinctum demittebant, deinde aurea & argentea vasa, reliquamque eius preciosiorem suppellectilem ex auro siue argento elaboratam adiciebant, postremo ex vxoribus nonnullas vel formosiores, vel quas habuerant chariores, nonnullosque primarios seruos, vestem, potum, & cibum iniciebant, unde vescerentur qui extinctum comitarentur donec ad locum destinatum perueniret, & quibus frui possent, in eo loco constituti. Ex quibus apparet eos immortalitatem animæ non ignorasse: sed à Satana persuasos, alio transferendos, ubi viuerent genio indulgentes quemadmodum ante obitum faciebant. Atque ut facilius persuaderet eis certa esse quæ diceret, interdum (permittente Deo) Principis alicuius defuncti formam capiebat, qui significaret se in alio regno nunc beate viuere, magno cum apparatu & alacrem, qualem ipsimet conspiciere poterant. Eam ob causam fascinati isti Indi maiorem curam in condendis sepulchris quam in vlla alia re, adhibebant. Hæc porro communis est sepeliendi Principes in multis regionibus Peruanis consuetudo: tametsi in nonnullis sit diuersa. Hispani multas eiusmodi sepulturas valde diuites inuenerunt: sed longe plures adhuc tectæ latent.


Prophetia & Septuaginta Orientalis

[Faint, mostly illegible text in a large script, likely a translation or commentary on the Septuaginta.]

1510

Dicitur in prophetia... *[The text continues with a large initial 'D' and more faint script.]*

Peruanos valde industrios esse aurifabros.



ANTEQUAM Peruani sub Ingarum imperium redigerentur, ea industria & politione quam nunc habent, destituebantur, ut ab ipsismet incolis intelleximus. Sed postquam Ingæ, hoc est, supremi illi Peruani regni Principes ipsis dominati sunt, politiones & cultiores sunt redditæ. Nam Ingæ illi valde delectabantur ornatiore suppellectile, statuis, & vasis egregie fabrefactis: eam ob causam aurifabrorum officinas variis Regni sui locis instituerunt, qui aurum & argentum in varias formas elaborarent. Et certe conspecta sunt vasa ab ipsis fabrefacta tanta arte & industria, ut quotquot ea viderunt non potuerint non admirari, eoque magis, quod pauca instrumenta habeant, & exiguum apparatus ad ea quæ cum facilitate quadam elaborant, peragenda.

Occupato ab Hispanis eo Regno, conspecta sunt elegantia & admiranda vasa de quibus (inquit Petrus Cieca primæ partis Chronici Peruani cap. c x i i i i) sileo, quoniam ipse non vidi. Illud tamen (pergit) affirmare possum, conspexisse me illos duorum æreorum fragmentorum, & duorum aut trium lapidum nigrorum adminiculo, vasa, fonticulos, candelabra tam affabre confecisse, ut nostri aurifabri cum omnibus suis instrumentis conficere vix possent. Ad metalla porro liquanda, duntaxat fornacula utuntur ex luto constructa, in qua carbones positi incenduntur à viris circum fornaculam dispositis, qui loco follium, arundinibus cauis flatu ignem excitant, ut materia vrceis imposita liquecat, quam deinde eximentes, fabrorum præfectis tradunt.

Guaynacapam tradunt in thesauris suis habuisse aureas statuas Gigantum magnitudine, sed intus inanes, ex auro præterea & argento conflatas formas quadrupedum, auium, arborum & herbarum in suo regno nascentium, similiter omnis generis piscium, vel quos mare regnum suum alluens vel flumina per illud labentia alerent. Addunt insuper, Ingas hortum quendam possedisse in insula quadam circa Punam, in quam nauigabant à curis soluti, ut genio indulgerent, cuius herbæ, flores, arbores ex auro & vrgeto conflatæ essent. Hoc certum est, aurifabros istos, statuas, idola, vasa, clenodia, breuiter quæcunque ab ipsis requirerentur, elaborasse, ad sua templa exornanda.


In insula Ferri, quæ vna ex Canariis est, nullam esse aquam potui idoneam, præter eam quæ ex vnica arbore destillat.




AD MIRANDVM quoddam Naturæ arcanum in Ferri insula, è Canariis, quas Fortunatas nonnulli appellant, vna obseruatum est, cuius omnes qui de ea Insula scripserunt recentiores, mentionem faciunt. Nempe istic arborem esse, quæ aquam potui idoneam subministret non modo totius illius insulæ incolis, sed ipsorum etiam pecoribus & armentis necessariam, quandoquidem aliõqui careant & fluminibus, & lacubus, & fontibus & puteis, vnde aquam potui aptam haurire possint. Est autem ea arbor, referentibus quibusdam, mediocris altitudinis, folio iuglandis, paullo tamen maiore, cincta muro ad fontis normam structo, vt aquam ex illa stillantem excipiat. Singulis enim diebus, binis horis ante lucem tegitur arbor densa quadam nebula, donec exortus sol suo calore nebulam discutiat & dissoluat: toto autem illo tempore quo nebula arborem inumbrat & obtegit, exsudat illa, atque ex trunco, ramis, & foliis multam aquam præbet, in lacunam illam circum arborem factam guttatim stillantem, quæ valde ab excellentia, præstantia & bonitate commendatur.

Occupata porro ab Hispanis primum ea insula, valde admirabantur, se neque flumina, neque fontes, neque puteos inuenire: interrogati autem incolæ, vnde aquam peterent, respondebant, se pluuialem in quædam vasa colligere ad vsum necessariam, prius tamen admiranda illa arbore harundinibus, & alia materia contexta, vt facilius Hispanos eiicerent, non reperientes aquam dulcem in tota insula. Sed fraus detecta fuit à muliere, cum qua Hispanus quidam consuetudinem habuit. Is rem vt erat, statim Tribuno suo aperit: ille ridere & fabulam censere: nihilominus, arborem detegere iubens, non fabulam, sed rem veram esse experitur. Sed Primates incolæ, intelligentes à muliere proditum aquæ arcanum, clam illam tollendam curarunt. Ouiedus etiam rem certam esse scribit, tamen si arborem vidisse negat, cum ter in eam insulam appulerit, iter in Americam instituens.

Quidam pluuiariam Plinij esse censent, in qua scribit Lib. vi. Naturalis Hist. cap. xxxii. non esse aquam nisi ex imbris: Nonnulli vero, ipsius Ombrion, in qua arbores similes Ferulæ, ex quibus aquæ exprimantur, ex nigris amara, ex candidioribus potui iucunda.





J
De Buz
64
pt. 6
1596
Lat

